

haere hoi ratou i te atea e, hi'o ai i te mau tino o te mau taata i faarue mai ia'u. E ore hoi to ratou tu'a e pohe, e

to ratou auahi e ore e tinahia; e riro hoi ratou ei riararara na te taata atoa.

TE

BUKA A IEREMIA.

Te taima e te parauraa ia Ieremia ra.

1 TE parau a Ieremia a Hilikia ra, te hoê o te pûpû tahu'a i parahi i Anatota, i te fenua o Beniamina ra; 2 tei parauhia mai te parau a Iehova i te anotau o Iosia a Amona, e arii no Iuda, i te matahiti hoê ahuru ma toru i te hau no'na ra; 3 e i te tau hoi o Iehoiakima a Iosia ra, i te arii o Iuda, e hope roa a'era te matahiti hoê ahuru ma hoê i te hau o Zedekia a Iosia, e arii no Iuda, e tae roa a'era i te hopoira ia Ieruselema ei titi i te marama pae ra.

4 I reira te parau a Iehova i te taeraa mai i a'u nei, i te na ôraa e, 5 Aita oe i hamanihia e au i roto i te opu, i ite ai au ia oe; e aita oe i fanau, i faataahia i oe e au; e ua haapaohia oe e au, ei peropheta na te mau fenua. 6 Ua parau atura vau, Auê! e tau Fatu, e Iehova e! aore hoi au i ite i te parau; e tamaiti iti hoi au. 7 Ua parau maira Iehova ia'u, Eiaha e parau, e tamaiti iti au: o tei tonohia oe e au ra, o ta oe ia e haere; e o ta'u e faaue ia oe ra, o ta oe ia e parau. 8 Eiaha oe e mata'u i to ratou mata; ei pihai atoa iho hoi au ia oe ei faaora oe, te parau maira Iehova. 9 Ua faatoro maira Iehova i tana rima, ua faatiaia maira i tau vaha; e ua na ô maira Iehova ia'u, Inaha, ua tuu vau i tau parau i roto i to vaha. 10 Inaha, ua haamana 'tu vau ia oe i teie nei mahana i nia i te mau fenua, e te mau basileia atoa ra, ia taihitumu, e ia huri i raro, ia haapau, e ia haamou roa 'tu; ia patu tia i nia, e ia tanu.

11 Ua tae maira te parau a Iehova ia'u nei, na ô maira: Eaha ta oe e hi'o na, e Ieremia? ua parau atura vau, E papua iti sekadi ta'u e hi'o nei. 12 Ua parau maira Iehova ia'u, Ua tia ta oe i hi'o ra: e faatupu etaeta hoi au i ta'u nei parau.

13 Ua tae faahou maira te parau a Iehova ia'u nei, na ô maira, Eaha ta oe e hi'o ra, e Ieremia? ua parau atura vau, Te ite nei au i te hoê pani e te au i te pûpûraa 'tu; e ua faafariu-ê-hia te

auvaha ia na te pae i apatoerau i te pûpû. 14 Ua parau maira Iehova ia'u, E riro na apatoerau atu te ino i te pûpûraa 'tu i na nia i te taata atoa o te fenua na. 15 Inaha hoi, e tiaoro atu vau i te mau fetii atoa no te mau basileia atoa i te pae i apatoerau, te parau maira Iehova: e haere ana'e mai ratou, a haamau ai te taata atoa i to'na terono, i te tomoraa i te mau uputa i Ieruselema, e i nia atoa i te mau patu e ati noa 'e, e i nia atoa i te mau oire o Iuda. 16 Na'u e tuu atu i ta'u parau ia ratou, no ta ratou mau parau ino ra; ua faarue hoi ratou ia'u, e ua tutui i te mea no'ano'a i te mau atua êê, e ua haamori i te ohipa a to ratou rima i rave.

17 E tena na, e tatia na oe i to tauupu, a tia, a parau atu oe ia ratou i ta'u e faaue atu ia oe na; eiaha oe e taiâ i to ratou mata, o te vaiho noa 'tu vau ia oe ia maheaha ia ratou. 18 Inaha, ua faarirohia oe e au i nauanei mai te oire faaetaetahia ra, mai te pou auri, e mai te patu veoi, i teie atoa nei fenua; e te mau arii atoa o Iuda, e te pûpû arii atoa ra; e to'na atoa ra feia tahu'a, e te mau taata atoa o te fenua na: 19 e tamai mai hoi ratou ia oe, e ore râ e tupu; ei pihai atoa iho vau ia oe ei faaora ia oe, te parau maira Iehova.

Te paraparau nei te Atua i to'na ra taata, e to ratou laivaraa.

2 UA tae maira te parau a Iehova ia'u nei, na ô maira, 2 A haere, a parau atu i te tari'a o to Ieruselema, a na ô atu; Te na ô maira Iehova, Te mana'o nei au ia oe, i te hamani maitai i to apiraa ra, te aroha i to faaauraa ra, a pee mai oe ia'u na te medebara, na te fenua faapu-ore-hia ra. 3 E mea haapaehia Iseraela no Iehova i reira, e mea oho matamua ia na'na; o tei amu i te reira, e hara ia; e roohia mai ia ratou e te ino, te parau maira Iehova.

4 E faaroo mai i te parau na Iehova, e te utuafare o Iakoba e, e te mau fetii atoa i te utuafare o Iseraela. 5 Te na ô maira Iehova, Eaha ta'u hapa i itea e

to outou mau metua ia u nei, i faarue mai ai ratou ia'u, e i pee ai i te mea faufaa ore, e riro atura ei mea faufaa ore? 6 Aore hoi ratou i parau e, Teihea Iehova, o tei aratai mai ia matou mai te fenua maira mai Aiphiti; o tei aratai ia matou na roto i te medebara; i na roto i te fenua pāpāmārō, e te orovaru; i na roto i te fenua poiā, e te mārū-pohe; i na roto i te fenua haere-ore-hia e te taata ra, e aore roa i parahihia e te taata atoa ra? 7 I aratai mai hoi au ia outou i te fenua maa rahi, ia amu outou i te maa, e te maitai no te reira fenua; tae maira rā outou i reira, haaviivii ihora outou i tau fenua, faariro atura outou i tau tufaa ei mea faufaa. 8 Aore hoi te feia tahu'a i parau e, Teihea Iehova? e te feia hoi i faaau i te ture ra, aore i ite mai ia'u; e te feia i haapii ra, ua taiva ia ia'u; e te mau peropheta, ua tohu ia i te i'oa o Baala, e ua pee atura i te mau mea faufaa ore. 9 E teie nei, e parau ā vau ia outou, te parau maira Iehova; e te tamarii atoa o ta outou mau tamarii, ta'u atoa e parau. 10 A fano i te mau fenua o te Kitima, a hi'o ai; e tono hoi i te *vea* i Kedara, a haamāna'o maitai, e hi'o, i te itearaa 'tu te hoē mea mai teie nei. 11 Ua faarue anei te hoē fenua i to ratou mau atua, ore noa 'tu ai ratou i te atua? ua faarue rā to'u rā mau taata i to ratou hanahana i te mea faufaa ore *na ratou*. 12 Ia maere e te rā i e, i taura mea ra, e ia mātā'u; ia rurutaina roa outou, te parau maira Iehova. 13 A piti atura a tau mau taata nei parau ino i rave; o vau ta ratou i faarue, te tumu o te pape ora nei; e ua pao ratou i te farii pape na ratou iho, e farii amaha ia, e ore e mau te pape i roto.

14 E tavini anei Iseraela, e *tavini* fanau i te utuafare ra? eaha ihora hoi oia i riro ai ei titi? 15 E mau liona apī tei uuru mai ia'na; ua puroro mai to ratou re'o *riaria*; ua ano to'na fenua ia ratou; ua pau to'na mau oire i te auahi, e aore roa o reira e taata. 16 Te mau tamarii a Nopha e ta Taphanesa, te haaparuparu i to tupuai upoo na. 17 E ere anei i na reirahia 'i oe, no te mea ua faarue oe i to Atua ra ia Iehova, i to'na aratairaa ia oe na te e'a ra? 18 E teie nei, eaha ta oe auraa 'tu i te e'a o te Aiphiti, ia inu i te pape ra ia Sihora, e eaha ta oe auraa 'tu ia Asura, ia inu i te pape ra ia Eupharate? 19 Na to oe iho ino e faaita mai ia oe, e na to oe taiva e a'o mai ia oe: ia ite mai oe, a hi'o maitai na, e mea ino rahi e te *riaria*, o oe i faarue i to Atua ra ia Iehova, e aore te mātā'u ia'u nei i roto ia oe ra, te parau maira te Fatu, o Iehova sabaota ra. 20 Ua ofati-ē-hia na e

au to zugo, e ua haea e au te mau tapea ia oe ra, e ua parau oe, E ore au e auraro faahou atu: ei nia rā i te mau aivi atoa, e ei raro a'e i te mau raau ruperupe atoa i hahaeae ai oe, a rave ai i ta te faaturi ra. 21 Ua tanu hoi au ia oe ei vine maitai, ei ohī maitai roa ra; ua huru ē iho nei rā oe ia'u i teie nei! Ua riro oe ei ohī ē no te tahi vine ē ra. 22 Horoi noā oe i te nitera, e ia rave noa 'tu hoi i te pua e ia rahi, ua tapao-hia ta oe hara *ma te parai* i mua ia'u nei, te parau maira te Fatu ra o Iehova. 23 Eaha oe e tia 'i ia parau mai e, Aore au i viivii, e aore au i pee i te mau Baala ra? inaha hoi, to oe haerea i raro i te pelo ra, e fa'i mai oe i ta oe i rave ra: *mai te bekari oioi* i te haere-noa-raa i to'na mau haerea; 24 *mai te asini oviri* i mataro i te medebara, no to'na ra hinaaro rahi i hō'ihō'i ai i te mata'i; ia ru oia ra, na vai e faaho i mai? E ore te taata e faarohirohi noa i te imiran ia'na; i te tau mau no'na ra, e ite ai ratou ia'na. 25 Eiaha te tamaa o to avae ihora e iritia, e to arapoa eiaha ia pohe i te poiā: ua parau rā oe e, Aita e tiaturiraa: aita; ua hinaaro vau i te taata ēē, e pee atu vau ia ratou. 26 Mai te eia e haama ia noa ra; e haama atoa te utuafare o Iseraela; ratou, e to ratou mau arii, e to ratou pūpū arii atoa ra, e to ratou feia tahu'a, e ta ratou mau peropheta: 27 o tei parau i te raau nei, O oe tau metua; e te ofai nei, Na oe au nei i fanau. Ua farii mai ratou i te tua ia'u nei, aore te aro; ia roohia rā ratou i te ahoaho e parau mai ai ratou, A tia oe i nia, e faaora ia matou. 28 Teihea rā to mau atua ta oe i hamani ra? o ratou te tia i nia e faaora ia oe i to oe na ahoaho; te faito atoa ra to mau atua, e Iuda, mai to mau oire atoa ra. 29 Eaha te faufaa o ta outou para ia'u nei? ua hope paatoa outou i te taiva ia'u, te na reira maira Iehova. 30 E papairaa faufaa ore ta'u i to outou mau tamarii; aore ratou i faaroo mai i te a'o. Ua pau ta outou mau peropheta i te pohe i te 'o'e na outou iho, mai te pau o te liona ra.

31 E tera ra ui e! e haapao mai i te parau a Iehova. I riro anei au ei medebara ia Iseraela, e ei fenua *ourī*? eaha te mea i parau mai ai to'u ra mau taata, E mana to matou; e ore matou e ho'i faahou atu ia oe ra. 32 E moina anei to te paretania faaunauna, e i te vahine faaipoiipo api to'na ahū? ua haamoe rā to'u ra mau taata ia'u, e inaha noa nei. 33 Eaha oe i faaau ai i ta oe parau i te imiraa i te hinaaro? ua haapii oe i te mau taata-tupu ra i ta oe parau. 34 Tei to hiti ahū ra hoi te toto i te itearaa, te *toto* ora o te feia

haehaa hara ore ra; e ere i te mea ôhia e au i itea 'i, i nia râ i teie feia atoa *te rai-not-rua*. 35 Ua parau râ oe e, No te hara ore ta'u, e riro to'na riri i te faafariu-ê-hia ia'u nei. Insha, e haava 'tu vau ia oe na, no te mea ua parau oe. Aita a'u e hara. 36 Eaha hoi oe i ori haere noa 'i, i tapepe faahou ai oe i ta oe parau? e riro oe i te haama atoa ia Aiphiti, mai ia oe hoi i haama ia Asura. 37 Oia ia, ei teie nei oe e reva 'tu ai, ma to rima atoa i nia i to upoo na; ua faaruehia hoi e Iehova ta oe e tiaturi na, e ore roa to *hinaaro* e tupu ia ratou.

Te aroha rahi o te Atua, e te taiata rahi o Iuda.

3 TE parau nei hoi te ture, Ia faataa ê te tuata i ta'na vahine, e reva 'tura oia, e riro atura ei vahine na vetahi ê, e ho'i faahou anei oia ia'na? e ore anei e viivii roa te reira fenua? ua faaturi râ oe i te tuata atoa e rave rahi, e ho'i mairâ oe ia'u nei, te na reira maira Iehova. 2 A nânâ na i to mata i nia i te mau vahi teitei e a hi'o i te vahi aore oe i haaviivihia i reira? e tia hoi oe i roto i te aratia i te parahi-noa-raa, i te tia-noa-raa, mai to Arabia i te medebara ra; e ua viivii roa te fenua i to faaturi e te parau ino. 3 *E ore noa* te mau tuâ ùa nei, ua pau i te faorehia, e aita e ùa auhune i mairi; *mai* te vahine faaturi ù to oe rae, e e mea au ore ia oe te haama. 4 E mai teie nei atu, eita anei oe e tiaoro mai ia'u, E tau metua, o te tiaoi hoi oe ia'u i tau apirara? 5 Ia vaihoo noa anei i te riri e a muri noa 'tu? e tapea-tamau-hia anei *eiala ia tuua*? Inaha, ua parau hoi oe, e ua rave i te ino i tia ia oe ia rave ra.

6 Ua parau atoa maira Iehova ia'u i te anotau i arii ra ia Iosia, Ua hi'o anei oe i tei ravehia e Iseraela taiva nei? ua haere oia i nia i te mau mou'a teitei atoa ra, e te tumu o te mau raau ruperupe atoa ra, e ua rave i te peu o te faaturi i reira. 7 E oti a'era taus mau mea atoa ra i te ravelua e ana, ua parau atura vau, A fariu mai ia'u nei, e aita a'era oia i ho'i mai. E ua ite atoa tama taene taiva atoa ra o Iuda. 8 Ia hi'o maira vau, e no te mau peu faaturi atoa tu te taiva ra ta Iseraela i rave, ua tuua-ê-hia oia e au, e ua tuu atu i te parau haapue ia'na, aore â tana taene taiva ra o Iuda i mâtâ'u, haere atura â, e ua haapue faaturi atoa oia illo. 9 E viivii a'era te fenua i te taiata rahi na'na, e ua faaturi i te ofai e te raau; 10 nitâ tana taene taiva ra o Iuda i ho'i mai ia'u nei ma te auu atoa, o te ho'i haavare am'e ra; e ua na reira maira Iehova. 11 E *teie nei*, ua parau maira

Iehova ia'u, E huru faatia "e ta te taiva ra ta Iseraela ia'na iho, i ta te haavare ra i ta Iuda.

12 A haere a faaite hua 'tu i teie nei parau i te pae i apatoerau, a na ô atu ai, A ho'i mai na, e Iseraela taiva e, te parau maira Iehova, e ore hoi au e hi'o riri atu ia outou; e aroha hoi to'u, te na reira maira Iehova, e ore hoi au o tapea tamau i te riri e a muri noa 'tu. 13 E fa'i noa mai oe i ta oe hara, e ua taiva oe i to Atua ra ia Iehova, e ua hori noa i to haerea i te mau taata ê, i raro a'e i te mau raau ruperupe atoa ra; e ua ore a'enei oe ua faaroo i tau re'o, te na reira maira Iehova. 14 E ho'i mai, e te mau tamarii taiva e, te na reira maira Iehova, mai ta te tane ra haapora a ta'u ia haapora ia outou; tataihoê ta'u e rave i to te oire hoê, e tataipiti hoi i to te opu hoê, a aratai ai au ia outou i Ziona. 15 E horoa 'tu vau i te orometua na outou i tei au i tau sau nei, o tei faanamu ia outou i te ite e te haapao maitai. 16 E riro hoi ia faarahilia outou, e ua rahi outou i nia i te fenua ra, ia tae ra i te reira mau mahana, te parau maira Iehova, e ore ratou e na ô faahou e, 'Te afata fau-faa a Iehova, e ore hoi e faaitelia 'tu i to ratou sau, e ore hoi ratou e mana'o faahou atu, e ore e haapao atu, e ore hoi e hamani-faahou-hia. 17 Ia tae i te reira taime e parahia 'i Ierusalem, O te terono o Iehova; e putuputu mai hoi te mau fenua atoa i reira, i Ierusalem, i te i'oa o Iehova ra, e ore roa 'tu ratou e haere faahou na te mârô o to ratou sau ino ra. 18 *Ei reira* te utuafare o Iuda e haere ai i te utuafare o Iseraela, a haere atoa mai ai ratou mai te fenua i te pae i apatoerau ra, i te fenua i haaparahlia 'i e au to outou mau metua ra. 19 Ua na ô ra vau e, E nahea vau i te tun ia oe i roto i te mau tamarii ra, a horoa 'tu ai i te fenua hinaarohia no oe, i te kelero hanahana i te fenua e rave rahi ra? E ua na ô a'era hoi au, Na oe e tiaoro mai ia'u, E tau metua, e eiala oe e ohipa ê i te peeraa mai ia'u.

20 Mai te vahine e faarue haavare noa 'tu i tana tane, oia atoa outou i te haavareraa mai ia'u, e te utuafare o Iseraela, te na reira maira Iehova. 21 E re'o tei itea mai i nia i te mau vahi teitei ra, i te oto e te aniraa o te tamarii a Iseraela; no te mea ua haapi'o ê ratou i ta ratou parau; ua haamoe ratou i ta ratou Atua ra ia Iehova. 22 E ho'i mai, e te mau tamarii taiva e, ia faorahlia e au to outou taiva. Inaha, te haere atu nei matou ia oe, o to matou Atua hoi oe, o Iehova. 23 E haavare mau â te mau aivi, e te ututu atoa o te mau mou'a; tei to tatou

Atua mau te ora o Iseraela, tei ia Iehova. 24 Na tera ra rā mea haama i pau ai te tao'a a to tatou mau metua, mai to tatou apiraa mai ā; ta ratou mau nūnā mamoe, e te mau puatoro; ta ratou mau tamaroa e te mau tamahine. 25 I taoto na matou i raro ma to matou haama, e ua tapo'ihia matou e to matou ino, no te mea ua hara matou i to matou Atua ra, ia Iehova; matou e to matou mau metua atoa mai to matou apiraa mai, e tae roa a'enei i teie nei mahana, e aitu i faaroo i te re'o o to tatou Atua ra, o Iehova.

Te parau nei te Atua i te taata ia tatara-hapa i te ora.

4 IA tia ia oe i te ho'i mai, e Iseraela, e ho'i mai ia'u nei, te na reira maira Iehova; ē ia tia ia oe i te faarue i ta oe ra mau mea faufau i mta ia'u nei, e ore oe e hopo'i-ē-hia: 2 e tāpū ra oe i te oraraa o Iehova ra, ma te parau mau, ma te au; e ma te parau-tia; e haamaitai mai hoi te mau fenua ia ratou iho ia'na, e e hanahana hoi ratou ia'na.

3 Te na ō maira hoi Iehova i te mau taata no Iuda o to Ierusalemia; A utaru na i to outou fenua vaiiho noa ra, eiaha e ueue i roto i te aihere. 4 Ia peritomehia outou no Iehova, e hopo'i ē atu i te iri mua o to outou auu na, e te mau taata o Iuda, e to Ierusalemia; o te puroro noa 'tu tau riri mai te auahi, ua ama ana'ē hoi e ore e pohe ia tinai, no te ino o ta outou parau i rave.

5 E faaite outou i Iuda, e parau haere i Ierusalemia; e na ō atu, A faaoto na outou i te pu i te fenua nei; e faaite haere e eiaha ei vahi toe, e na ō atu, A ope mai e haere ratou i roto i te mau oire faaetaetahia ra. 6 E faatia na i te tapao i te pae i Ziona; e haere paa-toa, eiaha e tiatia haere; ua fatata vau i te hopoi mai i te ino no te pae i apatorau mai, e te pohe rahi ino ra. 7 Ua reva mai te liona mai roto mai i to'na aihere; tei te o'a maira te tapanahi i te mau fenua; ua faarue oia i to'na vahia pau to fenua; e ino roa to mau oire, e ore roa e taatahā. 8 A ahu na i te alu oto i to reira, a oto, a aue, no te mea, aore ā te riri u'ana o Iehova i faafariu-ē-hia ia tatou nei. 9 Te na ō maira hoi Iehova, ia tae i taua mahana ra e tarapape ai to auu o te arii, e to te pūpū arii atoa ra, e maere hoi te mau tahu'a, e hitinaue hoi te mau peropheta.

10 Ua na ō atura vau, Auē! e te Fatu e, e Iehova! ua vare roa teie nei mui taata e Ierusalemia atoa ia oe i te parauraa mai e, E! hau ā to outou, e ua taea-roa-hia te auu nei i te puta i te 'o'e.

11 Ia tae i te reira tau e parauhia 'i i teie nei feia e Ierusalemia; E mata'i veavea tei te medebara no nia mai i te mau aivi, te farava tiu maira i te tamahine o to'u ra mau taata; e ere rā i to mata'i haapuehu ota, e te tamā; 12 e tae mai te hoē mata'i rahi ia'u nei no reira mai; oia in, ei teie nei au e parau ai i ta'u faahaparaa ia ratou. 13 Inaha, mai te ata ra oia ia haere mai, e mai te puahi'ohi'o to'na ra pereoo; e oioi rahi to te mau punahoroenua na'na, i to te aeto. Atae hoi tatou! ua pau tatou. 14 A tamā na i to auu i te ino, e Ierusalemia, ia ora hoi oe. Mai te aha ra te maoro o te mana'o ino i te vai-noa-raa i roto ia oe ra? 15 E re'o hoi tei tiaoro mai mai Dana mai ra, e te faaite hua maira i te pohe mai te mou'a maira mai Epheraima. 16 E faaite outou i te mau fenua, inaha! e faaite hua outou ia Ierusalemia, e' te haere maira te hi'o mai te fenua roa mai, o te pii hua ia i te mau oire o Iuda nei. 17 Mai te tiai aua ra ratou i te haatiraa ia'na, no te mea ua faarue oia ia'u, te na reira maira Iehova. 18 No to oe haerea, e ta oe i rave ra i tae mai ai teie nei mau ino i nia ia oe ra; o te huru ia o ta oe hara; e mea ino rahi; e tae roa ia te pohe e i roto i to auu na.

19 Auē tau auu e! e tau auu! ua mauiu ai, e ua tae roa i roto i tau auu ra: ua horuhoru tau auu i roto ia'u nei, e ore au e tia ia manū noa, no te mea, ua ite oe, e tau varia e i te pu i te otoraa; e te pii tama'i. 20 O te pohe hoi e ua na nia iho te pohe tei piuhia; o te fenua atoa hoi tei pau e ati noa "e: aore a'era e mahia pau roa a'era tu mau tiahapa: e tau mau paruru ra, mai te amuraa mata ia: 21 Mai te aha ra te mnooro tera ra tapao i te hi'oraahia 'tu e au? e te faarooraa i te pu i te otoruu mai?

22 Ua maamaahia to'u ra mau taata; aita ratou i ite ia'u; e tamarii ite ore ratou, aore e haroaraa ia ratou: te parari ratou ia rave i te ino, aore te rave i te nuitai, aore ia ratou i ite.

23 Hi'o ihora vau i te fenua, e, inaha! te vai urunuru noa ra e te ano! e te ra'i atoa, e aore e maramarana. 24 Hi'o atura vau i te mau mou'a, e, inaha! te aueue ra; e te pati noa ra te mau aivi mai te mea māmā ra. 25 Hi'o ihora vau, e, inaha! aore e taata; e ua mau ē ana'ē te mau manu o te ra'i ra. 26 Hi'o ihora vau, e, inaha! te fenua ruperupe i nutia ihora, ua riro ei medebara; e ua pau to'na mau oire i te parari, i mua i te aro o Iehova, i mua hoi i te veavea u'ana o to'na riri.

27 Te na ō maira hoi Iehova, E riro te fenua atoa i te ano; e ore rā vau e rave faahope roa. 28 O te mea teie e

oto ai te fenua, e ereere ai hoi te rafi i nia ra; ua parau hoi au, e ore e tata-rahapa; ua opua vau, e ore hoi e ho'i. 29 E fati to te mau oire atoa ra, i te haruru o te feia puahorofenua e te mau te'a ra; e tomo ratou i roto i te ururau pouri e *te neumeu*; e pauma hoi ratou i nia i te mau *ana* o te mou'a ra; e hope te mau oire atoa ra i te faaruehia, e aore roa e taata e parahi i roto. 30 Ia pau oe ra, eaha oe i reira? ahu noa oe i te ahu uteute, faaunauna noa oe i te umauna auro, e parai hua noa hoi oe i to mata i te peni; e faaneheneheraa faufaa ore to oe; e vahia-vahahia mai oe e te feia i hinaaro mai ia oe ra, e titau mai hoi ia oe ia pohe. 31 I faaroo na vau i te au'e mai to te vahine ia mauui ra; e te oto mai to tei fanani i te matahiapo ra; te oto o te tamahine o Ziona; te aut'a ra, te hohora ra i te rima, *te na o'ra*, Au'e hoi au nei e! ua tai'a roa tau varua i te mau taparahi taata nei.

Te tahoo a te Atua i te taata i te ite ore, e te haamori idolo.

5 A HORO na na roto i te mau aroa i Ierusa.ema, a hi'o'ai ia ite, e imi i roto i te mau vahii aano ra, i te itearaa 'tu te ho'e taata! ei taata rave i te parau-tia ra, o tei imi i te parau mau ra, ia faaore atu vau i ta'na *hara*. 2 Parau noa hoi ratou e, Te ora ra Iehova, e tapu haavare a ratou. 3 E Iehova e, e ere anei to mata tei nia i te parau mau? ua papai oe ia ratou, aita ra ratou i oto; e ua pau ratou, aita ra i tia ia ratou i farii i te a'o: ua haapaari ratou i to ratou mata e iti to te ofai; aore i tia ia ratou te ho'i mai. 4 Ua parau ihora vau, O taua mau taata rii ana'e nei tei maamaahia, o tei ore i ite i te peu a Iehova, e te parau au a to ratou Atua. 5 E haere au! te feia rarahi ra a parau atu ai ia ratou; ua ite ia ratou i te peu na Iehova, e te parau au a to ratou Atua. Ua ofati atoa hoi teie i te zugo, ho'e a huru; e ua motu e ia ratou te mau *mau ai ra*. 6 E teie nei, e pohe ratou i te lionsa no roto i te ururau ra; e pau hoi ratou i te luko no te vahii papu ra; e na te ho'e nemera e tiai i to ratou mau oire; e te taata atoa e tomo i rapae au ra, e *haea-noa-hia ia*; no te mea ua faarahihia to ratou ino, e ua rahi hoi to ratou taiva. 7 E nahea vau i te faaore i ta oe *hara* i tena ra? ua faarue to mau tamarii ra ia'u, e ua tapu i te mau mea e'e e ere i te atua ra: ia faamuhia ratou e au ra e fiu a'era, ua rave ihora hoi ratou ua taiata 'tura, e ua haaputupu ihora i roto i te fare o te vahine fanturi. 8 Ua riro ratou mai te puahorofenua faamuhia i te poipoi ra; i te imiraa te taata atoa i te vahine a

to'na ihora taata-tupu. 9 E ore anei au e haere atu i taua mau parau nei? te parau maira Iehova; e'iaha vau e tahoo atu i te fenua mai teie nei te huru?

10 E pauma outou i nia i to'na ra patu, e haapau eiaha ra e faahoepo hua i te rave; e hopoi e i te mau paruru no'na ra, no te mea e ere ia i ta Iehova. 11 E haavare rahi hoi ta ratou ia'u nei; te utuafare o Iseraela, e to Iuda atoa, te na reira maira Iehova. 12 Aore ratou i fa'i ia Iehova, ua parau ra, E ere oia; e ore tatou e roohia mai e te ati, e te 'o'e, e te poia, e ore ia tatou e ite: 13 e riro ra te mau propheta nei mai te mata'i ra, aita hoi ratou i parauhia mai e, A parau; e na o'hia 'tu hoi ratou. 14 E teie nei, te parau maira te Atua sabaota ra, o Iehova, No te mea ua na reira mai ta outou parau, inaha, e faairi vau i tau parau i roto i to vaha na mai te auahi, e teie nei feia mai te vahie ra, ia pau atu ratou. 15 Inaha, te aratai mai nei au i te ho'e fenua roa ei rave ia outou, e te utuafare o Iseraela, te parau maira Iehova; e fenua puai ia, e fenua tahito; e fenua parau itea ore e oe ra, e ore hoi oe e ite i to ratou re'o ia parau mai. 16 E au to ratou piha ohe i te menema huahia ra; e feia aito ana'e ratou. 17 E pau ia ratou ta oe auhune, e ta oe pane, ta to mau tamarii tamaroa e to mau tamahine e amu e tia 'i; e pau ia ratou to mau nan'a mamoe e to mau puatoro; e pau ia ratou to vine e to suke; e pau ia ratou to mau oire faaetaetahia ra, o tei tiaturihia e oe ra, i te 'o'e. 18 E tae noa 'tura i taua tau ra, o ore au e rave faahoepo ia outou, te na reira maira Iehova. 19 E riro hoi, ia parau outou e, Eaha te mea i na reira mai ai to tatou Atua ra o Iehova ia tatou nei? e parau atu oe ia ratou i reira, Mai ia outou i faarue mai ia'u ra, e ua haamori i te mau atua e'e i to outou iho nei fenua; e auraro atoa outou i te taata e'e i te fenua e ere i to outou ihora.

20 E faaite outou i teie i te fare o Iakoba, e parau hua 'tu hoi i Iuda, na o' atu. 21 E faaroo mai na outou i teie, e te mau taata maamaa, e te ite ore; e mata to ratou, eita ra ratou e hi'o; e tari'a to ratou, e ore ra ratou e faaroo; 22 i na o' maira Iehova, Eita anei outou e mata'u mai ia'u? e ore anei outou e rurutaina i mua ia'u nei? o tei haapao i te one ei otia no te moana, ei mea haapao-tamau-hia, e e ore roa e topa; hanti noa taua miti ra, e ore roa ta'na e tupu; haruru noa to'na aru, e ore roa e topa ia ratou. 23 E aau taiva ra to teie nei feia e te orure hau; ua taiva ratou, e ua reva. 24 Aore hoi to ratou aau

i parau e, Tatou e mātā'u i to tatou Atua ra, ia Iehova, o tei horoa mai i te ūa i to'na tau; te ūa faatupu maa e te ūa auhune; e te maa rahi mau auhune ra, o ta'na ia i mataro i te vaiiho na tatou. 25 Na ta outou mau hapa i faaore i taua mau mea ra; e na ta outou mau parau ino i ore ai te maitai ia outou. 26 Te vai atura hoi te feia paieti ore i roto i to'u ra mau taata, te tiai maite ra ratou, mai te here manu ra; ua tuu hoi ratou i te marei, ia noaa ia ratou te taata. 27 Mai te piha marei manu e ii i te manu ra, ua i atoa to ratou mau fare i te haavare; i tupu ai to ratou mana e te tao'a rahi; 28 ua poria ratou e ua hinuhinu: ua hau to ratou ino i to te paieti ore, area te parau ra aore ratou i faatia, te parau a te otare, te maitai noa ra rā ratou; e aore hoi i haapao i te parau a te veve ra. 29 Te na ô maira Iehova, E ore anei au e haere atu i taua mau parau nei, e ia tahoo atu vau i te fenua mai teie nei te huru?

30 E mea maerehia e te riaria rahi tei ravehia i te fenua nei. 31 Ua tohu haavare te feia peropheta; e ua faaau atoa mai te feia tahu'a ia ratou: e te faatia nei to'u mau taata i te reira: e nahea rā outou ia tae i te hopea ra?

Te enemi i tonchia mai e rave ia Iuda i te nounou tao'a.

6 A HO'I atoa, e te mau tamarii a Beniamina, mai roto atu i Ierusalem; ei Tekoa outou faaoto ai i te pu, e ei nia i Bete-hakerema faatia 'i i te tapao auahi; te itea ra te ati i te haerea mai mai te pae i apatoerau ra, e pau rahi roa ra. 2 Tei nehenehe ra tei rave faahereheria ra, te tamahine o Ziona. ta'u e opua nei ia pohe. 3 E riro i te haere mai te feia tiai e ta ratou mau nānā atoa ia'na ra: a patia 'i i to ratou mau tiahapa ia'na e ati noa "e; a anu ai ratou atoa i to ratou ra vahi. 4 E faaineine outou i te tama'i ia'na; a tia, e haere tatou i nia i te mahana maoro nei, atae hoi tatou! ua poto hoi te mahana nei, e te ata ahiahi nei ua maoro ia. 5 A tia, e haere noa tatou i te po, tatou e vavahi i to'na ra mau fare arii. 6 Ua parau mai hoi Iehova sabaota ra, A tāpū na i te mau raau na'na; e ahu i te tahi vahi teitei ia Ierusalem: e au ia oire ia na reirahia 'tu oia; te mau hamani ino atoa hoi tei roto ia'na. 7 Mai te pape pihaa ra e pihaa noa mai ā to'na pape, ua haamanii noa mai ā oia i to'na ino; te rave u'ana e te haru tei itea i roto ia'na; te ma'i e te papai te vai tamau noa maira i mua ia'u. 8 E farii mai oe i te a'o, e Ierusalem, o te faataa ē atu hoi au ia oe; o te faaano atu vau ia oe, ei fenua taata ore.

9 Te na ô maira Iehova sabaota ra, Mai ta ratou e pofai hua i te vine ra, e na reira ratou i te rave i te toea o Iseraela ra; faaho'i mai i to rima mai te pofai vine i te mau ete ra. 10 O vai ta'u e parau, e ta'u e a'o atu ia faaroo mai ratou? inaha, to ratou tari'a e peritome ore, e ore e faaroo mai; inaha hoi te parau a Iehova, e parau faaino ia na ratou, aore roa te reira i au tia 'tu e ratou. 11 E teie nei, ua i roa vau i te riri o Iehova; ua fiu vau i te tapearaa, e niniu atu vau i nia i te mau tamarii i te mau aroā nei, e i nia atoa i te amuiraa taata api atoa ra: e riro hoi te tane e te vahine atoa; o tei paari, e tei hope roa to'na pue mahana. 12 E riro to ratou mau fare ia vetahi ē, e ma te reira atoa ta ratou mau aua e ta ratou mau vahine; e faatoro hoi au i tau rima i te mau taata no teie nei fenua, te na reira maira Iehova. 13 Mai te taata iti haihai ra e tae noa 'tu i tei rahi, ua riro roa ratou atoa i te nonnou tao'a; e mai te peropheta e tae noa 'tu i te tahu'a, ua ati psatoo ia i te haavare. 14 Ua taatiati a iri noa ratou i te paruparu o te tamahine a to'u ra mau taata, i te na ôraa e, Ei hau, ei hau; e aita roa 'tu hoi e hau. 15 I haama anei ratou a rave ai ratou i te parau faufau ra? aita, aore roa ia i haama; aita, aore ratou i ite i te haama: e teie nei, e hi'a ratou te tahi e te tahi; ia haerehia 'tu ratou e au ra, e hurihia ia ratou i raro, te na reira maira Iehova.

16 Ua na ô mai hoi Iehova, Tia noa outou i te pae e'atia, a hi'o ai; a ui ai i te mau e'a tahito ra, i te e'a maitai ra, a haere ai outou na reira, e itea ia outou te faaceraa no to outou varua; ua na ô rā ratou, E ore matou e na reira. 17 E na'u e tuu i te tiai i nia ia outou, i te na ôraa e, E faaroo outou i te oto o te pu ra: ua na ô maira ratou, E ore matou e faaroo. 18 E teie nei, e faaroo mai, e te mau fenua, e haamana'o, e te amuiraa taata e, i to roto ia ratou nei. 19 E faaroo mai, e te fenua nei: inaha! e hopoi mai au i te ino i nia i teie nei mau taata, o te hopea ia o to ratou mana'oraa; no te mea, aore ratou i faaroo i ta'u nei parau, e ta'u nei ture, ua faarue ratou i te reira. 20 Eaha te faufau ia hopoi mai i te mea ng'ano'a mai Seba mai ia'u nei, e te to momonu no te fenua roa? aore ta outou mau tusia taauahi i tiahia, e ta outou mau tusia, e mea au ore ia ia'u. 21 E teie nei, te na ô maira Iehova, Inaha! e tuu vau i te tiaiaraa i mua i teie nei feia, e turori hoi te mau metua e te mau tamarii i te reira; e e pohe atoa te taata-tupu e tana hoa atoa. 22 Te na ô maira Iehova, Inaha! e pūpū taata te haere mai mai te pae i apatoerau ra,

IEREMIA, 7.

e fenua rahi tei tia mai no te hopea mai o te fenua ra; 23 ua haru ratou i te fana, e te mahae; e aroha ore to ratou, e ore roa e faaherehere; e haruru to ratou re'o mai te haruru miti ra; e na nis ana'e mai ratou i te puashoro-fenua, ua faananai-ana'e-hia, mai te feia i ineine ia aro ra: e aro mai ratou ia oe, e te tamahine a Ziona. 24 O te roo ana'e ra ta tatou i faaroo, e ua paruru hoi to tatou rima: ua roohia tatou e te ati; e mai to te vahine e fanau ra te mauui. 25 Eiaha e tae i te aihere, eiaha e haere noa na te e'atia; ua ati hoi tatou i te mātā'u, e te 'o'e o te enemi. 26 E te tamahine a to'u ra mau taata, e alu na i te ahū oto, a hurihuri noa 'i ia oe i roto i te rehu auahi; a oto na oe mai te oto i te tamaiti here ra; ei aué rahi roa ra: e haere-hotuapo-noa-hia mai taua haru ra i nia ia tatou. 27 Ua tuu a'enei au ia oe ei hi'o, e mai te pare hoi oe i roto i to'u ra mau taata, ia ite oe e ia tamatahia e oe to ratou haerea. 28 E taiva rahi ino to ratou atoa, e feia faaino haere; e veo e te auri, ua ino ana'e ratou: 29 ua ama te puhipuhi, ua hope te maa tapau i te auahi; eaha ta te tunu ra faufaa ia tunu; aore hoi te ota i faataa-é-hia ra. 30 E ario faataa-é-hia, to outou i'oa ia ratou; ua faataa-é-hia hoi ratou e Iehova.

Te a'o nei to Atua ia tatarahapa, e ia haapae i te hamani i'no.

7 TE parau i tae mai ia Ieremia, no ô mai ia Iehova ra, i te na ôras mai e, 2 Tia noa na i roto i te uputa o te fare o Iehova, ei reira oe e faaite ai i teie nei parau, a na ô stu ai, E faaroo mai i te parau na Iehova, e to luda atoa ra, outou o tei tomo na teie nei mau uputa, ia haamori ia Iehova. 3 Te na ô maira Iehova sabaota ra, te Atua no Iseraela, A haamaitai na i to outou haerea e ta outou e rave na, e na'u outou e haaparahi i teie nei vahi. 4 Eiaha outou e tiaturi i te feia parau haavare, o tei na ô mai e, Te nao o Iehova, Te nao o Iehova, Te nao o Iehova teie. 5 I tia mau ia outou i te haamaitai i to outou haerea, e ta outou e rave ra; e ia tia mau ia outou i te rave i te parau au i te taata nei e to'na iho taata-tupu; 6 e ia ore hoi ia hamani ino i te taata é, e te otare, e te vahine ivi ra; e ia ore hoi ia haamanii i te toto hara ore i teie nei vahi; e ia ore hoi ia pee i te mau atua é e ino ai outou ihora: 7 e haaparahi au ia outou i teie nei vahi i reira; i te fenua i horohia e au no to outou mau metua ra, mai tahito mai e a muri noa 'tu. 8 Inaha, te tiaturi na outou i te feia i haavare mai, aore e faufaa ra. 9 E eia in outou, e taparahi â i te taata, e to

faaturi, e to tāpū haavare, e te tutui i te mea no'ano'a ia Baala, e pee haere â i ta mau atua é, aore i itoa e outou na; 10 a haere mai ai, a tia mai ai i mua ia'u nei, i roto i teie nei fare i mairihia i to'u nei i'oa, a na ô mai ai e, Ua faaorahia matou ia rave â matou i taua mau mea faufau nei? 11 Ua riro anei teie nei fare, tei mairihia i to'u nei i'oa, ei ana eia ia outou na? Inaha, o vau iho tei ite, te parau maira Iehova. 12 Haere noa na râ outou i to'u ra vahi, i Silo ra, tei tuuhia e au tau i'oa i mutaa ihora, a hi'o ai i ta'u i rave i te reira i te parau ino a to'u ra mau taata a Iseraela. 13 E teie nei, no te mea, ua rave outou i taua mau parau ra, te parau maira Iehova, e ua parau atu vau ia outou, i te poipoi roa hoi i te tiaraa, e ua parau, aore râ outou i faaroo mai; e ua tiaoro atu vau ia outou, aore râ outou i parau mai; 14 e rave ai au i te fare i mairihia i to'u ra i'oa, ta outou e tiaturi na, e te vahi i horohia e au no outou e no to outou mau metua, mai ta'u atoa i rave ia Silo ra. 15 E faataa é atu vau ia outou i mua i tau aro nei; mai ta'u i faataa é i to outou mau taata ra, te mau huai atoa o Epheraima.

16 E teie nei, eiaha oe e pure i teie nei feia; eiaha oe e ani, eiaha e tia ia ratou, eiaha e parau mai ia'u nei ia ratou; e ore au e faaroo atu ia oe. 17 Aita oe i hi'o i ta ratou e rave na i te mau oire o luda, e te mau aroâ i Ierusalem? 18 Te ohî haere ra te mau tamarii i te vahi, te tahu ra na metua i te auahi, te o'i ra na vahine i te faraca, ei pane na te arii vahine o te mau ra'i ra, e ei ninii i te mau tusia inu na te mau atua é ra, ei faaoo mai ia'u ra. 19 O vau anei ta ratou i faaoo mai, te na reira maira Iehova? e ere anei o ratou iho, ia maheheha, to ratou iho mata? 20 E teie nei, te na ô maira te Fatu ra o Iehova, Inaha hoi tau riri, e tau tahoo e niniihia i nia iho i teie nei vahi, i nia i te taata e i nia atoa i te puua, i nia atoa i te mau raau o te ô ra, e i nia atoa i te mau mas e tupu i nia i te fenua ra; e tia hoi i te amaraa, e ore e tinaihia.

21 Te na ô maira Iehova sabaota ra, te Atua o Iseraela, Apiti atoa 'tu i ta outou mau tusia tauuahi i ta outou mau tusia, a amu ai i te i'o o ta outou mau puautoro. 22 Aore hoi au i parau atu i to outou mau metua, aore i faaue ia ratou, i te mahana i aratai mai ai au ia ratou mai te fenua mai mai Aiphiti, i te tusia tauuahi ana'e ra o te tusia ana'e ra: 23 o teie atoa ra tei faaue-atoa-hia e au ia ratou, na ôhia, E faaroo mai outou i to'u nei re'o; e riro ia vau ei Atua no outou i reira, e riro hoi outou ei taata no'u; e haere hoi outou na te

e'a ta'u i faaue ia outou, ia maitai hoi outou ua. 24 Aore rā ratou i faaroo mai, aore i fariu mai i to ratou tari'a, haapeo atura rā i ta ratou iho parau, e te mau mana'o o to ratou aau ino ra, e ua ho'i i muri, aore i haere i mua. 25 Mai te mahana i haere mai ai to outou mau metua mai te fenua maira mai Aiphiti, e tae roa a'enei i teie nei mahana, te tonoraaahia e au tau mau tavini atoa, te mau peropheta ra, i te tia-vave-ras i te poi-poi roa e te tonoraa ia ratou. 26 Aore rā ratou i faaroo mai ia'u, aore hoi i fariu mai i to ratou tari'a; ua faa'ita rā i to ratou a'i, e ino rahi ta ratou i rave i ta to ratou mau metua ra. 27 E parau noa 'tu rā oe i teie atoa nei mau parau ia ratou, eita ratou e faaroo ia oe; e pii noa 'tu ā oe ia ratou, e ore ā ratou e parau noa mai ia oe. 28 E teie nei, e na ō atu oe ia ratou: O te fenua teie aore i faaroo i te re'o o to ratou Atua o Iehova, aore hoi ratou i fariu i te a'o; ua ore te parau mau, ua faataa-ā-hia i to ratou vaha.

29 A pacti i to io rouru, a faarue atu ai, a faatupu na i te oto i te vahie teitei; no te mea, ua faarue Iehova i to'ua taata, e ua faataa ā i te ui no to'na riri. 30 Ua rave hoi te tamarii a Iuda i te ino i mua i tau mata noi, te parau maira Iehova; ua tau ratou i te mau mea faufau i roto i te fare i mairihia i to'u nei i'oa, ei haaviivii atu. 31 Ua fantia ratou i te mau vahie teitei i Topheta, i te peho o te tamarii a Hinoma ei tutuira i ta ratou mau tamaroa e te mau tamahine i te auahi; o tei ore i faauehia e ou ra, no to mea aore roa i tia ia'u te reira. 32 E teie nei, inaha, te fatata maira te tau, te parau maira Iehova, e ore e parau-faahou-hia 'tu ai o Topheta, e te peho o te tamarii a Hinoma, o te peho taparahira rā: ei Topheta hoi ratou e tau ai i te taata, e i roa a'era aore e vahie toe. 33 E riro hoi te pera o teie nei mau tanta ei maa na te mau manu o te reva, e na te mau manu o te fenua nei; e aore roa e taihi ā atu. 34 E faore atu hoi au i te mau oire o Iuda, e te mau aroā i Ierusalemia, i te re'o onon, e te re'o arearea, te re'o o te tūne faaipoi-poi api, e te re'o o te vahine faaipoi-poi api; e riro hoi te fenua i te ano.

*Te faahapa nei i te taata i te tamarii mairi
ā te ino.*

8 TE parau maira Iehova, ia tae i te reira tau, e huri mai ai ratou i rapae i te mau ivi o te mau arii o Iuda, e te mau ivi o te pūpū arii atoa no reira; e te mau ivi o te fela tūhū'a, e to mau ivi o te mau peropheta, e te mau ivi o to Ierusalemia atoa ra, i to ratou mau apoo ra. 2 E tauahia ia mau ini i te mahana, e te marama, o to te ra'i atoa ra, i

ta ratou i hinaaro ra, e ta ratou i haamori ra, ta ratou i titau ra, e ta ratou i imi ra, e ta ratou i pi'o i raro ra: e ore ia e haaputuhia, e ore hoi e tanua; e riro rā ei para i nia i te fenua ra. 3 E o te pohe tei hinaarohia eiaha te ora, e te toea o taua fetii ino nei, i te mau vahie atoa i tiahihia 'tu ai ratou e au ra, te parau maira Iehova sabacta ra.

4 E parau atu ā hoi oe ia ratou e, To na ō maira Iehova: E hi'a anei ratou, e e ore roa e tia faahou mai? e taiva anei ratou, e e ore roa e ho'i mai? 5 Eaha ra hoi i fariu ā ai teie nei feia o Ierusalemia i te taiva tamau? ua haru papu ratou i te haavare; e aita i tia ia ratou i te ho'i mai. 6 I faaroo atura vau e ua ite au, aita rā i tia ta ratou parau; aore roa e taata tatarahapa i to'na iho, i te na ōraa e, Eaha noa na vau? te faa hope ra te mau taiva atoa ra i te pusi, mai te puahiorofenua e horo i roto i te aroraa ra. 7 Ua ite hoi te heside o te ra'i ra i to'na mau tau; e te uupa, e te susa, e te ogura, te haapeo ra i to ratou haerea mai; aore rā to'u ra mau taata i ite i te parau-tia a Iehova. 8 Eaha outou i parau ai e. E paari to matou, e tei ia matou te ture a Iehova? Inaha mau ā, e peni haavare ta te papai parau te ha'a ra ia ei haavare. 9 Ua haama te feia paari, ua mahehehe, e ua sifi; inaha, ua faarue ratou i te parau a Iehova, e te paari ra, eaha to roto ia ratou? 10 E teie nei, e horoa vau i ta ratou mau vahine na vetahi ā, e ta ratou man aua na te feia e parahi i reira; no te mea, mai te taata iti haihai ra, e tae noa 'tu i tei rahi ra, ua riro paatoa ratou i te nounon tao'a, mai te peropheta e tae noa 'tu i te tūhū'a, ua ati paatoa i to haavare. 11 Ua taatiati a Iri noa ratou i te parau parau o te tamahine a to'u ra mau taata, i te na ōraa e, E! hau, ei hau, e aita roa 'tu e hau. 12 I haama anei ratou a rave ai ratou i te parau faufau ra? aita, aore roa ia i haama; aita, aore ratou i ite i te haama: e teie nei, e hi'a ratou te tahi i te tahi; i haerehia 'tu ratou e ou ra, e hurihia ia ratou i raro, te na reira maira Iehova. 13 Te parau maira Iehova. E rave haupau roa vau ia ratou; aore ia e vine to nia i te vine, aore hoi e auke to nia i te suke; e ua oriorio atou te manihere; e o ta'u hoi i horoa 'tu ia ratou ra. E an'ā ia.

14 Eaha tatou nei i parahi noa 'i? o haaputupu tatou o tomo i roto i to mau oire faactatāhira ra: ei reira tatou e parahi mamū noa 'i, ua huamamūhia mai hoi tatou e to tatou Atua ra e Iehova, e ua horoa mai i to pape marama ei inuraa na tatou, no te mea ua hara tatou ia Iehova. 15 Ua hi'o hoi tatou i te hau, e aore roa e maitai; ua tiia hoi i te ora, e inaha, o to koruhoru.

16 Te itea maira te re'o u'ana o tana mau puahorofenua mai Dana mai; e ua aueue te fenua atoa i te re'o o te mau puahorofenua puai na'na; ua tae mai hoi ratou, e ua pau te fenua, e te mau mea atoa i nia ihora; te mau oire, e te feia atoa i parahi i roto ra. 17 Inaha, te tono nei au i te ophi ia outou, e te zepho, e ore e faaroo i te haavare ra; e na ratou e hohonu ia outou, te parau maira Iehova.

18 Ia imi au i te haamahanahana ia'u i to'u nei otora, te tai'a roa nei tau aau i roto ia'u nei. 19 Inaha; te re'o o te mihi o te tamahine a to'u ra mau taata, te itea nei ia mai te fenua roa mai, aita anei Iehova i Ziona? Aita anei to'na arii i roto ia'na ra? *te na o maira Iehova, Eaha ratou i faaroo mai ai ia'u i to ratou mau tii ototihia ra, e ta ratou mau mea e faufaa ore ra?* 20 Ua ore a'enei te auhune. ua unu te tau; aita ra tatou i ora. 21 Ua tai'a roa tau aau i te paruparu o te tamahine a to'u ra mau taata; te oto nei au; e ua roohia vau i te maere. 22 Aita e raau i Gileada? aita o reira e talu'a? eaha hoi te mea i ore i ora 'i to'u ra mau taata?

Te faahapa nei i te taata i te taiata, e te haavare, e te taiva.

9 AHIRI tau upoo nei i riro ei pape! e tau na mata nei ei roimata pihaa, ia oto noa na vau i te rui e te ao i te feia i pohe i to'u ra mau taata. 2 Ahiri e fare autaa to'u no te ratere i te medebara nei! ei faataa-g-raa no'u i to'u ra mau taata, ia haere e atu vau; no te mea, e feia faaturi ana'e; e amuraa taata haavare ana'e. 3 E ua fefe to ratou arero mai te fana no te haavare, e ere i to te parau mau i riro ai ratou ei feia mana i te fenua nei. Na te tahi ino e tae noa 'tura i te tahi ino to ratou haerea, e aita ratou i ite ia'u, te parau maira Iehova. 4 E ara te taata atoa i to'na ihora taata-tupu, eiaha hoi e tiaturu i te taeae mau ra; e riro hoi te mau taeae atoa ra i te faahema, e hahaere a te taata-tupu e faaino. 5 E haavare hoi ratou atoa i to'na ihora taata-tupu; e ore hoi ratou e parau i te parau mau; ua haamataro ratou i to ratou arero i te parau haavare; ua rohirohi ratou i te ravera i te parau ino. 6 Tei rotou i te haavare to oe na parahira, e no te haavare e ore ai ratou e ite mai ai ia'u; te na reira maira Iehova. 7 E teie nei, te na o maira Iehova sabaota ra, Inaha, e faatarapape au ia ratou, e tamata vau ia ratou; e nahea 'tu hoi au i te tamahine o to'u nei mau taata? 8 E au to ratou arero i te ohe e pohe ai ra; e haavare te parau i roto i to ratou vaha; e parau hau ana'e ta te taata atoa, ia

vetahi e nei, area i roto i to'na aau, te tuu nei ia i te marei ia'na. 9 Te na o maira Iehova, Eiaha vau e haere atu i taua mau parau nei? e mai te reira te huru o taua fenua ru eiaha vau e tahoo atu? 10 E faatupu vau i te oto e te au'e i nia i te mau mou'a ra; e te mihi i te mau vahi atea i te medebara ra; ua ano hoi te reira, e aore roa e taata i na reira i te haere; aore hoi ratou i ite i te oto o te mau puaa; te mau manu o te ra'i ra e te manu atoa o te fenua ua hope roa i te reva e. 11 E faariro vau-ia Ierusalem e puca ana'e; e ei apoo no te teni; e te mau oire i luda ra, e haapau-roa-hia ia e au, e ore roa to ratou e taatahia. 12 O vai te taata paari e ite i teie nei parau? tei parauhia 'tu oia e te vaha o Iehova, e tia 'i ia'na ia faaite atu i te mea i pau ai teie nei fenua, e i riro ai mai te medebara, e aore roa e taata e na reira i te haere? 13 Ua na reira mai Iehova, No te mea ua faarue ratou i tau ture, ta'u i tuu i mua ia ratou ra, e aore hoi i faaroo i tau re'o, aore hoi i na reira to ratou haerea; 14 ua haapao ra ratou i te mana'o o to ratou iho aau, e ua pee ratou i te mau atua na to ratou mau metua i haapii mai: 15 e teie nei, te na o maira Iehova sabaota ra, te Atua o Iseraela, Inaha e faamu vau i teie nei mau taata i te raau maramara, e ho-atu vau i te pape maramara ei inuraa na ratou. 16 E haapurara vau ia ratou i roto i te mau fenua, aore i itea e ratou, e to ratou mau metua atoa; e faaue au i te 'o'e ei tipapa ia ratou, e ia hope roa ratou ia'u.

17 Te na o maira Iehova sabaota ra, A haamana'o na, a parau atu i te mau vahine oto ra, ia haere mai ratou, e tipapa te feia i ite i te oto ra, ia haere mai hoi ratou; 18 ia rave vave hoi ratou i te tahi otora ia tatou nei, ia topata te roimata i to tatou nei mata, e ia manii te pape i te mau tapo'i mata no tatou nei. 19 Te itea ra te re'o oto mai Ziona mai, To tatou pau e! ua ahoaho roa tatou! no te mea ua faaruehia e tatou te fenua, no te mea ua huri ratou i to tatou mau fare i raro. 20 E teie nei, e faaroo mai, e te mau vahine, i te parau a Iehova, e farii hoi to outou tari'a i te parau no to'na vaha; e haapii hoi i ta outou mau tamahine i te oto, e te mau vahine atoa e haapii i te vahine tupu i te au'e. 21 Ua haere mai hoi te pohe na roto i to tatou haamaramarama; e ua tomo mai i roto i to tatou mau fare arii; e ua pau te mau tamarii i te mau aroa, e ua pohe hoi te mau taata api i te mau vahi atea ra: 22 a parau na, Te na reire maira Iehova, E hi'a hoi te taata i raro a vai noa 'i mai te para i nia i te fenua ra, e mai te

toea iti i muri mai i te taata ooti ra, e aore hoi e *taata* ia rave mai.

23 Te na ô maira Iehova, Eiaha tei paari ra, e cacā i to'na paari, eiaha tei puai ra e cacā i to'na puai, eiaha tei tao'a-rahi-hia ra e cacā i ta'na tao'a: 24 o tei cacā ra, teie ta'na e cacā, oia i ite e ua ite hua oia ia'u nei, e o vau o Iehova tei rave i te parau hamani maitai ra, e te parau au, e te haavare ore, i te fenua nei: o ta'u ia mau mea au, te na reira maira Iehova: 25 Te na ô maira Iehova, Inaha, te fatata maira te tau, e rave atu ai au i te feia peritome, e te feia peritome ore atoa ra; 26 ia Aiphiti, e ia Iuda, e ia Edoma, e te mau tamarii a Amona e ta Moabi, e te feia atoa e ooti poto i te rouru ra, te feia e parahi i te medehara ra: e fenua peritome-ore-hia ana'e taus mau fenua ra, e feia peritome ore atoa te utuafare atoa o Iseraela i te aa'u ra.

E ore roa te mau idolo e au ia Iehova ia faiohia ra.

10 EFAAROO mai i te parau a Iehova e parau nei ia outou, e te utuafare o Iseraela, te na ô maira Iehova: 2 Eiaha outou e haapii i ta te etene ra parau, e eiaha outou e mātā'u i te mau tapao i nia i te ra'i ra, mātā'u noa 'i te mau etene i te reira. 3 E'peu faufaa ore ana'e ta te mau fenua atoa; te tāpū nei ratou i te raau no rōto i te ururau i te mauhaa ooi, e ohipa ia a na rima o te taata rave ohipa. 4 Ua faaunauna hoi ratou i te ario e te auro, e na haamau hoi ratou i te ngero e te hamara, ia ore ratou ia turorirori. 5 Mai te tamara ratou i te eteata, e ore hoi ratou e parau; e hopoi-poa-hia ratou, no te mea e ore e tia ia haere; eiaha e mātā'u atu, e ore hoi e tia ia rave mai; e te hamani maitai, e ore roa e tia ia ratou. 6 Aore roa o oe e faito, e Iehova, te rahi ra hoi oe, e te rahi atoa ra to oe i'oa i te puai. 7 O vai tei ore e mātā'u ia oe, e te arii no te mau fenua ra? o tei au hoi ia ia oe ra; no te mea aita atoa i te feia paari atoa i te mau fenua ra, e to ratou atoa ra mau basileia, aita roa o oe e faito. 8 Ua maamaa rahi e te maromaroa rahi to ratou, e haapiira faufaa ore to taua raau ra. 9 Mai Tareisa mai te ario tiapaipaihia ra, e te auro mai Uphaza mai; e ohipa ia na te tiapai ario ra, e na te rima ia o te taata i faatō ra: *ahu* ereere tape moana e te uraura to ratou ahu; e mea ravehia e te feia paari taua mau mea ra. 10 O Iehova rā, te Atua mau, te Atua ora, e te arii hau mure ore; e rurutaina te fenua i to'na riri, e ore e tia te mau fenua ia faaromai i tana riri tahoo ra. 11 E na ô outou ia parau atu ia ratou; Te mau atua, aore i hamani i te mau

ra'i e te fenua nei, e poho ia ratou i nia i te fenua nei, e i raro a'e i teie nei mau ra'i. 12 Na'na i hamani i te fenua i to'na ra mana, e na'na i haamau i te ao atoa nei i to'na ra paari, e na'na i hohora i te mau ra'i i to'na ra ite. 13 Ua parau ana'e to'na re'o, ua rahi te pape i nia i te ra'i; no'na i pee ai te ata mai te hopea mai o te fenua ra; e na'na i faatupn i te uira e te ūa, e ua hopoi mai oia i te mata'i no roto i to'na pueraa. 14 E cacā to te taata i te ite ore, e ua haama te feia faatō atoa i te tii otiothia ra: haavare te tii faatōhia ra, aore hoi e aho o'roto ia ratou. 15 Faufaa ore mau to ratou, ohipa na te feia hapa rahi: i tihia mai ratou e mou ai. 16 E ore hoi te tufaa a Iakoba e au i te reira; na'na hoi te mau mea atoa nei i hamani, e o Iseraela te faito o ta'na ra tufaa; o Iehova sabaata ra to'na i'oa.

17 A haaputu na i ta oe ra tao'a e vai i te fenua nei, e tei parahi i roto i te pare nei. 18 Te na ô maira hoi Iehova, Inahā! e maa vau i te taata no teie nei fenua i te *maaraa* hoē, e ati hoi ratou ia'u, e ite hoi ratou.

19 Auē hoi au nei i to'u nei paruru! ua mauui tau mai; ua na ô ihora hoi au, E mai mau hoi teie, e faaromai hoi au e tia 'i. 20 Ua peu tau tiahapa, e ua motumotu tau mau taura: ua reva tau mau tamarii ra, e aita nei; aita e taata i patia faahou i tau tiahapa, e ia faatia i tau mau peruru. 21 No te mea ua riro te feia e parau ra i te ite ore, e aore ratou i imi ia Iehova; i ore ai ratou i maitai ai, e ua purara ē ta ratou nānā. 22 A faaroo na, e haruru i inaha, te fatata maira, e atutu rahi no te fenua i te pae i apatoerau, ei faano i te mau oire o Iuda, ei parahira no te teni ra.

23 Ua ite hoi au, e Iehova, e ere tei te taata iho to'na haerea; e ere hoi tei taua taata e haere ra i te haapao i to'na taahira. 24 E a'o mai oe ia'u, e Iehova, ma te parau au rā; eiaha ma te riri, a mou roa hoi au ia oe. 25 Ninii atu oe i to riri i nia i te mau fenua ite ore ia oe ra; e i nia i te mau nunaa aore i tiaoro atu i to oe ra i'oa. Ua peu roa hoi Iakoba ia ratou, e ua ano roa to'na utuafare.

Te faufaa a te Atua, e te haapao-ore-raa-hia e ratou ra.

11 TE parau i tae mai ia Ieremia mai ô mai ia Iehova ra, na ô maira.

2 E faaroo mai outou i te parau i teie nei faufaa, e parau atu oe i taua parau nei i te mau taata no Iuda, e te mau taata no Ierusalemā; 3 e parau atu oe ia ratou. Te na ô maira te Atua o Iseraela o Iehova, Ia katarahia te taata e ore e faaroo i te parau a teie nei faufaa,

4 Ta'u i faaue i to outou mau metua i te mahana i aratai mai ai au ia ratou mai te fenua maira mai Aiphiti, mai roto mai i te umu auri ra, a na ô atu ai, E faaroo mai outou i tau re'o, e rave hoi i ta'u o parau atu ia outou ra; e riro ia outou ei taata no'u i reira, e riro hoi au ei Atua no outou. 5 Ia faatupu hoi au i te tãpũ ta'u i tãpũ atu i to outou mau metua ra, e o horoa vau i te fenua tahe *yipe noa* te ũ e te meli, mai tei tefe nei mahana. Ua parau atura vau, na ô atura, Oia ia, o Iehova e. 6 Ua parau maira Iehova ia'u, E faaite haere i teie nei mau parau i te mau oire o Iuda, e te mau arã o Ierusalem, e na ô atu, E faaroo mai outou i te parau o teie nei faufaa, a rave ai. 7 Ua a'o hua 'tu hoi au i to outou hui metua i te mahana i aratai mai ai au ia ratou mai te fenua maira mai Aiphiti, e tae roa a'enei hoi i teie nei mahana, i te tãa-vave-raa i te poi-poi roa i te a'oraa 'tu, i te na ôraa e, E faaroo mai outou i ta'u parau. 8 Aita rã ratou i faaroo, aore hoi i fariu mai i te tari'a, haapao noa 'tura te taata atoa i te mārō o to'na ihora aaui ino: i hopoi mai ai au i te mau parau i roto i teie nei faufaa i nia ia ratou, ta'u i parau atu ia ratou ra o rave; aita rã ratou i rave.

9 Ua parau atoa maira Iehova ia'u, E amuiraa tei itea i roto i te mau taata o Iuda, e i roto atoa i to Ierusalem. 10 Ua fariu faahou ratou i te mau hara a to ratou mau metua, o tei orē i faaroo mai i ta'u parau; ua pee hoi ratou i te mau atua ēō, i te haamoriraa ia ratou: te utuafare o Ieraela, e te utuafare o Iuda, ua ore atoa ia ua haapao i te faufaa na'u nei i ta'u i faaau i to ratou ra mau metua. 11 E teie nei, te na ô maira Iehova, Inaha, teie au a hopoi mai i te ino i nia ia ratou, e ore hoi ratou e ora ia aore; e tiaoro noa mai hoi ratou ia'u e ore au e faaroo atu. 12 E haere hoi te mau oire o Iuda, e te taata no Ierusalem, e tiaoro i te mau atua ta ratou i tutui i te mea no'ano'a ra; e ore roa rã ratou e ora i te reira, ia roohia mai ratou e te ati ra. 13 Ua faito atoa to mau atua, e Iuda, i to oe ra mau oire ia taio ra; e ua faito atoa to mau arã i Ierusalem i te mau fata ta outou i faatia i taug, mea haama ra; e fata tutuiraa mea no'ano'a no Beala. 14 E teie nei, eiaha oe e pure i teie nei feia, eiaha e faaite i to ratou hinaaro, eiaha e ani i ta ratou; e ore hoi au e faaroo ia tiaoro mai ratou ia'u ra, ia roohia ratou e te ati ra. 15 Eaha ta tau here nei faufaa i roto i tau fare nei, e te rave ra oia i te parau ino ma te feia rahi atoa ra, e ua faaruehia te tusia mo'a e oe ra? to oca ra oe ia rave i to parau ino ra. 16 E olive ruperupe, e te nehenshe, o te hotu

i te maa maitai ra, o to oe ia i'oa ia Iehova; ua tutui rã oia i te reira i te auahi ma te atutu rahi, e ua pau te mau amaa i te auahi. 17 Na Iehova sabaota, tei tanu ia oe ra, i faaite mai i te ino no oe ra, no te ino o te utuafare o Ieraela, e te ino o te utuafare o Iuda, i ta ratou i rave ia ratou iho, i te faaocoraa mai ia'u, i te tutuiraa i te mea no'ano'a no Beala.

18 Ua faaite maira Iehova ia'u, e ite a'era vau; ua faaite mai oe ia'u i ta ratou ravea. 19 Mai te pinia mamoe rata ra vau ia arataihia e taparahi; aore hoi i ite e, ua opua ratou e rave ia'u, i te na ôraa e, E tãpũ ratou i te raau ma te maa atoa i nia iho; e faataa ē atu ratou ia'na i te fenua o te taata ora nei, ia ore ia mana'o-faahou-hia 'tu to'na i'oa. 20 O oe rã, e Iehova sabaota ra, to oe te mana'o tia ra, o tei hio-poa hua i te mana'o e te aaui ra, e faaite mai oe ia'u i to riri ia ratou; ua faaite-hua-hia e au tau parau ia oe ra. 21 E teie nei, te na ô maira Iehova i te mau taata no Anatota tei titau mai ia oe ia pohe, i te na ôraa mai e, Eiaha oe e tohu i te i'oa o Iehova, o te pohe hoi oe i to matou nei rima: 22 te na ô maira hoi Iehova sabaota, Inaha e rave atu vau ia ratou; e pohe te mau taata api i te o'e; e ta ratou mau tamaroa e ta ratou mau tamahine, e pohe ia i te poia; 23 e ore hoi te hoē pae au o ratou e toe i te vai-ihohia; e hopoi mai hoi au i te ino i nia i te mau taata o Anatota, to ratou ia matahiti i ravehia 'i ratou ra.

Te pure a Ieremia ta ratou, e to ratou poho i tauri a'a.

12 E PARAU-TIA ta oe, e Iehova, ia parau noa 'tu vau ia oe ra; e faatia noa mai oe, ia parau noa vau ia oe i te auraa o ta oe parau. Eaha te mea i manuia 'i te haere o te paetoi ore ra? te parahi hau noa ra te feia haavare rahi ra. 2 Na oe ratou i tanu, e ua aahia to ratou; ua tupu hoi ratou, e ua hotu hoi ratou i te huero; ua mau ratou ia oe i to ratou vaha; area i roto i to ratou auu ua faarue ia ratou ia oe. 3 Ua ite rã oe, e Iehova, ia'u: ua ite hoi oe, e ua tamata oe i tau aaui o tei ia oe ia; a iriti mai oe ia ratou mai te mamoe no te poho ra, e faataa ē au ia ratou no te mahana e taparahihia 'i ra. 4 Mai te aha te maoro o te oto o teie nei fenua, e oriorio ai te ahiere o te mau atua atoa nei, no te parau ino a te feia i parahi i reira? ua pau te mau manu o te fenua, e te mau manu pererau i te pohe, no te mea ua parau ratou e, E ore oia e ite i to matou hopea.

5 I rohirohi na oe i te hororaa, o oe e te feia horo nca atoa ra, eaha oe o tia 'i ia mārō atu i te mau puahorofenua ra? e te itoito ra oe i te fenua hau na, eaha

ra hoi oe ia tae i te haono o Ioridana? 6 To mau taeae atoa hoi, i te utuafare o to metua ra, o te reira atoa tei taivi ia oe ra; ua auau hoi ratou ia oe ma te pii hua; eiaha oe e faaroo atu ia parau maitai mai ratou ia oe ra.

7 Ua faarue au i to'u ra utuafare; ua taiva vau i to'u ra kelero; ua horoa vau i tau here i te rima o to'na mau enemi. 8 Ua riro tau kelero nei mai te liona o te vahi ururaau ra ia'u; ua faateitei mai to'na re'o ia'u nei; i riri atu ai hoi au ia'na. 9 Mai te rebuo taehae ta'u ra kelero ia'u nei; e te mau manu taehae atoa ra, e haere mai outou e haapuni ia'na; e haaputuutu atoa mai, e te mau taehae o te aru ra; tii mai outou e amu. 10 Ua pau tau o vine i te feia tiai e rave rahi, ua taataahi ratou i to'u ra tufaa i raro a'e i to ratou avae; e tau tufaa maitai ra, ua pau ia ia ratou, e ua ano ua riro ei medebara. 11 Ua faariorhia e ratou ei fenua pau; e no taua pau ra i oto ai ia'u ra; ua pau atoa te fenua atoa, aore ra e taata e oto au noa 'tu. 12 Ua tae mai te feia haru i te mau vahi papu i te medebara; te rave haapau roa nei te 'o'e o Iehova, mai te hopena mai o te fenua e tae noa 'tu i te tahi hopena; aore roa e hau to te taata atoa. 13 Ua ueue ratou i te sitona, o tataramoa ra ta ratou e ooti; aore roa a ratou faufaa e noa i ta ratou ra tufaa; e riro outou i te haama i tei faahotuhia mai, no te riri rahi o Iehova.

14 Te na o maira Iehova i tau mau taata-tupu hamani ino nei, o tei tairi i te kelero i haaparahihia 'i e au to'u ra mau taata o Iseraela; Inaha, e iritihia ratou e au i rapae au i to ratou fenua ra, e iriti hoi au i te utuafare o Iuda ia taa a'atu ia ratou. 15 E oti a'era ratou i te iritihia e au ra, e aroha faahou atu a vau ia ratou, e faaho'i mai au ia ratou atoa ra i to ratou ra tufaa, i te taata atoa ra i to'na ra fenua mau. 16 E ia tia ia ratou i te haapui i te parau a to'u ra mau taata, ia tūpū ratou i to'u ra i'oa. Te ora ra Iehova, mai ta ratou i haapui mai i to'u ra mau taata i te tūpū ia Baala, e patuhia ratou i roto i to'u ra mau taata i reira. 17 Ia ore ra ratou ia faaroo ra, e iritihia e au taua fenua ra, e iriti haapau roa ia, te na reira maira Iehova.

*Ta ratou mau hara e rave rahi, i faahapara-
roa-hia ra.*

13 UA na o maira Iehova ia'u, A haere, a rave i te tahi tatua vavai no oe ra, a tatua 'na i to tauupu, eiaha ra e uhihia i raro i te papa. 2 Ua tii atura vau i taua tatua ra ta Iehova i parau maira, e ua tatua ihora vau i tau tauupu. 3 Ua parau faahou maira Iehova ia'u, o te piti ia o te paranaa mai,

na o maira, 4 A rave i tena na tatua i ravehia o oe ra, tei nia i to tauupu ra, a tia i nia, a haere i Eupharate ra, a huna 'i i taua tatua na i reira, i roto i te ho'e apoo i roto i te mato ra. 5 Haere atura hoi au, e ua huna ihora i pihai iho i te Eupharate ra, ta Iehova hoi i parau mai ia'u ra. 6 E rave rahi a'era te mahana i mahemo, ua parau maira Iehova ia'u, A tia, a haere i Eupharate ra, a rave mai i taua tatua ra, ta'u i parau atu ia oe ra e huna i reira. 7 Ua haere atura vau i Eupharate ra, e ua o ihora, e ua rave atura i taua tatua i te vahi i hunahia 'i e au ra; e, inaha, ua ino taua tatua ra, ua riro ei mea faufaa ore. 8 Tae maira te parau a Iehova ia'u nei, na o maira.

9 Te na o maira Iehova; Mai te reira atoa ta'u fanino i te maitai o Iuda, e te maitai rahi o Ierusalem ra. 10 Tele nei feia parau ino e te faaroo ore i ta'u nei parau, o tei haapao i to hinaaro o to ratou iho aau, o tei pee i te mau atua o'ra, o haamori ia ratou, e ia pi'o i raro i mua ia ratou ra; e riro ratou mai tele nei tatua, e mea faufaa ore. 11 Mai te tatua hoi e piri i te tauupu o te taata nei, ua parau hoi au e faatapiri ia'u nei i te utuafare atoa o Iseraela e to Iuda atoa ra, te na reira maira Iehova; ia riro mai ratou ei taata no'u, e ei i'oa, e ei haamaitai, e ei hanahana: aita a'era ra ratou i faaroo mai.

12 Tele hoi te tahi parau ta oe e faaite ia ratou, Te na o maira te Atua no Iseraela, o Iehova; E faahia te mau farii atoa i te uaina: e riro ratou i te parau mai ia oe, E ere matou i te ite e faahia te mau farii atoa i te uaina? 13 E i reira oe e parau atu ai ia ratou, Te na o maira Iehova, Inaha, e faai au i te mau taata atoa o teie nei fenua, e te mau arif e parahi i nia i te terono o Davida, e te pūpū tahu'a, e te mau peropheta, e te taata atoa no Ierusalem, i te taero: 14 e taora taue noa vau i te tahi i nia iho i te tahi, e na metua e ua tamarai atoa, te parau maira Iehova; e ore au e aroha, e ore au e faaherehere, e ore hoi au e hamani maitai atu mai te mea e faara ia ratou.

15 E faaroo mai outou, e haapao mai; eiaha e faateitei; ua parau mai hoi Iehova. 16 E tuu atu outou i te hanahana i to outou Atua ra ia Iehova, eiaha oia ia faatupu i te pouri, e ua tiai to outou avae i nia i te mou'a pouri; e te tiai ra outou i te maramarama, te faariro atura oia ei pouri e ei mārū-pohē. 17 Ia ore ra outou ia faaroo i teie nei auu parau, e oto huna noa tau varua i to outou teoteo, e oto hua hoi tau mata, e tahe roa hoi tau roimata i raro, no te mea ua hopoi-ō-hia te nūna a Iehova ei tūti.

18 E parau atu i te arii, e te arii vahine atoa, E faahaeaha orua, e parahi i raro, na'na hoi e haamairi no nia mai i to urua upoo ra i te korona ra o to orua unsuna. 19 Ua opanihia te mau oire: te pae i apatoa ra, e aore e taata ia iriti; e hopoi-ê-hia Iuda ei titi; e hope paatoa i te hopoi-titi-hia. 20 A nânâ na i to outou mata i nia, e hi'o ia ratou i te haerea mai mai te pae i apatoerau ra; teiha te nânâ ho-atu-hia 'tu ia oe râ, te nânâ nehenehe na oe ra? 21 E nâheha oe, ia a'o mai oia ia oe ra? na oe hoi ratou i haapii e ei tavana ana'e ia i nia iho ia oe: e ore anei oe e roohia i te mauui, mai te vahine ia mauui fanau ra?

22 E ia parau oe i roto i to aau ra, Eaha vau e roohia mai ai i teie nei mau mea? no te rahi o ta oe ra hara i hehehuhia 'i to oe ahu, i vai tahaa noa 'i to poro avae. 23 E tia anei te ati Kusa ia faahuru ê i to'na iri, e te nemera i to'na opatapata? ei reira outou e tia 'i ia rave i te parau maitai. tei mataro i te rave i te parau ino. 24 E teie nei, e haapuehu vau ia ratou mai te aihere, i mua i te mata'i o te medebara ra. 25 O ta oe teie keleru, ta oe ia tufua i faitohia e au, te parau maira Iehova, no te mea ua haamoe oe ia'u, e ua tiaturi i te haavare ra: 26 e teie nei, e heheu vau i to ahu i mua ia oe ra, ia itea to oe haama, e ta oe pupa-haere-raa, e te faaturiraa, 27 i nia i te mau aivi oe i te faiataraa i ta oe faaturi, e i roto i te mau ô ra ta oe parau faufau i te itearaa e au ra: atae hoi oe, e Ierusalemalema e! e ore oe e mâ; ahea ra e tia 'i ia oe ra?

No te o'e rahi ra, e ore Iehova e faaroo noa 'tu ia ratou.

14 TE parau a Iehova i tae mai ia Ieremia ra no te poai rahi ra.

2 Te oto nei Iuda, e te taia nei te mau uputa; ua ereere i te heva tei raro i te repo: e ua tae te oto o Ierusalemalema i nia ra. 3 Ua tono hoi te feia rarahi i ta ratou mau tamarii i te pape; tae atura ratou i te mau apoo ra; aita 'tura e pape i itea; ho'i maira ratou ma ta ratou mau farii aita o roto ra; haama a'era ratou, maheshea 'tura; purou ihora ratou i to ratou upoo. 4 No te mea, ua hu'ahu'a'roa te repo i te ua ore i te fenua nei, ua haama te feia faapu; e ua purou i to ratou upoo. 5 Ia fanau te aili i roto i te aua ra, ua faaruehia te fanau'a no te mea nita e maa. 6 Te tia noa ra te mau asini oviri i te vahie atea; te huti ra i te mata'i mai te teni ra; ua poopoo to ratou mata, no te mea aita e aihere.

7 Faahapa noâ mai â ta matou mau hara ia matou, na oe iho e faaora i to oe

iho i'oa, e Iehova; ua rahi hoi to matou taivaraa; ua hara hoi matou ia oe. 8 E te tiaturiraa o Iseraela e, e te ora i te taime ahoaho e, eaha oe i faataata ê ai i te fenua nei? e mai te taata haere e tapae iti noa mai e taoto ra? 9 Eaha oe i riro ai mai tei roohia i te maere ra? e mai te taata aita e puai ia faaora ra? no te mea tei ratopu oe ia matou nei, e Iehova, e ua mairihia matou i to oe ra i'oa, eiaha oe e faarue ia matou.

10 Ua na ô maira Iehova i teie nei feia, Hinaaro haere to ratou; aore i tuutuu to ratou avae, i ore ratou i fariihia 'i e Iehova: ei teie nei oia e manao ai i ta ratou hara, ei teie nei oia e haapao ai i ta ratou parau ino. 11 I parau mai ai Iehova ia'u, Eiaha oe e pure i teie nei feia ia maitai ratou. 12 Ia haapae ratou i te maa ra, e ore ua e faaroo ia ratou ia tiaoro mai; e ia hopoi mai ratou i te tusia taauahi, e te tusia amu, e ore au e farii atu ia ratou, e hope râ ratou ia'u i te 'o'e, e te poia, e te pohe i te ma'i.

13 Ua na ô maira vau, Auê! e te Fatu e, e Iehova! inaha, te parau maira te mau peropheta ia ratou e, E ore outou e ite i te 'o'e, e ore atoa te 'o'e e tae mai i nia ia outou; e horoa 'tu râ vau i te hau mau no outou i teie nei vahie. 14 Ua parau maira Iehova ia'u; Te tohu haavare nei te mau peropheta i to'u nei i'oa: aore au i tono ia ratou, aore i faaue atu ia ratou, aore hoi au i parau noa 'tu; e ria haavare, e te tohu haavare, e te faufaa ore, e te haavare a to ratou iho aau, o ta ratou ia e tohu ia outou nei. 15 E teie nei, te na ô maira Iehova, i tera ra mau peropheta e tohu i to'u nei i'oa, no te mea aore au i tono ia ratou, o ratou ihora tei parau e, E ore teie nei fenua e roohia i te 'o'e e te poia; O ratou iho tei mou i te 'o'e e te poia. 16 E teie nei mau peropheta, e te mau taata i tohuhia 'tu e ratou ra, e huri-noa-hia ia i roto i te aroâ i Ierusalemalema, no te poia e no te 'o'e; e aita e taata ia tanu ia ratou; o ratou, e ta ratou mau vahine, ta ratou mau tamaroa, e ta ratou mau tamahine, e ninii atu vau i to ratou iho ino i nia iho ia ratou. 17 Teie ta oe parau e parau atu ia ratou; Ia manii noa te roimata i tau mata nei i te rui e te ao, e eiaha ia mahu; no te mea e paruparu rahi tei iri i nia i te tamahine paratenia a to'u ra mau taata; e tairi mauui rahi roa ia. 18 Ia haere au i roto i te mau aua ra, inaha, te vai noa maira te feia i pohe i te tairihia i te 'o'e! e ia tomo vau i roto i te oire, inaha, te vai noa maira te feia i auê noa i te poia! te hoo haere noa ra râ te peropheta e te tahu'a na nia i te fenua nei ma te haapao ore.

19 Ua faarue-roa-hia Iuda e oe ra?

ua faaufau ā to varua ia Ziona? eaha oe i tairi mai ai ia matou, e aita o matou haapura? ua tiai matou i te hau, e aita roa e maitai; e te tau e ora i ra, e, inaha, o te ahoho? 20 Te fa'i nei matou, e Iehova, i to matou ino, e te ino o to matou mau metua; ua hara hoi matou ia oe ra. 21 Eiaha oe e faarue faaufau mai ia matou i to oe ra hoi i'oa; eiaha to terono hanahana ia ino; a haamana'o na, eiaha e faaorehia to faufaa ia matou nei. 22 Te vai ra anei to roto i to mau mea faufaa ore o te etene e tia ia faatupu i te ūa ra? e na te ra'i anei e horca mai i te tūa ūa? e ere anei o oe, e to matou Atua, e Iehova? e ua hi'o hoi matou i nia ia oe ra, no te mea na oe i rave i taua mau mea atoa nei.

Te faarue-roa-raa, e te mau pohe o te ati Iuda.

15 UA parau maira Iehova ia'u nei, Tia noa mai Mose e Samuela i mua ia'u nei, e ore au e haapao i teie nei faia; tuu ē atu oe ia ratou, ia haere noa na. 2 E ia na ō mai ratou ia oe ra, E haere tia matou i hea? ei reira oe e parau atu ai ia ratou, Te na ō maira Iehova, To te pohe ra, e haere ia i te pohe; to te 'o'e ra, e haere ia i te 'o'e; to te poia ra, e haere ia i te poia; e to te titi ra, e haere ia ei titi. 3 Te na ō maira hoi Iehova, E maha a'u huru pohe e tuu i nia ia ratou, i te 'o'e ei taparahi, e te uri ei aratō, e te mau manu o te ra'i, e te mau manu o te fenua nei, ei amu e ia pau to ratou mau tino. 4 E tuu atu vau ia ratou ia peapea, i te mau basileia atoa o te ao nei, no Manase a Hezekia, arii no Iuda ra, i ta'na hoi i rave i Ierusalemā ra. 5 O vai te aroha ia oe, e Ierusalemā? o vai te oto ia oe? o vai hoi te tapae noa 'tu e ui i to oe ra maitai? 6 Ua faarue mai oe ia'u, te parau maira Iehova; ua taiva ē roa oe ia'u; e teie nei, e faatoro atu vau i tau rima ia oe ra, ia pohe roa oe; ua poihi vau i te faaromairaa. 7 E teie nei, e haapuehu vau ia ratou i te puhipuhi i roto i te mau uputa o te fenua; e faaere au ia ratou i te tamarī, e ia pohe to'u ra mau taata ia'u, no te mea aita ratou i fariu mai i to ratou haerea. 8 Ua rahi ta ratou mau vahine ivi i mua ia'u nei, e iti te one tabatai ra; ua aratai mai au i to ratou oire metua vahine i tei haapaohia ra, e pau ai ia'na i te avatea ra; ua haamairihia e au i nia ia'na te rurutaina e te ahoho. 9 O tei fanau e ua taihiti ra, te paruparu ra ia, ua unuhi to'na varua; ua mairi to'na mahana i te vai-tia-raa o te ao; ua haama oia e ua maheaha; e to'na toea na'u e horoa no te 'o'e, i mua i te aro o to ratou mau enemi, te na reira maira Iehova.

10 Auē hoi au nei, e tau metua vahine e! i fanau mai hoi oe ia'u ei taata no te mārōraa, ei tanta tama'iraa no te fenua atoa; aore hoi au i hopoi i ta'u ta'o'a ei tarahu, aore atoa hoi ratou i tarahu mai ia'u e inaha, ua katara atoa mai ratou ia'u. 11 Ua parau maira Iehova, E ore anei au e faaora ia oe ia maitai? eita anei oe e tiahia e au i te enemi, i te tau ino ra, i te tau e ati ai ra?

12 E parari anei te auri e te veo i apatorau ra, i te auri nei? 13 Ta oe ra tao'a, e to tao'a here ra, ta'u e horoa ei tao'a no te pau, eiaha ei hoo, no ta oe ra mau hara i to mau vahī atoa ra. 14 E faatae atu vau ia oe ma to mau enemi atoa i te fenua ite-ore-hia e oe ra; e ama hoi ontou i te auahi na tau riri e tutui.

15 UA ite ra oe, e Iehova, i ta'u e faaoromai nei; haamana'o mai oe ia'u, ite mai hoi ia'u! e tahoo mai oe i te fela i hamani ino mai ia'u ra; eiaha vau ia riro atoa i te tamauraa o to oe arohi; no oe hoi au i faaromai ai i te faalno, ia ite mai oe. 16 UA itea ta oe parau e ua amu atura vau; e ta oe i faaue maira, o to'u ia caoa, o te oacaraan ia na tau aau: ua mairihia hoi au i to oe ra i'oa, e te Atua sabaota ra, e Iehova. 17 Aita vau i parahi i te amuiraa no te taiata ra, aore hoi au i caoa; no to rima ra i parahi noa vau ana'e ra, ua faal roa hoi oe ia'u i te riri. 18 Eaha te mea i tamau mārō ai to'u nei oto? e tau ma'i e mea ora ore, eita e ora ia rapaau? e riro anei oe mai te pape pohe noa ia'u? mai te pape aita e itea e te vai ra?

19 UA parau maira Iehova i reira, Ia fariu mai oe, na'u e faaho'i mai ia oe ra, e e tia oe i mua i tau aro i reira; e ia faatae ō oe i te maitai e te viivii, e riro oe mai to'u iho vaha i reira: e fariu mai ratou ia oe, eiaha rā oe e fariu atu ia ratou. 20 E faariro vau ia oe mai te patu veo faaetaetahia, i teie nei mau taata; tama'i noā mai ratou ia oe ra, eita rā oe e noaa ia ratou, ei pihai iho hoi au ia oe ia ora, ei tia ia oe ra, te parau maira Iehova. 21 E ora oe ia'u i te rima o te taata ino, e tiahia oe e au i te haru o te rima aito ra.

Ino rahi to te ati Iuda i to ratou mau metua ra.

16 TE parau a Iehova i tae mai ia'u ra, na ō maira,

2 Eiaha oe e faaipopo i te vahine, eiaha ta oe ei tamarī tamaroa e te tamarī tamahine i teie nei vahī. 3 Te na ō maira hoi Iehova i te mau tamaroa e te mau tamahine ia fanau i teie nei vahī; e to ratou mau metua vahine i fanau mai ai ratou ra, e to ratou mau metua tane i fanau ai ratou i teie nei fenua;

4 E pohe ratou i te mau ma'i pohe ra; e ore ratou e otokia, e ore hoi e tanuhia; e riro ratou ei para i nia i te fenua nei; e pau ratou i te pohe i te 'o'e e te poia; e riro to ratou mau tino ei maa na te mau manu o te ra'i, e na te mau tohiae o te fenua.

5 Te na ô maira Iehova, Eiaha te fare otohana e tomohia, eiaha e haere e oto e e aroha ia ratou; ua faaore hoi au i tau hau i teie nei feia, i te aroha hamani maitai ra e te faaherehere, te na reira maira Iehova. 6 E hope ratou i te pohe i teie nei fenua, te feia rarahi e te taata rii; e ore ratou e tanuhia, e ore e otokia; e ore roa te ho'e e oti ia'na iho ia ratou, e ore hoi te ho'e e paoti i to'na rouru ia ratou. 7 E ore hoi ratou e vavahi i te pane i roto ia ratou i te taata e oto, ei haamahanahana ia'na i tei pohe ra; e ore hoi ratou e hopoi atu i te a'ua haamahanahana ia inu ratou, no te metua tane e no te metua vahine.

8 Eiala atoa e tomo i roto i te fare amuraa maa, a parahi atoa 'i e ratou atoa i te amuraa e te inuraa. 9 Te na ô maira hoi Iehova sabaota ra, te Atua o Iseraela, Inaha, ua fatata vau i te faaore i teie nei, i mua i to outou nei mata, i to outou nei anotau, i te re'o caca e te re'o arearea, te re'o o te tane faaiipoipo spi, e te re'o o te vahine faaiipoipo api.

10 E oti a'ora teie nei mau parau i te faaitohia e oe i teie nei feia; e ia parau mai ratou ia oe e, Eaha te mea i faaitohia hua mai ai Iehova i teie nei ino rahi no matou? eaha ta matou hara, e to matou ino i ravehia e matou i to matou Atua ia Iehova? 11 E parau atu oe ia ratou i reira, No te mea, ua faarue mai to outou mau metua ia'u, te na reira maira Iehova, e ua pee haere i te mau atua e'e, e ua tavini ia ratou, e ua haamori ia ratou, e ua faarue mai ia'u nei, e aore i haapao i ta'u ture. 12 e ino rahi ta outou i rave i ta to outou mau metua ra; inaha hoi, o outou atoa i te pee-haere-raa i te hinaaru o to outou aau ino ra, o vau nei ra aita ia outou i faaroo mai. 13 E teie nei, e faataa ô atu vau ia outou i teie nei fenua, i te ho'e fenua aore i itea e outou e to outou mau metua atoa; ei reira outou e haamori ai i te mau atua e'e i te rui e te ao; i te vahi e ore ai au e fanherohere ia outou.

14 Te na ô maira râ Iehova, Te fatata maira te tau, e ore e parau-faahou-hia e, Te ora ra Iehova, o tei arataf mai i te tamarii o Iseraela mai te fenua maira mai Aiphiti: 15 aera râ, te ora ra Iehova, o tei arataf mai i te tamarii o Iseraela mai te fenua i te pao i apatoeran ra, e mai to mau fenua mai i tiahihia 'tu ai ratou e ana; e fauho'i mai

hoi au ia ratou i to ratou ihora fenua, i horoahia 'tu e au no to ratou ra mau metua.

16 Inaha, e tono vau i te vea e tii i te feia ravaai e rave rahi, te na reira maira Iehova, e na ratou e ravaai ia ratou: o oti a'era, e tono vau i te vea i te feia auatre-rave rahi, e na ratou e auau ia ratou i te mau mou'a atoa ra, e te mau aiwi atoa ra, e i roto i te mau apoo atoa o te mau mato ra. 17 Te hi'o nei hoi tau mata i to ratou mau haerea; aita ratou i moe i mua i tau aro nei; aore hoi to ratou ino i moe i mua i to'u nei mata. 18 E mata na râ, vau i te tahoo taipiti atu i to ratou ino e ta ratou hara, o ratou i haaviivii i tau fenua, e i faaf i tau tufaa i te oivi o ta ratou ra mau mea faufau e ta ratou mau mea ataata.

19 E Iehova, e tau puai e tau pare ati, e tau haapurua i te mahana ahoaho; e tae roa uai te etene ia oe mai te hopea mai o to fenua ra, a parau mai ai e, E haavare mau ta to matou mau metua ra, e mea faufaa ore, aita e faufaa i noaa ia ratou. 20 E i taata anei te hamani i te atua; e ere te atua ratou iho? 21 E teie nei, inaha vau, i te haapiiraa 'tu ia ratou i teie nei, e faaite atu vau ia ratou i tau rima e tau mana; e ite hoi ratou e, o Iehova to'u i'oa.

Te pau o te ati Iuda i ta ratou ra mas hara.

17 E PENI auri te papai i te hara a Iuda, e ua otiitia i te auru o te semira, i nia i te papa ra o to ratou aau, e i nia atoa i te mau tara o ta outou mau fata; 2 e te mana'o atoa ra ta ratou mau tamarii i ta ratou mau fata e to ratou mau idolo o te ururuaan ra, i roto i te mau raau ruperupe i nia i te mau aiwi teitei ra. 3 E tau mou'a e, to tao'a i roto i te aua ra, e to mau tao'a atoa ra, e horoa vau ei tao'a pau; to mau vahi teitei e hara 'i ra e ati noa 'e, e i ô oe atoa ra. 4 E o oe iho na, e taa ô oe i ta oe ra tufaa, ta'u i horoa 'tu ia oe ra; e faariro vau ia oe ei tavini no to mau enemy, i te fenua itea-ore-hia e oe ra; no te mea, ua ama te auahi i te riri no'u nei, e tia i te amaraa e a muri noa 'tu.

5 Te na ô maira Iehova, Ia katarahia te taata e tiaturi i te taata ra, o tei faariro i te tanta ei rima tauuru ia'na, o tei taiva to'na aau ia Iehova. 6 E riro hoi oia mai te mau i te vahi pãpãmãrô e oriorio noa ra, aore i ite i te maitai ia haere mai; e tia râ i te vahi veavea i te medebara, i te fenua miti e ore e parahihia ra. 7 E ao to to taata i tiaturi ia Iehova, o to'na ia uruairaa mau o Iehova. 8 E riro hoi oia mai te raau i tanuhia i pihai iho i te pãpe ra, o tei faatoro i to'na na na te hii o te pãpe, aita i ite i te veavea i te tupuraa mai;

te vai ereere tamau noa ra to'na rau, e e ore e haapao i te matahiti ña ore ra, eita hoi e faaea i te hotu i te maa.

9 E haavare rahi to te aaui i te mau mea atoa nei, e ua ino roa; o vai te ite?

10 O vau o Iehova, o tei paheru i te aaui, tei tamata i te mana'o, ia hopoi atu vau i te taata atoa ra i tei au i ta'na ra parau, e tei au i te hopea o ta'na e rave ra.

11 Mai te kera i haapato i te huero e ere i ta'na i fanau ra, oia te taata i noaa te tao'a, e ere ra i te noaaraa tia; ua tae ana'e oia i ropu i to'na ra pue mahana, e mairi ai taua tao'a ra, e ua tae ana'e i to'na hopea, e riro ia ei maamaa.

12 E terono hanahana i faateiteihia mai te matamua mai a, to tatou ia vahi mo'a. 13 Te tiaturiraa o Ieraela, e Iehova, o te feia atoa e faare ia oe ra, e haama ia, e papaihia ia 'oa i te fenua nei ei taiva; no te mea, na faarne ratou ia Iehova, i te tumu o te pape ora.

14 Rapau oe ia'u, e Iehova, e ora ia vau; e faaora ia'u, e ua ora ihora vau; o oe hoi tei haamaitaihia e au nei.

15 Inaha, te na o maira ratou nei ia'u, Teihea te parau a Iehova? tuua mai ia.

16 Aita vau i orai i muri i te peeraa ia oe ra; aita ra vau i hinaaro i taua mahana e pohe ai ra; ua ite hoi oe i to roto i to'u nei vaha, i parau-noa-hia ia mai te mea tei mua i to aro.

17 Eiaha oe ia riro ei mea mata'u ia'u; o tau haapuraa hoi oe i te mahana e ati ai ra.

18 Ia faahaamahia te feia hamani ino mai ia'u ra, eiaha ra vau ia faahaamahia; ia haamata'uhia ratou, eiaha ra vau ia haamata'uhia; a faatae oe i te mahana ino i nia ia ratou ra, e e haamou ia ratou ma te pohe rahi.

19 Ua na o maira Iehova ia'u, Haere i te uputa o te mau taata nei tia noa 'i, i tei tomohia mai e te mau arii o Iuda ia haere mai i roto ra, e tei tomohia 'tu e ratou ia haere i rapae au ra, e te mau uputa atoa i Ierusalem: 20 e parau atu oe ia ratou, E faaroo mai outou i te parau a Iehova, e te mau arii o Iuda, e to Iuda atoa ra, o outou atoa to Ierusalem, tei na tele nei mau uputa i te tomo.

21 Te na o maira Iehova, E ara ia outou, eiaha ei hopoia e hopoihia i te mahana sabati, eiaha e hopoihia mai na roto i te mau uputa i Ierusalem nei; 22 eiaha hoi ei hopoia i hopoihia mai no roto i to outou mau fare i te mahana sabati; eiaha hoi outou e rave i te mau ohipa atoa ra; ia mo'a ra te mahana sabati ia outou, ta'u hoi i parau i to outou mau metua ra: 23 aita ra ratou i faaroo, aore hoi i fariu mai i to ratou tari'a, faailia ihora ra i to ratou a'i, ia ore ia faaroo, e ia ore ia farii i to a'o.

24 E riro hoi, ia tia roa ia outou i te faaroo mai ia'u, to na reira maira

Iehova; e ia ore ia hopoi mai i te hopoia na roto i te mau uputa o tele nei oire i te mahana sabati, ia mo'a ra ia outou te mahana sabati, e aore roa e ohipa i ravehia i reira: 25 hui arii ana'e e te pupu arii atoa te tomo mai na te uputa o tele nei oire, i te parahiraa i nia i te terono o Davida, e te hororaa na nia i te mau pereoo, e na nia i te mau puahorofenua, o ratou e te feia rarahi atoa, no Iuda ana'e e no Ierusalem; e haamau-roa-hia hoi tele nei oire e a muri noa 'tu.

26 E tae mai hoi te taata no roto i te mau oire o Iuda, e no pihai 'ho i Ierusalem, e no te fenua o Boniamina, e no te vahi atea, e no te fenua aivi, e no te pae i apatoa, i to hopoira mai i te tusia taanahi ana'e, e te mau tusia, e te mau tusia anu, e te mea no'ano'a, e te hopoira mai i te tusia ra i te haamaitai, i te fare o Iehova.

27 Ia ore ra outou ia faaroo mai ia'u ra, e te haapao i te mahana sabati ia mo'a, e eiaha e hopoi i te hopoia, a haere ai na te mau uputa i Ierusalem i te mahana sabati; e tutui au i te auahi i taua mau uputa ra, e pau hoi te mau fare arii i Ierusalem i te reira, e ore hoi e tinahia.

Te mana o te Atua i faaitohia i te ohipa a te potera ra.

18 TE parau no o ia Iehova i tae mai ia Ieremia ra, i te na o'raa mai e,

2 A tia, a haere i raro i te fare o te potera ra, ei reira vau e faate atu ai ia oe i ta'u nei parau.

3 Ua haere atura vau i raro i te fare o te potera ra, e, inaha, te ohipa ra oia i nia i te mau pereoo ra.

4 Ino ihora taua a'ua araa i hamanihia e ana i te rima o te potera ra; ua rave faahou ihora oia ei a'ua o ia, ta'na iho i hinaaro ra ta te potera ra.

5 Ua tae maira te parau a Iehova ia'u nei, na o maira,

6 E ore anei e tia atoa ia'u ia rave mai ta tele nei potera ia outou, e te utuafare o Ieraela, te na reira maira Iehova.

Inaha, mai te araa tei to rima ia o te potera te rave, tei ia'u atoa te rave ia outou, e te utuafare o Ieraela.

7 Ia parau vau i te ho'e fenua e te ho'e basileia, i te tahi tumurua, e te faaruerua i raro, e te haamou-
raa; 8 ia fariu o maira taua fenua i parauhia e au ra, i ta'na ra mau parau ino ra, e riro atoa vau i te tatarahapa i taua ino i mana'ohia e au e tutu i reira ra.

9 E ia parau vau i te ho'e fenua e te ho'e basileia, i te paturaa i nia, e te tanuraa; 10 ia rave ra oia i te parau ino i mua i tau aro, e ia ore ia faaroo mai i tau re'o; e riro atoa vau i te tatarahapa i taua maitai ra, ta'u i parau ra o rave ia maitai oia ra.

11 E teie nei, teie ta'u parau, e parau

Te pau o Ierusalemia i itea i te a'ua a te potera i parari ra.

atu i te mau taata no Iuda, e te feia atoa i parahi i Ierusalemia, e na ô atu. Te na ô maira Iehova, Inaha, te mana'o nei au i te ino no outou, e te imi nei au i te ravea ia outou; e farii mai outou o te taata atoa i ta'na ihora parau ino, e haamaitai na i to outou mau haerea e ta outou e rave na. 12 Ua parau mai râ ratou, Aita ia o reira mana'ora; e pee â matou i to matou iho mana'o, e rave matou atoa i te hinaaro o to'na iho aaui ino. 13 E teie nei, te na ô maira Iehova, A ui na i te mau fenua, o vai ia taata i ite i te parau mai teie nei â te huru? e mea riarua roa tei ravehia e te parefenia a Iseraela nei. 14 E faaruehia anei te hiona o Lebanona i te mato o te aihere ra? e faarue anei te taata i te pape rii tahe havmârû ra i te pape êê ra? 15 Ua haamoe râ to'u ra mau taata ia'u; e ua tutui i te mea no'ano'a i te mea faufaa ore; ua faaturori ratou ia ratou i to ratou haerea i te mau haerea tahito i te haere-noa-raa na te mau e'a aore i opehia ra: 16 i te faarioraa i to ratou fenua ei mea maerehia, e ei tãhitohitoraa tamau; e maere te tsata atoa ia haere na pihai iho, e e ueue hoi i te upoo. 17 Mai te mata'i no te hitia o te râ ra ia haapuehu vau ia ratou i mua i te enemi; o te tua ta'u e faaite atu, e ore te aro, i te mahana e pohe ai ratou ra.

18 Ua na ô ihora ratou, Haere mai tatou e imi i te ravea ia Ieremia: e ore hoi te tahu'a e ere i te ture, e te taata paari i te a'o, e te peropheta i te parau: haere mai tatou e tairi ia'na i te arero, eiaha tatou e haapao noa 'tu i ta'na parau.

19 E haapao mai ia'u, e Iehova e, e faaroo mai i te re'o o tau mau enemi nei. 20 E tahoolhia mai anei te maitai i te ino? ua ô ratou i te spoono'u. Haamana'o mai oe ia'u i te tia-noa-raa i mua ia oe, ei tia ia ratou ia ora, ei faafarii ô atu i to oe riri ia ratou. 21 E teie nei, e tuu ô atu oe i ta ratou mau tamarii no te poia, e ia patiahia hoi ratou i te 'o'e; ia parahi ivi noa ta ratou mau vahine eiaha ei tamarii, e ia pohe ta ratou mau tane i te 'o'e; e ia pohe ta ratou mau tane apî i te 'o'e tamai. 22 Ia itea mai te auê i to ratou mau are, ia tuu-vave-hia mai e oe te hoê pupû taata i nia ia ratou aore i mahia; no te mea, ua ô ratou i te spoono'u noa vau, e ua tuu huna ratou i te upe'a ia fîfi tau avae. 23 Ua ite noa na râ oe, e Iehova, i ta ratou mau parau atoa ia'u nei ia pohe au: eiaha e farii noa 'tu i te tarahara i ta ratou hara, e ta ratou hara e vai i mua ia oe ra eiaha e parai-ê-hia: ia hurihia râ ratou i raro i mua i to aro ra; e na reira oe i te rave atu ia riri oe ra.

19 UA ra ô maira Iehova ia'u; A tii oe i te hoê farii repo na te potera, a aratai atoa 'i i te tahi pae taata paari no roto i te mau taata nei, e te taata paari atoa no roto i te pupû tahu'a ra. 2 A haere ai oe i te peho o te tamaiti a Hinoma, i mua mai i te uputa ra o Haresita, e na oe e faaite hua i reira i te mau parau ta'u e parau atu ia oe ra. 3 E parau atu oe, E faaroo mai i te parau a Iehova, e te mau arii o Iuda e, e to Ierusalemia atoa ra. Te na ô maira Iehova sabaota ra, te Atua o Iseraela: Inaha, teie au a hopoi mai i te ino i teie nei vahi, e turi atoa na tari'a e piti o te feia atoa e faaroo ra; 4 no te mea, ua faarue mai ratou ia'u, e ua faataata êê i teie nei vahi, e ua tutui i te mea no'ano'a i teie nei vahi no te mau atoa êê, aore i itea 'tu e ratou: o ratou e to ratou mau metua, e te mau arii no Iuda; e ua faai i teie nei vahi i te toto o te feia hara ore: 5 e ua faatia hoi i te mau vahi teitei i ô Baala, ei tutuira i ta ratou mau tamarii i te auahi ei tusia tãauahi na Baala; i tei ore i faauehia e au ra, aore i parau noa a'e, aore i tupu noa 'e i to'u nei mana'o. 6 E teie nei, te fatata maira te mahana, te parau maira Iehova, e ore ai teie nei vahi e parauhia 'i O Topheta, e Te peho o te tamaiti a Hinoma, Te peho taparahiraa râ. 7 E faaore hoi au i te parau a Iuda e ta Ierusalemia i teie nei vahi; e hi'a hoi ratou ia'u i te 'o'e i mua i to ratou mau enemi, e te rima hoi o te feia i titau mai ia ratou ia pohe; e parau hoi au i to ratou pera ei maa na te mau manu o te ra'i, e na te taehae o te fenua nei: 8 e faariro hoi au i teie nei oire ei maereraa, e ei tãhitorea: te feia e na reira i te haere te maere e te tãhito i to'na ra mau pohe. 9 E faaamu vau ia ratou i te tino o ta ratou mau tamarii tamaroa, e te tino o ta ratou mau tamahine; e amu hoi ratou atoa i te tino o to'na ihora taua i taua pau ra, taua atira ra, ta to ratou mau enemi, e te feia i titau mai ia ratou ia pohe, i haatai mai ia ratou. 10 E i reira oe e haaparari ai i taua farii ra i mua i te aro o te feia i haere atoa i te tere ra: 11 a na ô atu ai oe ia ratou, Te na ô maira Iehova sabaota ra, O te huru ia o teie nei mau taata i te parari ia'u, e teie nei oire mai ta'na i haaparari i te farii a te potera ra, o tei ore roa e tia ia hamani faahou ra: e tanuhia ratou e te taata i Topheta, e aita a'era e ô ia tanu i te apl. 12 Te na ô maira Iehova, E na reira vau i te rave i teie nei vahi, e te taata atoa no reira, e ia riro noa 'tu teie nei oire mai ia Topheta. 13 E te

man fare o Ierusalem, e te mau fare o te hui arii no Iuda, e riro ia mai taua vahi ra mai ia Topheta, i te viivii; e te mau fare atoa i tutuihia te mea no'ano'a i nia ihora no to te ra'i atoa ra, e te ni-niiraa i te mau tusia inu na te mau atua éé ra.

14 Ua haere maira Ieremia mai Topheta mai, i te vahi ta Iehova i tonu atu ia'na e tohu ra; e ua tia noa maira i roto i te aumoa o te fare o Iehova, e ua parau maira i te taata atoa ra, 15 Te na ô maira Iehova sabaoata ra, te Atua o Iseraela; Inaha, teie au a hopoi mai i te mau ino atoa i nia iho i teie nei oire, e te mau oire atoa no reira ra, tei faaitohia 'tu e au ia'na ra; no te mea, ua faaita iho nei ratou i to ratou a'i e aore maira i faaroo mai i ta'u nei parau.

Pasura, no te mea, i moto ia Ieremia i mairihia i te c'oa api.

20 ITE a'era te tahu'a ra o Pasura a Imera, e tavana o te fare o Iehova, i te parau a Ieremia i tohu ra: 2 ua tairi ihora Pasura i taua peropheta ra, ia Ieremia, e tuu atura ia'na i roto i te tapearaa i te uputa teitei i ô Beniamina ra, i pihai iho i te fare o Iehova. 3 E ao a'era, ia tuuhia mai Ieremia e Pasura mai roto mai i te tapearaa ra, ua parau atura Ieremia ia'na, Ua mairihia to oe i'oa e Iehova, eiaha o Pasura, o Magoramisabiba râ. 4 Te na ô maira hoi Iehova, Inaha, teie au a faariro ia oe ei mātā'uraa na oe iho, e na to mau hoa atoa ra; e topa hoi ratou i te o'e a to ratou mau enemi, e to mata atoa i te hi'o-atoa-raa; e horoa hoi au ia Iuda atoa ra i te rima o te arii no Babulonia, e na'na ratou e hopoi i Babulonia ei titi, e e tairi hoi ia ratou i te o'e. 5 E na'u e horoa i te etaeta o teie nei oire, e te hopea o to'na faaitoito, e te mau mea maitatai i roto ra, e te mau ta'oa atoa a te mau arii no Iuda, o ta'u ia e horoa i te rima o to ratou mau enemi, e pau ia ratou ia ratou, e rave hoi ia ratou e hopoi i Babulonia. 6 E o oe hoi, e Pasura, e te feia atoa e parahi i to fare ra, e haere atoa ia outou ei titi; e tomo hoi oe i Babulonia, e ei reira oe e pohe ai; e ei reira oe e tanuhia 'i, o oe e to mau hoa atoa ta oe i tohu haavare atu.

7 Ua faatianiani mai oe ia'u, e Iehova, e ua vare ihora vau; ua faaitoito mai oe ia'u, e o ta oe atura tei tupu; ua riro vau ei ataraa i te mau mahana atoa nei; e ua tāhitohitohia vau e ratou atoa e ati noa "e. 8 E ia parau ana'e au ra, ja pii noa vau i te rave u'ana, e ia parau i te haru ra, ua ruri-é-hia te parau a Iehova ia'u ei faainoraa, e ei tāhitohitoraa, eita e faaca. 9 Ia parau râ vau ra, E ore au e parau i te reira, e ore au e parau faahou i to'na ra i'oa; riro atura taua parau

ra mai to auahi ama i roto i tau auu ra, ua opanihia i roto i to'u ra mau ivi; rohirohi a'era vau i te faaromai-noa-raa, e aita 'tura e tia ia mamū. 10 Ua faaroo hoi au i te vavi-noa-raa o te taata atoa e rave rahi, e parau haamāta'uta'u e ati noa "e. Te na ô maira ratou, E parau na outou, e na matou e parau atoa 'tu: te tiai ana'e maira tau mau hoa au atoa ra ia'u i te faaceraa; te na ô ra ratou, Peneia'e oia o te tapae é noa i te haavare, a noa 'tu ai oia ia tatou, a tahoo atu ai tatou ia'na. 11 Tei ia'u râ Iehova, ei aito riarahia ia; e riro te mau hamani ino ia'u ra i te turori, e ore roa hoi ta ratou e tupu; ua haama roa ratou, no te mea aore to ratou hinaaro i tupu; ei haama vaiiho-tamau-roa-hia e te mure ore to ratou, eita e moe ra. 12 E Iehova sabaoata ra, tei tamata i te feia parau-tia ra, tei hi'o i te mana'o i roto i te aa'u ra, e ite au i to riri tahoo i nia ia ratou, ua hohora hua hoi au i tau parau ia oe ra. 13 E himene outou ia Iehova, e haamaitai outou ia Iehova, no te mea ua faaora oia i te rima o te feia hamani ino ra, i te varua o te taata haehaa ra.

14 Ia katarahia te mahana i fanau mai ai au ra; eiaha te mahana i fanau mai ai tau metua vahine ia'u ra, ia haamaitahia. 15 Ia katarahia te taata i parau i tau metua tane, o tei na ô atu e, Ua fanau mai ta oe e tamaroa; ei faaoaoa-hua-raa 'tu ia'na. 16 Ia riro te reira taata mai te mau oire i taihitumuhia e Iehova, e aore i tatarahapa; ia ite oia i te pii tama'i i te poipoi, e te faaehuehu i te avatea: 17 o vau i ore i ravehia e vetahi i roto i te opu ia pohe, e ia riro tau metua vahine ei apoo no'u, te opu o tei to'ia'u ra e a muri noa 'tu. 18 Eaha te mea i fanau mai ai au mai roto mai i te opu ra, i ite ai hoi i te pohe e te oto, e ia hope roa o'u'ape mahana ma te haama?

Te tono nei Zedekia i te vea ia Ieremia, e ui i te hopea o taua tama'i ra.

21 TE parau i tae mai ia Ieremia no ô mai ia Iehova ra, a tono atu ai te arii ra o Zedekia ia Pasura a Melekia, e ia Zephania a Maaseia tahu'a ra, i te parauraa 'tu e.

2 Te titau atu nei matou ia oe ia parau maitai atu oe ia Iehova ia matou nei, no te mea te tama'i nei te arii o Babulonia o Nebukanesa ia matou nei; peneia'e o te rave mai Iehova i ta'na mau ravea taa é ia matou, e ia ho'i atu oia ra.

3 Ua parau maira Ieremia ia ratou, E na ô atu outou ia Zedekia; 4 Te na ô maira te Atua o Iseraela ra, o Iehova, Inaha, e ruri é au i te mau maiban tama'i i roto i to outou rima, ta outou e

tama'i atu i te arii o Babulonia, i te Kaladaio, tei na rapae au mai i te aua-ra i te aro, te haaputuputu vau ia ratou i rotopu i teie nei oire. 5 O vau iho te aro atu ia outou ma te faatoro atu i te rima, ma te rima puai, ma te riri, e ma te tahoo, e ma te tairoiro rahi. 6 E tairi au i te teie nei oire, i te taata e te puua; e pau rahi to ratou ia pohe. 7 E muri a'e i te reira, te parau maira Iehova, o te arii o Iuda ra o Zedekia, e to'na ra mau tavini, e te taata atoa, te toea no te ma'i, e no te 'o'e, e no te poia, ta'u ia e tuu atu i te rima o te arii o Babulonia, ia Nebukanesa, e te rima o to ratou mau enemi, e te rima o te feia i titau mai ia ratou ia pohe; e ha'na ratou e tairi i te 'o'e; e ore roa oia e aroha ia ratou; e ore e faaherehere, e ore e hamani maitai atu.

8 E parau atu oe i teie nei feia, Te na o maira Iehova, Inaha, te tuu nei au i te e'a ora i mua ia outou, e te e'a pohe. 9 O te parahi i roto i teie nei oire, e pohe ia i te 'o'e, e te poia, e te ma'i; o te haere ra i rapae, e ua horoa ia'na iho i te rima o te Kaladaio e haaati mai ia outou ra, e ora ia oia, e riro to'na ora ei tao'a na'na. 10 Ua farii hoi au i tau mata i teie nei oire ia ino, eiaha ia ora, te parau maira Iehova; e tuuhia teie nei oire i te rima o te arii o Babulonia, e ama ia ia'na i te auahi.

11 Area te fare o te arii o Iuda ra, E faaroo mai outou i te parau a Iehova; 12 E te utuafare o Davida; te na o maira Iehova, A faatupu na i te parau au i te poipoi roa ra, a faaora 'tu i tei pau i te rima o te hamani ino ra, o te puroro atu tau riri mai te auahi ra, e ama 'tura, e aore e tinai, no te ino o ia outou e rave ra. 13 Inaha, aore au i o'na ia oe na, e tei parahi i te mato hanapapu-hua-hia ra, te parau maira Iehova; o outou o tei parau e, O vai te faa'o mai i roto ia tatou nei? na vai e tomo mai i to tatou mau fare? 14 E tahoo atu vau ia outou i ta outou i rave ra, te parau maira Iehova; e tutui au i te auahi i to'na ra vahi nuraau, e na te reira e ama e ati noa 'e.

Te a'o nei te Atua ia talarahapa, e te faaiti maira i te maitai.

22 **PA** na o maira Iehova, Haere i raro i te fare o te arii o Iuda, a parau atu ai oe i teie nei parau i reira, a na o atu ai,

2 E faaroo mai i te parau na Iehova, e te arii o Iuda, e tei parahi i nia i te terono o Davida; o oe, e to mau tavini, e to mau tauta, tei na teie nei mau uputa i te tomoma: 3 Te na o maira Iehova, A faatupu na i te parau au e te parau-tia, a faaora 'tu i tei pau i te haru i te rima o te feia hamani ino; o te

taata e, e te otae, e te vahine ivi, eiaha e haavarehia 'tu, eiaha e hamani-ino-hia 'tu i te haru ra, eiaha hoi te toto hara ore ia manii i teie nei vah. 4 Ia na reira hoi outou i te rave mai teie nei parau, e hui arii ana'e te tomo na roto i te mau uputa o teie nei fare, e te parahira i nia i te terono o Davida, e i nia i te mau pereoo, e i nia i te mau puahurofenua, ratou atoa ma to'na atoa ra mau tavini, e to'na atoa ra mau taata. 5 Ia ore ra outou ia faaroo mai i teie nei mau parau, te na o maira Iehova, ua tapu vau ia'u iho, e riro mau teie nei fare i te ano. 6 Ua na o maira hoi Iehova i te fare o te arii o Iuda ra, Ua riro oe mai ia Gileada ia'u nei, e mai te upoo o Lebanona ra; e faariro-mau-hia ra oe e au ei medebara, e mai te mau oire taata ore ra. 7 E na'u e faaue i te rave ia oe ra, o te taata atoa ma ta'na ra mauhan; e na ratou e tapu i te mau arezi hinaaro na oe ra, e huri atu hoi i roto i te auahi. 8 E rave rahi te fenua e haere na pihai iho i teie nei oire, ma te paraparau ratou te tahi i te tahi, Eaha te mea i na reira 'i Iehova i te rave i teie nei oire rahi? 9 E reira ratou e parauhia 'tu ai i teie nei parau, No te mea ua faarue ratou i te faufaa a to ratou Atua, a Iehova, e ua haamori i te mau atua e'e, e tavini atura ia ratou.

10 Eiaha outou e oto i tei pohe ra, eiaha oia e arohahia 'tu; ia rahi ra te oto i tei rova e ra, e ore roa hoi oia e ho'i faahou mai, e to'na fenua i fanau ai ra, e ore ia e ite. 11 Te na o maira hoi Iehova ia Saluma, i te tamaiti a Iosia, e arii no Iuda ra, o tei riro ia'na te hau ei mono i tana metua, ia Iosia ra, o tei reva 'tu mai o nei atu; E ore oia e ho'i faahou mai i reira: 12 taua vahi ra i aratai-titi-lia 'tu ai oia ra, ei reira oia e pohe ai, e ore oia e ite faahou mai i teie nei fenua.

13 E pohe to'na to tei faatia i to'na fare ma te parau-tia ore, e te mau pihai i nia ra ma te hamani ino; o tei faahepo i te taata-tupu ia rave noa i te ohipa aore e hoo, aore i faautua 'tu ia'na i ta'na ohipa; 14 o tei parau e, E faatia vau i te fare no'u iho ei fare rahi, e te pihai to'nei ana'e; e te raverana i te haamaramarama no'na iho, e te vehiraa i nia iho i te arezi, e te parairaa i te eseren. 15 E vai tanaui maite anei te hau ia oe ra, o oe i faafaito i te tahi poe i te fautiarau i to oe fare i te arezi? aore anei to metua i amu i te maa e te inn i te uaina, e na faatupu i te parau au e te parau-tia? maitai atura hoi oia i reira. 16 Ua faatia oia i te parau a te feia i ati e tei veve ra; afa anei oia i maitai i reira i te iteraa mai ia'u ra? te parau maira Iehova. 17 Area to oe mata e to oe auu, tei nia ana'e ia i te

mau mea hinaarohia e oe ra, e taititau noa ra i te toto hara ore ia manii ā, e te raveraa na te faau'ana e te nounou tao'a. 18 E teie nei, te na ō maira Iehova ia Iehoiakima, i te tamaiti a Ioaia, i te arii o Iuda, Eiaha ratou e oto ia'nā, e te na ōra e, E tau taese e, e te arii vahine hoi, E tau tuahine e. Eiaha ratou e oto ia'nā, e te na ōra e, E te Fatu e, e te vahine ra, Auē, o to'na ia unauna. 19 Mai te tanuraa o te asini to'na tanuraa, e arato-noa-hia e hurihia 'tu i rapae au mai i te mau uputa o Ierusalemā.

20 A haere i nia i Lebanona, pii hua 'i; e ei nia ia Basana faateitei ai i to re'o, a pii hua 'tu ai i te mau otia ra: te feia atoa i hinaaro mai ia oe ra, ua hope ia i te mou. 21 Ua parau atu hoi au ia oe i to maitairaa ra, ua parau maira oe, E ore au e faaroo atu: o to oe ia huru mai to apiraa mai ā, aita hoi oe i faaroo mai i tau re'o. 22 E hopoi-ē-hia tei faaamu ia oe ra i te mata'i, e te feia e hinaaro mai ia oe ra, e hopoi-ē-hia ia ei titi; ei reira mau oe e haama 'i, e maheahea hoi i te mau parau ino atoa na oe ra. 23 E to Lebanona e, o tei hamani i to ofaaraa i roto i te mau arezi ra, atae hoi te aroha ia oe ia roohia mai oe e te mauui, mauui mai to te vahine fanau ra. 24 Tena ōmaira Iehova, Teora nei au ra, riro noā Konia e Iehoiakima, arii no Iuda, ei hetemi i nia i tau rima atou, e iritihia oe e au i reira; 25 a horoa 'tu ai au ia oe i te rima o te feia i titau mai ia oe ia pohe, e te rima atoa o te feia ta oe e māta'u ra; i te rima o te arii o Babulonia o Nebukanesa ra, e i te rima atoa o te Kaladaio. 26 E faarue ē atu vau ia oe, e to metua vahine na'na oe i fanau ra, i to hoē fenua ē, aore outou i fanau i reira, e ei reira outou e pohe ai. 27 Area te fenua ta ratou e hinaaro ia ho'i maira, e ore ratou e ho'i mai i reira. 28 E idolo parari anei, e te vahavahahia teie nei taata o Konia? e e farii au ore anei oia na te taata atoa ra? eaha ra hoi ratou i faarue-ē-hia 'i, oia e tana huai atoa ra, e ua hurihia i nia i te fenua aore i itea e ratou ra? 29 E te fenua e! e te fenua e! e te fenua e! e faaroo mai i te parau a Iehova. 30 Te na ō maira Iehova, E papai outou i teie nei taata ei fanautama ore, oi taata e ore e maitai i to'na ra anoutau; e ore roa hoi to'na huai e maitai, ma te parahi i nia i te terono o Davida e te mana-faahou-raa i nia ia Iuda.

To parau nei oia e faaho'ihia mai te nānā, e ora i te fatu.

23 E TE mau tiai, e tei teparahi e ua haapurara i te mau mamoe ta'u e faaamu nei, te na reira maira Iehova! 2 Te na ō maira te Atua o Iseraela, o Iehova, i te mau faaamu tei faaamu i

to'u ra mau taata, Ua haapurara outou i tau nānā, e ua tiahia-ē-hia e outou, e aore outou i tiai noa 'tu ia ratou; inaha! teie au a tahoo atu ia outou i te ino ta outou i rave, te na reira maira Iehova.

3 E haaputu mai rā vau i te toea o tau nānā, i te mau fenua atoa i tiahihia 'tu ai ratou e au ra, e faaho'i mai au ia ratou i ta ratou ihora aua, e riro ratou i te tupu e rahi noa 'tura. 4 E tuu hoi au i te tiai i nia iho ia ratou, ei faaamu ia ratou ra. E ore atura ratou e māta'u faahou, e ore e horuhoru, e ore hoi ratou e na reira-faahou-hia mai, te parau maira Iehova. 5 Te na ō maira Iehova, Inaha, te fatata maira te tau, e faatupu ai au i te tahi amaa parau-tia no Davida, e riro hoi te hoē taata ei arii e te haapao i te parau maitai, e te faatupu hoi i te parau au e te parau-tia i te fenua nei. 6 Ia tae i to'na ra tau, e ora ia Iuda, e parahi noa hoi Iseraela ma te ora; e teie hoi te i'oa e mairihia no'na, IEHOVA TA TATOU PARAU-TIA RA. 7 E teie nei, inaha, te parau maira Iehova, te fatata maira te tau, e ore ai ratou e parau faahou ai, Te ora ra Iehova, o tei aratai mai i te tamarai a Iseraela mai te fenua ra i Aiphiti; 8 area te ora ra Iehova, o tei hopoi mai, e ua aratai, i te huai o Iseraela mai te fenua i te pae i apatoerau ra, e mai te fenua atoa i tiahihia 'tu ai ratou e au ra, ia parahi faahou ratou i to ratou ra fenua.

9 Ua tiai roa tau au i roto ia'u nei i te mau peropheta; e ua atnataa tau mau ivi atoa nei; ua riro vau mai te taata i tac'o ra, e mai te taata i vi roa i te uaina ra, no Iehova, e te mau parau mo'a na'na ra. 10 Ua i'i hoi te fenua nei i te faaturi; e no reira mau i ino ai teie nei fenua; ua mārū te aihere o te medebara; ua ino to ratou haerea, o aore hoi to ratou mana i tia. 11 Te peropheta atoa e te tahuhū, ua ino atoa ia; te ite nei au i to ratou ino i roto i tau fere nei, te parau maira Iehova. 12 E teie nei, e riro to ratou e'a mai te vahi paia; e tiahihia ratou i roto i te poui, e ei reira e hi'a 'i; e hopoi mai hoi au i te ino i nia ia ratou, to ratou ia matahiti o rave ai, te parau maira Iehova. 13 Mai tei te mau peropheta i Samaria ra, ta'u i ite i to haapi'o ra; ua tohu hoi ratou i te i'oa o Beala, e ua haapi'o i to'u ra man taata ia Iseraela; 14 oia atoa tei te mau peropheta i Ierusalemā, te ite nei au i te mea riarā ra; i te raveras i te faaturi, e te haerea ma te haavare; ua faaeteta ratou i te rima o te feia parau ino, e aita 'tura te taata e farii mai i to'na ra ino; ua riro ana'u ratou atoa mai i Sodoma in'u, e to reira atoa ra mau taata mai ia-Gomora. 15 E teie nei, te na ō maira Iehova sabacta ra, i te mau peropheta ra; Inaha,

e faaamu vau ia ratou i te raau maramara, e ho-atu vau i te pape maramara na ratou ei inuraa; no te mea, na te mau peropheta i Ierusalem. te revaraa 'tu te parau ino e ati a'enei te fenua atoa nei.

16 Te na ô maira Iehova sabaota ra, Eiaha e faaroo atu i te parau a te mau peropheta, o te tohu i te parau faufaa ore ia outou, e ua parau i te ri'a no to ratou iho aau, e aore i parau i to roto i te vaha o Iehova; 17 e te parauraa 'tu i te feia i vahavaha mai ia u ra, Ua na ô mai Iehova e, Eia hau to outou; te titau noa ra te taata atoa i te hinaaro o to'na iho aau, na ô noa 'i e, E ore outou e roohia e te ino. 18 O vai hoi tei ô atu i te parau moe a Iehova, a ite atu ai, a faaroo atu ai i ta'na parau? o vai tei faaroo atu i ta'na parau, a ite atu ai? 19 Inaha, te puahi'ohi'o a Iehova te reva 'tura ma te u'ana, puahi'ohi'o pau rahi roa; ei nia i te upoo o te paletu ore ra e mairi u'ana 'tu ai. 20 E ore roa te riri o Iehova e ho'i, e ia tia roa ia'na te rave i tei mana'ohia e to'na aau: ia tae i te mau mahana hopea ra e ite hua 'i outou i teie nei parau. 21 Aore au i tono i taua mau peropheta ra, na ratou ihora i horo noa; aore au i parau atu ia ratou, na ratou ihora i tohu noa. 22 Ahiri râ ratou i ô mai i roto i ta'u ra parauraa moe ra, e ite ia ratou i tau parau i to'u ra mau taata, e ua faafariu ia ratou i ta ratou ra parau ino, e te ino ta ratou i rave ra.

23 Te na ô maira Iehova, e Atua fatata anei au, e ere i te Atua no te atea ô ra? 24 E tia ia vai ia faatapuni ia'na iho i te vahi moe ra, e ia ore ia iteia 'tu e au ra? te parau maira Iehova. E ere anei tei api te mau ra'i e te fenua atoa ia'u ra? te na reira maira Iehova. 25 Ua ite au i ta te mau peropheta i parau ra, tei tohu haavare noa ma to'u ra i'oa, i te na ôraa e, E taoto ta'u, e taoto ta'u. 26 Mai te aha ra te maoro o te reira parau i te vai-noa-raa i te aau o te mau peropheta e tohu mai i te parau haavare? e peropheta ia no te haavare o to ratou iho aau: 27 te titau ra ia haamoe to'u mau taata i to'u nei i'oa; i ta ratou mau taoto ta ratou e faaite ra te tahi i te tahi, mai to ratou mau metua i haamoe i tau i'oa ia Baala. 28 E taoto ta te peropheta ra, e faaite mai oia i ta'na ei taoto; e tei ia'na ta'u ra parau, e parau oia i taua parau mau na'u ra. Eaha to te ota faufaa i te sitona ra? te na reira maira Iehova. 29 Te na ô maira Iehova, E ere anei tau parau nei mai te anahi? e mai te tiapai e parari ai te mato ra? 30 E teie nei, te na ô maira Iehova, E ore au e faatia i te mau peropheta, tei eia mai i tau parau, o te taata o to'na ihora

taata-tupu. 31 Te na ô maira Iehova, Inaha, e ore au e faatia i te mau peropheta, tei haapaia i to ratou arero, a na ô ai e, Te na ô maira oia. 32 Inaha, e ore au e faatia i te mau peropheta taoto haavare ra, te na reira maira Iehova, o tei faaite i taua mau taoto ra, e ua haapi'o i to'u ra mau taata, i ta ratou haavare e te parau faufaa ore; aore râ vau i t'ono ia ratou, aore i faaue noa 'tu, e ore hoi teie nei mau taata e faufaaia ia ratou, te na reira maira Iehova.

33 E ia ui mai teie nei mau taata ia oe, e te hoê peropheta e te hoê tahu'a, ia na ô mai e, Eaha te hopoia na Iehova? e na ô-oe ia ratou i reira, Eaha ia hopoia te na ô maira Iehova, E faarue atu vau ia outou. 34 E te peropheta, e te tahu'a, e te hoê o te mau taata atoa ra, ia parau mai e, Te hopoia na Iehova; e ravehia e au taua taata ra e to'na atoa ra fare. 35 E na ô ana'e outou ia parau, o te taata o to'na iho taata-tupu, o te taata o to'na iho taeae; Ua nahea maira Iehova? e, Eaha ta Iehova parau? 36 Area te hopoia na Iehova, atira na outou i te faahiti faahou i te reira o ta te taata ra parau, o ta'na ia hopoia; ua ruri ê hoi outou i te parau a te Atua ora ra, i ta Iehova sabaota ra, ta to tatou Atua ra. 37 E na ô atu oe i te peropheta ra, I nahea maira Iehova ia oe ra? e, Eaha ta Iehova parau? 38 I mârô ra outou i te parau e, Te hopoia na Iehova; te na ô maira Iehova i te reira, No te mea te na reira ra ta outou parau, Te hopoia na Iehova, tono noâ vau i te vea ia outou, i te na ôraa 'tu e, Eiaha outou e parau e, Te hopoia na Iehova; 39 e teie nei, inaha, e haamoe-roa-hia outou e au, a faarue atu ai, e te oire atoa, ta'u i horoa 'tu ia outou e to outou mau metua ra, e iaa ê atu outou i tau mata nei. 40 E huri mai hoi au i te faaino tamau i nia ia outou, e te haama tamau, e ore roa e moe ra.

Te faaite nei e faaho'ihia mai te tlti, i te tupa'o ra i te suke maitai e te ino.

24 UA faaite maira Iehova ia'u, e, inaha, e pue farii suke e piti i hopoihia mai i mua mai i te hiero o Iehova ra, i muri a'e i to te arii no Babulonia to Nebukanesa hopoi-titi-raa ia Iekonia a Iehoiakima, arii no Iuda ra, e te pûpû arii atoa no Iuda, e te feia rave ohipa, e te mau tupai auri, mai Ierusalem. 2 Te hoê farii suke ra, e mea maitai roa ia, mai te suke para vave ra; e te hoê farii suke, e mea ino roa ia, e ore e tia ia amu i te ino ra. 3 Ua parau maira Iehova ia'u, Eaha ta oe e hi'o na, e Ieremia? ua parau atura vau, E suke; te suke maitai ra, e mea

maitai roa ia; e te mea ino ra, e mea ino roa ia, e ore e tia ia amu i te ino.

4 I reira te taeraa mai te parau a Iehova ia'u nei, na ô maira, 5 Te na ô maira te Atua o Iseraela ra, o Iehova; Mai teie nei mau suke maitai nei, e ite atu vau i te mau tîti nō Iuda, i tuuhia e au mai ô nei atu i te fenua o te Kaladaio ma te hamani maitai ra. 6 E tano tau mata i nia ia ratou ia maitai, e faaho'i mai au ia ratou i teie nei fenua; e patu tia vau ia ratou i nia, e ore e tuu i raro; e tanu vau ia ratou, e ore e iriti. 7 E horoa vau ia ratou i te auu e ite mai ai ia'u ra, e o vau o Iehova; e riro hoi ratou ei taata no'u, e riro hoi au ei Atua no ratou; ia fariu mai ratou ia'u ma te auu atoa ra. 8 Area râ te mau suke iino ra, e ore e tia ia amu i te ino ra, te na ô maira Iehova, Mai te reira ta'u faariro i te arii o Iuda ra ia Zedekia, e te pûpû arii i o'na ra, e te toea o Ierusalemā, tei faatoehia i nia i te fenua nei, e tei parahi atoa i te fenua i Aiphiti: 9 e tuu atu vau ia ratou no te ahoaho, e te pohe i te mau fenua atoa o te ao nei; ia riro ei faainoraa, e ia tauaparauhia, e ei tãhitohitoraa, e ei tuhira, i te mau vahī atoa ta'u e tiahi atu ia ratou ra. 10 E haponu atu hoi au i te 'o'e i roto ia ratou, e te poia, e te ma'i, e e pau roa 'tu ratou i te pohe i nia i te fenua nei, tei horoahia e au no ratou, e no to ratou ra mau metua.

Te a'o nei Ieremia i te ati Iuda i to ratou faaroo ore i te mau peropheta.

25 TE parau i tae mai ia Ieremia i te mau taata atoa no Iuda ra, i te matahiti maha o Iehoiakima a Iosia, e arii no Iuda, o te matahiti hoë ra o te arii o Babulonia ra o Nebukanesa.

2 I ta te peropheta ra i ta Ieremia i parau atu i te mau taata atoa o Iuda ra, e to Ierusalemā atoa ra, i te na ôraa e, 3 Mai te matahiti hoë ahuru ma toru mai o Iosia 'a Amona, e arii no Iuda, e tae roa a'enei i teie nei mahana, o te taau ma toru teie o te matahiti, o te taeraa mai ia o te parau a Iehova ia'u nei, e o vau atoa i te parauraa 'tu ia outou, i te tia-vave-raa i te poipoi e te parauraa, aita râ outou i faaroo mai: 4 ua tono atoa mai hoi Iehova i to'na atoa ra mau tavini, i te mau peropheta ia outou na, i te tia-vave-raa i te poipoi e te tonoraa, aita râ outou i faaroo, e aita i fariu mai i to outou tari'a ia ite. 5 I te na ôraa 'tu e, A fariu mai na outou atoa i ta outou ra parau ino, e te ino ia outou e rave na, a parahi ai outou i te fenua nei, ta Iehova i horoa mai no outou e no to outou mau metua e a muri noa 'tu: 6 e eiaha e pee haere i te mau atua ôë i te tavini-

raa 'tu ia 'ratou, e te haamoriraa 'tu ia ratou; e eiaha e faaroo mai ia'u ia riri i ta to outou rima e rave na; e e ore hoi au e rave ino noa 'tu ia outou. 7 Aita râ outou i faaroo mai ia'u, te na reira maira Iehova, ia faaroo mai outou ia'u i ta to outou rima i rave ra, e ia ino atu outou.

8 E teie nei, te na ô maira Iehova sabaota ra; No te mea, aita outou i faaroo mai i ta'u nei parau, 9 imaha, e tono vau i te vea, e aratai mai i te mau fetii atoa i te pae i apatoeraa ra, te na reira maira Iehova, e tau tavini atoa, i te arii o Babulonia, ia Nebukanesa, e aratai mai au ia ratou ei rave i teie nei fenua, e te taata atoa no teie nei fenua, e teie atoa nei mau fenua e ati noa 'e, e e haamou-roa-hia ratou e au, e faariro hoi ia ratou ei maereraa e ei tãhitohitoraa, e ia ano roa 'tu. 10 E hopoi-ô-hia e au te re'o oca ia ratou, e te re'o faaarearea, e te re'o o te tane faaipopo api, e te re'o o te vahine faaipopo api; te haruru o na ofai oro ra e te mara-marama o te mori. 11 E riro te fenua atoa ra i te ano, e ei maereraa; e riro hoi taua mau fenua nei ei tavini, no te arii o Babulonia e ia hitu ahuru i te matahiti. 12 E hope roa a'era taua na matahiti e hitu ahuru ra, e tahoo atu vau i te arii no Babulonia, e taua fenua atoa ra, i ta ratou hara, e te fenua atoa o te Kaladaio, e faaano roa 'tu vau i te reira fenua, te na reira maira Iehova. 13 E faatupu vau i te mau parau atoa ta'u i parau ra i te reira fenua, i te mau parau atoa i papahia i roto i teie nei buka, tei tohuhia e Ieremia i te mau fenua ra. 14 O ratou nei â, o teie nei feia, te titauhia mai e te mau fenua e rave rahi, e te mau arii rahi atoa, te tao'a; e tahoo atu vau i ta ratou ohipa, tei ravehia e to ratou rima.

15 Te na ô maira te Atua o Iseraela, o Iehova, ia'u nei, A rave mai na i teie nei a'ua uaina tahoo i tau rima nei, a hopoi atu ai i te mau fenua ta'u e tono atu ia o'ra ia inu; 16 ia inu hoi ratou, e ia turorirori, e ia maamaahia, i te 'o'e ta'u e haponu atu i roto ia ratou; 17 ua rave atura vau i te a'ua i te rima o Iehova, e ua hopoi atura na te mau fenua atoa e inu, i ta Iehova i tono ia'u ra; 18 ia Ierusalemā, e te ma'ō oire o Iuda ra, e te mau arii, e te pûpû arii atoa ra no reira, ia faaanohia 'tu ratou, e ei maereraa, e ei tãhitohitoraa, e ei tuhi, mai tei teie nei â mahana: 19 e te arii o Alphiti ra ia Pharao, e tana mau tavini, e te pûpû arii atoa i o'na ra, e te taata atoa no'na; 20 e te mau taata atoa i ano'hia ra, e te mau arii atoa o te fenua ra o Uza, e te mau arii atoa no te fenua o te Philiseti, e ia Asekelona, e ia Gaza, e ia Ekerona, e

te toa no Asadoda; 21 ia Edoma, e ia Moabi, e te mau tamarii a Amona; 22 e te mau arii atoa i Turia ra, e te mau arii atoa i Sidona, e te mau arii atoa i te fenua i tahatai ra; 23 e ia Dedana ra, e ia Tema ra, e ia Buza ra, e te feia atoa e ooti poto noa i te rouru ra; 24 e te mau arii atoa i Arabia ra, e te mau arii atoa no te feia i ano'i-noa-hia tei parahi i te medebara ra; 25 e te mau arii atoa i Zimeri, e te mau arii atoa i Elama ra, e te mau arii atoa i Medai; 26 e te mau arii atoa i te pae i apatoeraru ra, tei fatata mai, e tei te atea e ra, te tahi e te tahi, e te mau basileia atoa o te fenua, i nia i te fenua atoa nei; e na muri ia ratou te arii o Seseka i te inu. 27 E parau atu oe ia ratou, Te na o maira Iehova sabaota ra, te Atua o Iseraela, A inu, e ia tae'o, e ia ruai, e ia hi'a 'tu, e eiaha ia tia faahou mai, i te 'o'e ta'u e haponu atu i roto ia outou na. 28 E ia ore ia tia ia ratou ia rave mai i taua a'ua i to rima ra e inu, a parau atu oe ia ratou i reira, Te na o maira Iehova sabaota ra, E inu a outou. 29 Inaha hoi, te na mua nei au i te hopoira i te ino, i te oire, i mairihia i to'u nei i'oa; e o outou anei te ore roa 'tu e pohe? Eita hoi outou e ore i te pohe; e paran atu hoi au i te 'o'e ei tairi i te to fenua atoa nei, te parau maira Iehova sabaota ra.

30 E tohu atu hoi oe ia ratou i teie nei mau parau, e na o atu oe ia ratou, E haruru mai te re'o o Iehova no nia mai, e haapuroro mai oia i tana re'o i to'na ra parahira mo'a ra; e uuru hua mai oia i to'na ihora faeara; e pii oia mai tei taataahi i te vine ra, i te mau taata atoa o te fenua nei. 31 E haruru tei tae a'enei i te hopea mai o te fenua ra; e mârôraa ta Iehova i te mau fenua ra, te haava nei oia i te mau taata atoa ra; e te 'uu nei oia i te paieti ore i te 'o'e, te parau maira Iehova. 32 Te na o maira Iehova sabaota ra, Te reva 'tura te ino mai te tahi fenua e tae atura i te tahi fenua, e faatupuhia te hoê puahi'ohi'o rahi mai te hopea mai o te fenua ra: 33 e o tei pohe ia Iehova ra ia tae i te reira ra anotau, e riro ia mai te hopea mai o te fenua, e tao noa 'tu i te tahi hopea o te fenua ra: e ore ratou arohahia, e ore e haaputuhia, e ore e tanuhia; e riro rû ei para i nia iho i te fenua nei.

34 A auê, e te mau tiai, e pii hua; e o outou hoi, e te feia rarahi o te nânâ nei, ei roto i te rehu auahi outou taaviriviri ai; o to outou hoi mau mahana e pohe ai ra, e to outou haapurararahaia, ua hope ia; e mairi ana'o outou ra, mai te farii hinaarohia ra. 35 Aia e hororaa to te feia tiai, aita hoi e haapuraa to te feia rarahi o te nânâ ra. 36 E re'o oto

no te feia tiai, e te auê no te feia rarahi o te nânâ ra, no te mea ua ino ia Iehova ta ratou i amu ra. 37 E te mau aua hau ra, ua rave-ino-hia ia no te riri u'ana o Iehova. 38 Ua faarue oia i to'na pupunira mai te licna ra; ua ano to ratou ra fenua, i te puai o te hamani ino ra, e te u'ana o to'na ra riri.

Te faaitoito nei Ieremia i te taata ia tatarahapa.

26 I TE matamehai o te hau o Iehoiakima a Iosia ra, e arii no Iuda, i tae mai ai teie nei parau no o ia Iehova ra, i te na ôraa mai e,

2 Te na o maira Iehova, Tia noa iho na oe i roto i te aumoa o te fare o Iehova, a parau atu ai i te mau oire atoa i Iuda ra, i te feia i haere mai e haamori i roto i te fare o Iehova ra, i te mau parau atoa ta'u i poroi atu ia oe ra e parau ia ratou: Eiaha te hoê re'o e faatoehia: 3 peneia'e ratou o te faaroo mai, e o te farii mai ratou atoa i ta ratou ra parau ino: ia tatarahapa hoi au i teie nei ino ta'u e opua nei no ratou, no te ino hoi ta ratou i rave ra. 4 E na o atu oe ia ratou, Te na o maira Iehova; ia ore ia tia ia outou i te faaroo mai ia'u ra, e te haapao i ta'u nei ture, i tuuhia 'tu e au i mua ia outou, 5 e te faaroo i te parau a tau mau tavini, a te mau peropheta ra, ta'u e tono atu ia outou, ma te tia vave i te poipoi roa e ua tono, mai ia outou aoro a i faaroo ra; 6 e faariro vau i teie nei fare mai ia Silo i reira, e e faariro vau i teie nei oire ei tuhi i roto i te mau fenua atoa nei.

7 Te faaroo maira te mau tahu'a, e to mau peropheta, e te taata atoa ra, ia Ieremia i te parauraa i teie nei mau parau i roto i te fare o Iehova. 8 E hope a'era te mau parau atoa a Iehova i faue mai ia Ieremia ra, i te parahia e ana i te taata atoa ra, ua tii atura te mau tahu'a, e te mau peropheta, e te taata atoa e rave in'na; na o atura ia'na, E pohe oe na. 9 Eaha oe i tohu ai na te i'oa o Iehova, i te na ôraa mai e, E riro teie nei fare mai ia Silo, e e riro teie nei oire i te auro e aore o taatahia? Putuputu atua maira te taata atoa ia Ieremia ra i roto i te fare o Iehova.

10 Ite a'era te hui arii o Iuda i teie nei mau parau, haere atura ratou mai te fare o to arii ra i te fare o Iehova, e ua parahia ihora i te tomoraa i te uputu api i te fare o Iehova. 11 Ua parau maira te feia tahu'a e te mau peropheta i te hui arii ra e te taata atoa ra, na o atura, E au teie nei taata i te pohe: oia i tohu i teie nei oire i ta outou hoi i faaroo i to outou tari'a ra. 12 Ua parau maira Ieremia i taua hui arii ra,

e te taata atoa ra, na ô maira, O Iehova tai tono mai ia'u ia tohu vau i teie nei fare e teie nei oire i te mau parau atoa ta outou i ite ra. 13 I teie nei râ, a haamaitai na outou i to outou haerea e ta outou e rave ra, e faaroo ai i te re'o o to outou Atua ra, o Iehova; e tatarahapa Iehova i reira i te ino ta'na i faaita mai ia outou ra. 14 Area vau nei, inaha, tei to outou ia rima vau; ia rave outou i tei au ia outou, tei tia ia outou ia rave ia'u nei. 15 Ia ite maira outou, e ia pohe au ia outou ra, e iri te toto hara ore i nia ia outou i reira, e i nia atoa i teie nei oire, e i nia atoa i te taata atoa ra; ua tono-mau-hia mai hoi au e Iehova ia outou, ia parau vau i teie atoa nei mau parau i to outou ra tari'a. 16 Ua parau atura te hui arii e te taata atoa i taua mau tahu'a ra, e te mau peropheta, E ore teie nei taata e au i te pohe; ua parau mai hoi oia ia tatou ma te i'oa o to tatou Atua, o Iehova. 17 Ua tia maira hoi e toofanu no te feia paari o taua fenua ra, e ua parau maira i taua amuiran-taata atoa ra, na ô maira, 18 O Mika i Morasi, tel tohu i te anoutai ia Hezekia ra, te arii no Iuda ra, e ua parau i te taata atoa no Iuda, na ô maira, Te na ô maira Iehova sabacta ra, E arotehia Ziona mai te aua ra, e riro hoi Ierusalem e ei puea ana'e, e te mou'a ra i te fare nei, e riro mai to mau vali teitei i to ururau nei. 19 I rave auet to arii o Iuda o Hezekia ia'na e ua taparahi? Aore auet oia i mätä'u ia Iehova, e ua ani maite ia itehia mai e Iehova ra, e ua tatarahapa ihora Iehova i taua ino ta'na i parau mai ia ratou ra? Te hamani ino nei râ tatou ia tatou iho.

20 Tera atoa te hoê toata i tohu mai i te i'oa o Iehova, o Uria a Semaia ra, no Kiriata-kearima; tohu ihora oia i teie nei oire, e teie nei fenua, mai te mau parau atoa a Ieremia ra. 21 Ite a'era taua arii ra o Iehoiakima, e te feia rarahi atoa no'ua ra, e te mau arii atoa ra, i taua mau parau na'na ra, ua titau atura te arii ia'na e taparahi: ite a'era Uria, mätä'u ihora, mau e atura, o tae atura i Aiphiti. 22 Ua tono atura râ te arii ra o Iehoiakima i te taata i Aiphiti, ia Elenatana a Akabora, e na taata eê atoa i te haere-atou-raa i Aiphiti ra; 23 ua oratai maira ratou ia Uria, mai Aiphiti maira, e ua hopoi atura ia'na i te arii ra ia Iehoiakima, ua taparahi atura oia ia'na, i te o'e, e ua huri noa 'tura i tana tino i roto i te tanurua taata rii ra. 24 Tialia muira Ieremia e Ahikama a Saphana, ia ore oia ia tuuhia 'tu i te rima o te taata ia taparahi mai ia'na ra.

Te pau o u tut arii i faaitelia i te zugo e te mau tapoa.

27 I TE matamua o te hau o Iehoiakima a Iocia, arii no Iuda, i tae mai ai teie nei parau ia Ieremia, no ô ia Iehova ra, na ô maira,

2 Ua na ô maira Iehova ia'u, A rave na oe i te ruuruu e te zugo, a como ai i nia i to a'i na; 3 a hapono atu ai i te arii no Edoma, e te arii no Moabi, e te arii o te mau tamarii no Amona, o te arii no Turia, e te arii no Sidona, i to rima o te mau vea i haere mai i Ierusalem nei. i te arii o Iuda, ia Zedekia ra. 4 E poroi atu oe ia ratou i te tahi parau i to ratou ra mau fatu, e na ô atu, Te na ô maira Iehova sabacta ra, te Atua no Iseraela, E ua ô atu outou i to outou ra mau fatu; 5 na'u i hamani i te fenua nei, e te taata, e te puaa atoa i nia i te fenua ra, i te mana no'u, e tau rima i faatorohia ra; e na'u e horoa i ta'u ra taata hinsaro. 6 E teie nei, ua horoahia e au teie atoa nei mau fenua i te rima o tau tavini, i te arii o Babulonia, ia Nebukanesa, e te mau manu atoa o te aru tei horoahia e au, ei tao'a na'na. 7 E te mau fenua atoa te faaroo ia'na, e ta'na tamaiti, e ta'na 'tu hoi tamaiti, e tae noa 'tu i te tau no to'ua ihora fenua: ei reira te mau fenua e rave rahi, e te hui arii rarahi e rave rahi, e titau ai i te tao'a ia'na ra. 8 E te fenua e to basileia e ore e faaroo ia'na ra, i te arii o Babulonia, ia Nebukanesa ra, e eita e horoahia to'na a'i i te zugo o te arii o Babulonia, e ravehia e au te reira fenua i te o'e, e te poia, e te pohe, te parau maira Iehova, e pau roa a'era ratou i tana rima. 9 E tena na, eiaha outou e faaroo i ta outou mau peropheta, e ta ratou feia pifao, e te feia taotooto, e ta outou mau hi'o ätä, e ta outou mau hi'ohi'o, o tei na ô i te parauraa mai ia outou e, Eiaha outou e faaroo i te arii o Babulonia; 10 e haavaro taua tohu na ratou ia outou na, ia tae ä roa outou i to outou fenua, ia tiahia-ä-hia outou e au ra, e ia pohe atu outou.

11 O te fenua râ e tuu mai i tana a'i i te zugo o te arii o Babulonia, e'ua faaroo hoi ia'na, e vaiiho-noa-hia ratou e au i to ratou ihora fenua, ma te hauti-ore-hia 'tu, te parau maira Iehova, e na ratou e faapu, e na ratou e parahi i reira.

12 Ua parau atura vau i te arii o Iuda, ia Zedekia, i taua mau parau atoa nei, na ô atura, Tun mai na i to outou a'i i te zugo o te arii o Babulonia, i te aururua 'tu ia'na e to'na ra mau taata, ia ora. 13 Eiaha outou i hinsaro ai i te pohe, o oe e to mau taata atoa ra, i te o'e, e te poia, o to ma'i pohe ra, mai ia Iehova hoi i parau i te fenua e ore o

auraro atu i te arii o Babulonia? 14 Eiaha hoi outou e faaroo i te parau a te mau peropheta i parau mai ia outou e, tei na ô mai e, Eiaha outou e auraro atu i te arii o Babulonia: haavare ta ratou i tohu mai ia outou na. 15 Te parau maira Iehova, Aore au i tono ia ratou, te tohu haavare noa ra ratou i to'u nei i'oa, ia tiahi-ê-hia 'tu outou e au ra, e ia pohe atu outou, o outou, e taua mau peropheta i tohu mai ia outou na.

16 Ua parau atura hoi au i te feia tahu'a, e te taata atoa ra, na ô atura, Te na ô maira Iehova, Eiaha e faaroo atu i te parau a ta outou mau peropheta, tei tohu atu ia outou ra, i te na ôraa 'tu e, Inaha, te mau farii no te fare o Iehova, e faaho'ihia mai ia i tena na, mai Babulonia mai: haavare hoi ta ratou e tohu atu ia outou. 17 Eiaha e faaroo atu ia ratou; a auraro atu outou i te arii o Babulonia, ia ora: eaha hoi teie nei oire e faanohia 'i? 18 E peropheta ratou ra, e tei ia ratou te parau a Iehova ra, e pure ratou ia Iehova sabaota ra, ia ore ia hopoihia te mau farii i toe i roto i te fare o Iehova, e i roto i te fare o te arii o Iuda, i roto atoa i Ierusaléma, i Babulonia.

19 Te na ô maira hoi Iehova sabaota ra, i te mau pou ra, e te farii-vai-rahi ra, e te mau tiaraa ra, e te toea o te mau farii ra i vaihohia i roto i te oire nei, 20 tei ore i hopoi-atoa-hia e te arii o Babulonia e Nebukanesa ra, a hopoi titi ai oia ia Iekonia a Iehoiakima, e arii no Iuda, mai Ierusalem'a 'tu i Babulonia roa ra, e te feia rarahi atoa no Iuda e no Ierusalem'a ra: 21 Te na ô maira Iehova sabaota ra, te Atua no Iseraela, i te mau farii i toe i roto i te fare o Iehova, i roto i te fare o te arii o Iuda, e i roto i Ierusalem'a; 22 E hopoihia ia i Babulonia, e ei reira ratou vai ai, e tae noa 'tu i te mahana e rave atu ai au ia ratou, te parau maira Iehova; ei reira vau e rave mai ai i te reira, e faaho'i mai i teie nei vahi.

Te tohu haavare a Hanania, e faaho'ihia mai te mau a'ua, e ia Ieremia.

28 TEI taua matahiti ra hoi, i te matamehai o te hau o Zedekia arii no Iuda, i te maha o te matahiti, e te pae o te marama, i parau mai ai Hanania a Azura ra, e peropheta i Gibeona, ia'u i roto i te fare o Iehova, i te aro o te feia tahu'a e te taata atoa ra, na ô maira, 2 Ua na ô maira Iehova sabaota ra, te Atua o Iseraela, i te paraurā mai, na ô maira. Ua ofatihia e au te zugo a te arii o Babulonia. 3 E piti mau matahiti toe e faaho'i mai ai au i te mau farii atoa o te fare o Iehova, ta te arii o Babulonia ta Nebukanesa i hopoi

mai ô nei atu e tae atura i Babulonia. 4 E o Iekonia a Iehoiakima, arii no Iuda, e te mau titi atoa o Iuda, tei tae i Babulonia, ta'u ia e faaho'i mai i teie nei vahi, te parau maira Iehova; e ofati hoi au i te zugo a te arii o Babulonia.

5 Ua parau atura Ieremia peropheta i te peropheta ra ia Hanania, i te aro o te feia tahu'a, e te aro atoa o te taata i tia noa mai i roto i te fare o Iehova, 6 Ua na ô atura te peropheta ra o Ieremia, Amene; ia na reira mai Iehova; ia haapapu mai Iehova i taua parau ta oe i tohu mai ra, ia faaho'i mai â i te mau farii no te fare o Iehova, e te mau titi atoa i Babulonia e tae noa mai â i ô nei.—7 Faaroo mai na râ oe i teie nei parau ta'u e parau atu nei i mua ia oe, e i mua atoa i te taata atoa nei. 8 Te mau peropheta i mutaa ihora, hou vau nei hou hoi oe, mai tahito mai â, ua tohu ia i te mau fenua e rave rahi, e te mau basileia rarahi atoa ra, i te tama'i hoi, e te ati rahi, e te pohe rahi. 9 Te peropheta ia tohu mai i te parau hau ra, ia tupu ra te parau a taua peropheta ra, e itea-maitai-hia 'i taua peropheta ra, e na Iehova mau oia i tono mai.

10 Ua rave atura taua peropheta ra o Hanania i te zugo i nia i te a'i o te peropheta ra o Ieremia, ua ofati ihora. 11 Ua parau atura Hanania i mua i te aro o te taata atoa ra, na ô atura, Te na ô maira Iehova, Mai te reira ta'u ofati i te zugo a te arii o Babulonia a Nebukanesa ra, i nia i te a'i o te mau fenua atoa i eie nei pue matahiti e piti nei. Reva 'tura taua peropheta ra o Ieremia.

12 I reira te taeraa mai o te parau a Iehova ia Ieremia ra, ia oti te zugo i te ofatihia e Hanania peropheta ra i nia i te a'i o te peropheta ra o Ieremia, na ô maira, 13 Haere a parau atu ia Hanania, e na ô atu, Te na ô maira Iehova, Ua ofatihia e oe te zugo raau, ei zugo auri râ ta oe e hamani ei mono mai. 14 Te na ô maira Iehova sabaota ra, te Atua o Iseraela; ua tuu vau i te zugo auri i nia i te a'i o teie nei mau fenua, ia auraro atu ratou i te arii o Babulonia ia Nebukanesa ra; e auraro ratou ia na; e ua horoa atoa 'tu vau i te mau manu o te aru ra na'na.

15 Ua parau atura te peropheta ra o Ieremia i taua peropheta ra ia Hanania, A faaroo mai na, e Hanania; Aore Iehova i tono mai ia oe ra; ua faatihuri râ oe i teie nei feia i nia i te haavare. 16 E teie nei, te na ô maira Iehova, Inaha, teie au a faarue ia oe eiaha oe i nia i te fenua nei; ei teie nei matahiti oe e pohe ai, o oe i parau i te parau faarue ia Iehova. 17 Pohe atura taua peropheta ra o Hanania i taua matahiti ra, i te hitu o te marama ra.

*To hapono nei Ieremia i te leta i te titi
Babulonia ra.*

29 TEIE te parau i te leta a te peropheta ra a Ieremia i hapono mai Ierusalemā 'tu i te toea o te feia paari o te pau ra, e te feia tahu'a e te mau peropheta, e te taata atoa, i hopoi-titi-hia e Nebukanesa i Babulonia mai Ierusalemā 'tu; 2 i muri a'e i te reva-raa o te arii ra o Iekonā, e te arii vahine, e te mau eunuka, e te mau arii atoa o Iuda, e to Ierusalemā, e te feia rave ohipa, e te mau tupa'i auri, mai Ierusalemā 'tu; 3 i te rima o Elasa a Saphana, e o Gemaria a Hillkia rā, i ta te arii o Iuda ta Zedekia i faatonō i Babulonia, i te arii o Babulonia ia Nebukanesa ra, na ō a'era.

4 Te na ō maira Iehova sabaota ra, te Atua o Iseraēla, i te mau taata atoa no te pau ra, i ta'u i faaue ia hopoi-titi-hia i Babulonia mai Ierusalemā 'tu nei; 5 E faatia outou i te fare, a parahi ai i roto; e ō hoi i te ō, a amu ai i te ma ia tupu ra. 6 E rave i te vahine, e faa-faamautama i te tamarīi tamaroa, e te tamahine; e rave hoi i te vahine na ta outou mau tamarīi, e horoa hoi i ta outou mau tamahine na te tane, ia fanau mai hoi ta ratou i te tamaroa e te tamahine; e ia rahi hoi outou i reira, eiaha ia iti. 7 E imi hoi outou i te hau no taua oire ra tei hopoi-titi-hia outou e au ra i reira, e e pure hoi outou ia Iehova i te reira; o to te reira hau, o to outou atoa ā ia hau.

8 Te na ō maira Iehova sabaota ra, te Atua o Iseraēla; Eiaha ta outou mau peropheta i roto ia outou ra, e ta outou feia pifao e haavare mai ia outou, eiaha hoi outou e faaroo i to outou feia tātotoo, ta outou e faataoto ra. 9 E haavare hoi ta ratou tohu i to'u nei i'oa; aore au i tono ia ratou, te parau maira Iehova.

10 Te na ō maira hoi Iehova, Ia hope na matahiti e hitu ahuru i Babulonia ra, e ite atu ai au ia outou, e faatupu vau i tau parau maitai ia outou i reira, i te aratai-faahou-raa mai ia outou i ō nei. 11 Ua ite hoi au i te opua ta'u i opua ia outou nei, te parau maira Iehova. E opuaraa hau ia, e ere i to te ino; ia horoa 'tu vau i ta outou i tiatūri ra, i to outou hopea. 12 E riro outou i te tisoro mai ia'u, e haere hoi outou e pure mai ia'u, e na'u e faaroo atu ia outou. 13 E imi mai hoi outou ia'u, e e itea vau e outou, ia imi mai outou ia'u ma te aaū atoa ra. 14 Te na ō maira Iehova, E itea vau e outou; e ruri ē au i taua pau no outou ra, e haaputupu mai au ia outou mai te mau fenua atoa mai, e mai te mau vahi atoa mai i ti-hihia 'tu ai outou e au ra, te na reira

mairā Iehova; e aratai faahou mai au ia outou i taua vahi i tuu atu ai au ia outou ia hopoi-titi-hia ra.

15 Ua parau mai hoi outou e, Ua faatupu iho nei Iehova i na peropheta na tatau i Babulonia nei:

16 Te na ō maira Iehova i te arii e parahi i nia i te terono o Davida, e te mau taata atoa e parahi i teie nei oire, i to outou mau taeeae aore i reva atoa i tena na titiraas ra: 17 Te na ō maira Iehova sabaota ra, Inaha, teie au a haponō atu i te 'o'e i nia ia ratou, e te poia, e te ma'i; e faariro vau ia ratou mai te suke ino roa ra, tei ore e tia ia amu i te ino. 18 E aruaru atu vau ia ratou i te 'o'e, e te poia, e te ma'i; e tuu atu vau ia ratou i te ahoaho, i te mau basileia atoa i te ao nei, ei tuhiraas, e ei maereras, e ei tāhitoraa, e ei faainoraa, i te mau fenua atoa ra, tei tihihia 'tu ratou e au ra: 19 ratou aore i faaroo mai i ta'u nei parau, te parau maira Iehova, ia'u hoi i tono atu i tau mau tavini i te mau peropheta, ma te tia vave hoi i te poi-poi roa e te tonoraa 'tu, mai ia outou atoa aore i faaroo ra, te na reira maira Iehova.

20 E tena na, e faaroo mai outou i te parau a Iehova, e to te pau atoa ra, tei tuuhia e au i Babulonia mai Ierusalemā 'tu nei. 21 Te na ō maira Iehova sabaota ra, te Atua no Iseraēla, ia Ahaba a Kolaia ra, e ia Zedekia a Maaseia, tei tohu atu ia outou i te parau haavare i to'u nei i'oa ra; Inaha, e tuu atu vau ia raua i te rima o te arii no Babulonia, ia Nebukanesa ra; e na'na raua e taparahi i mua i to outou mata: 22 e faarirohia hoi raua ei tuhiraas na te mau titi atoa o Iuda i Babulonia ra, i te na ōraa e, Ia faarirohia oe e Iehova mai ia Zedekia, e mai ia Ahaba, o tei tunuhia e te arii o Babulonia i te auahi ra: 23 no te mea, ua rave raua i te parau iho i Iseraēla nei, e ua faaturi i te mau vahine a te taata-tupu ra, e ua parau i te parau ino i to'u nei i'oa, aore hoi au i parau atu ia raua; ua ite hoi au, o vau iho te ite, te parau maira Iehova.

24 E na ō atoa 'tu oe ia Semaia, Nehelemi ra, e na ō atu, 25 Te na ō maira Iehova sabaota ra, te Atua o Iseraēla, na ō maira, No te mea ua haponō oe i te mau leta ma to ge iho i'oa, i te mau taata atoa i parahi i Ierusalemā, e ia Zephania a Maaseia tahu'a ra, e te mau tahu'a atoa ra, i te na ōraa e, 26 Ua faariro Iehova ia oe ei tahu'a ei mono ia Iehoiada tahu'a ra, ia riro outou ei feia toroa i te fare o Iehova, o te maamaahia hoi te hoē taata 'tu, e o te parau ia'na iho. e peropheta, ia hopoi atu oe ia'na i te fare tapeara ra, e ia mau roa oia ra. 27 E tena na, eaha oe i ore i a'o atu ai ia Ieremia i Anatota, o

tei faariro ia'na iho ei peropheta i roto ia outou na? 28 No to mea, ua hapono mai oia i te parau ia matou i Babulonia, i te na o'raa mai e, E maoro; e patu outou i te fare, a parahi ai i roto; o o hoi i te o, a amu ai i te maa ia betu mai. 29 Ua-taio ihora te tahu'a-ra o Zephania i te leta i te aro o te peropheta ra, o Ieremia. 30 I tao mai ai te parau a Iehova ia Ieremia, i te na o'raa mai e, 31 A tono atu i to te pau atoa ra, e ana o atu, Ua na o maira Iehova ia Semaia, Nehelemi ra; No to mea ua rohu atu Semaia ia vutou-na, a aore oia i tonohia 'tu e au ra, e no'na outou i tiaturi ai i te parau haavare ra: 32-te na o maira Iehova, Inaha, e tahoo atu vau ia Semaia, Nehelemi ra, e to'na atoa ra huani, e ora roa te ho'o o to'na ra fetii i te parahiraa i roto i te taata atoa nei; e ore hoi oia e i te maitai tu'u e rave i to'u nei mau tanta, te parau maira Iehova; no te mea ua parau oia i te parau faanevaneva ia Iehova nei.

Te faalla nei to Atua ia Ieremia i te ho'raa o te maa titi.

30 TE parau no o ia Iehova ra i te taerua mai ia Ieremia ra, na o maira,

2 Ua parau maira te Atua o Iseraela, o Iehova, na o maira, A papai oe i te mau parau atoa ta'u i parau atu ia oe ra i roto i te buka. 3 Inaha hoi, te fatata maira te tau, te na o maira Iehova, e ruri e ai an i te titiraa o to'u ra taata, ia Iseraela e ia Iuda, te parau maira Iehova; e aratai fashou mai au ia ratou i te fenua i horoahia e au i to ratou mau metua ra, e na ratou o parahi.

4 Teie hoi te parau ta Iehova i parau ia Iseraela e ia Iuda.

5 Te na o maira Iehova, E re'o ruru-taina tei itea e tatou; o horuhoru teie e vai nei, sore e hau. 6 A ui na, a hi'o, e fanau mai anei hoi te tane? eaha ra hoi au i ite ai i te taata atoa, mai te rima i te faeareaa i nia i te tauupu, mai toi te manui fanau ra, e te mau mata atoa i te purautearua? 7 Au'i o mahana rahi taua mahana ra, aita roa e faito; o te anotau ahahoa ia no Iakoba, e ora ra oia i taua mahana ra. 8 Ia tae i taua mahana ra, te parau maira Iehova sabautu ra, e ofati ai au i to'na zugo i nia i to a'i na, e to mau ruuruu ra e hahae-faataa-g-hia e au; e ore hoi te feia taata e'u ra e haapao fashou mai ia'na. 9 E auraro hoi ratou i to ratou Atua ra ia Iehova, e to ratou arii ia Davida, ta'u e faatia i nia no ratou ra.

10 E tena na, eiala oe e ma'ta'u, e tau tavini, e Iakoba, te parau maira Iehova; e eiala hoi oe o ma'ta'u, e Iseraela e; inaha hoi, na'u oe e faaora i

te atea g ra, e to huani mai te fenua mai i titi ai ratou ra; e noaa hoi to Iakoba faearean; o parahi atea hoi oia ma te ora, e aore e tanta e haamata'uta'u mai. 11 Te na o maira hoi Iehova, E i pihai atea iho vau ia oe e faaora ia oe; e faahope roa vau i te mau fenua atoa tei haapurarahia 'tu oe e au ra, eita vau e rave faahope ia oe e a'o mama noa 'tura vau ia oe, e ore e faasano roa ia oe.

12 Te na o maira Iehova, E paruparu rahi to oe, e ma'i rahi to oe; 13 Aore roa te tahi i faatia i te parau no oe ia faaorahia oe; aore o oe e raau e ora 'i. 14 Ua haamoeluta oe e te feia i hinsaro ia oe ra; aore hoi ratou i imi ia oe; na tairi hoi au ia oe i to tairi o te enemi, o to a'o u'ana rahi roa, no te rahi o ta oe ra parau ino, e ta oe ra mau hara rahi ia ta'o ra. 15 Eaha oe i-to ai i to oe ra paruparu? eita taua paruparu no oe ra e-tia ia faaora; no te rahi o ta oe ra parau ino, e ta oe ra mau hara rahi ia ta'o ra, i na reira 'tu ai au ia oe ra. 16 O te feia ra i pau ai oe ra, e pau atoa ia, e hope roa hoi to mau enemi i te faatitihia; e te feia i pau ai ta oe ra tao'a, e riri atoa ta ratou ei tao'a pau; e o tei haru ia oe ra, o tei horoahia ia e au ia pau i te haru. 17 E fasho'i mai hoi au i te ora no oe, e na'u e faaora i to mau paruparu, te parau maira Iehova; parau noa 'i ratou ia oe, E mea faaruehia, o Ziona teie aore i haapaohia e te taata atoa ra.

18 Te na o maira Iehova, Inaha, e ruri e au i te titiraa o te mau tiabapa o Iakoba ra, e to'na ra mau parahiraas to arohahia e au; e patuhia hoi te oire i nia i to'na ihora mou'a, e faatiahia te fare arii o te huru tahito ra te huru. 19 E no roto ia ratou ta haamaitai i te purorora mai, e te re'o no te feia oora ra; e na'u hoi ratou e faarahi, e ore ia ratou e iti; e na'u ratou e faatura 'tu, e ore ia ratou e varavara. 20 E riro hoi ta ratou mau tamarii ra mai tei mutaa ihora, e haamauhia to ratou amuiraa i mua ia'u nei, e te feia i hamani ino mai ia ratou ra, na'u ia o rave. 21 E to ratou arii no; to ratou iho ia fetii. ... to ratou tavana no roto a ia ratou iho i te tupurua; e na'u oia e faatae mai, ia haafatata mai oia ia'u nei; o vai hoi tei faatae mai i to'na iho au ia haafatata mai ia'u nei? te parau maira Iehova. 22 E ei taata outou no'u e ei Atua vau no outou. 23 Inaha, te pua-hi'ohi'o a Iehova to reva 'tura ma te u'ana, e pua-hi'ohi'o pau rahi roa; ei nia i te upoo o te paieti ore e mairi u'ana 'i. 24 E ore te riri o Iehova e hoi mai, e ia hope roa tei opuahia e tana au i te faatupuhia, ia tae i to anotau hopea ra, e ite papu ai outou i teie nei parau.

To Iseraela ho'iraa mai, e te faalleraahia ra.

31 IA tae i te reira tau, te parau maira Iehova, e riro ai au ei Atua no te mau fetii atoa o Iseraela, e ei taata hoi ratou no'u.

2 Te na ô maira Iehova, te mau taata, i toe i te 'o'e ra, i ite-aroha-hia i te medebara; o Iseraela ra ia'u i haere e faaau i to'na ra faacaraan. 3 Itehia mai au e Iehova mai tahito mai â, i te na *Sraahia mai e*, Ua herehia oe e au i te hereraa mure ore ra; i faatae mai ai au ia oe i te aroha hamani maitai ra.

4 E patu faahou vau ia oe, e e patuhia oe, e te paretienia ra e Iseraela; e faa-unaunahia oe ma te tophe na oe ra, a haere atoa 'i i te oriraa a to feia caoa ra. 5 E tanu faahou â oe i te ô vine i nia i te mau mou'a i Samaria; a tanu, e te feia tanu, e a amu noa ai outou i *tei hutu ra*. 6 Ua tae hoi i taua mahana ra, e pii te mau faahou i nia i te mou'a ra i Epheraima; A tia, e haere tatou i Ziona, i to tatou Atua ra, ia Iehova.

7 Ua na ô maira hoi Iehova, A himene ma te caoa ia Iakoba, a pii i rotopu i te feia rarahi o te mau fenua ra; e faaite hua outou, haamaitai â outou, e na ô e, E faaora, e Iehova, i to oe taata, i te toea o Iseraela. 8 Inaha, e aratai mai au ia ratou mai te fenua i te pae i apa-toerau, e haaputupu tu mai au ia ratou mai te mau hopea mai o te fenua ra; o ratou, e te matapo, e te pirloi atoa ra, e te vahine hapu, e tei rochia-atoa-hia e te mau iui ra; e feia rahi te ho'i mai i ô nei.

9 Inaha, e haere mai ratou ma te oto, e ma te pure atoa ra ratou ia aratai mai au; e aratai au ia ratou i te pape rii tahe ra, i na te e'a manina, e ore ia ratou e turori i reira; ua riro hoi au ei metua no Iseraela, e o Epheraima, o to'u ia matahiapo.

10 Faaroo mai i te parau a Iehova, e te mau fenua e, e faaite outou i te mau fenua roa ra, a na ô atu ai, O tei haupurara ia Iseraela, na'na ia e haaputu ia'na, e na'na oia e tiai, mai te tini mamoe ra e *tiai* i ta'na ra nânâ. 11 Ua faaora hoi Iehova ia Iakoba, e ua hoo-hia oia e ana i te rima o tei rahi te puai i to'na ra. 12 E haere mai hoi ratou, e himene hoi ratou i te mau vahii teitei i Ziona, e tairürü noa mai ratou i te hamani maitai a Iehova, i te sitona, e te uaina api, e te hinu olive, e te mau fanau'a o te nânâ e no te mau puatoro; e riro hoi to ratou varua mai te ô i rari-maitai i te pape ra, e ore hoi ratou e oto faahou i te poua.

13 Ei reira te paretienia e caoa 'i i te oriraa, e te taata api, o tei paari atoa ra; e faariro hoi au i to ratou oto ei caoa, e haamahanahana hoi ia ratou, e faarearea hoi ia ratou i to ratou oto ra. 14 E hanfii hoi au i to

varua o te feia tahu'a i te me'i, e paia tau mau taata ia'u i te maitai na'u ra, te parau maira Iehova.

15 Te na ô maira Iehova, E re'o tei itea i Rama, te mihi, e te oto rahi roa; o Rahela, i te otoraa i ta'na tamarii, e eita e nâ, no te mea, aita nei ratou. 16 Te na ô maira Iehova, A faaea na to re'o i te oto, e to mata i te roimata na; te na ô maira Iehova, e faautuahia hoi ta oe chipa, e e ho'i mai ratou mai te fenua o te enemi mai. 17 Te vai na te tiaturiraa tei to oe hopea, te na reira maira Iehova, e ho'i mai hoi to mau tamarii i to ratou ihora fenua.

18 Ua faaroo hoi au ia Epheraima i te otoraa ia'na iho; *ua na ô a'era*, Ua a'o mai oe ia'u, e ua a'ohia vau, mai te puatoro aore i haamatarohia ra; e faafariu oe ia'u, e ua faafariuhia ia vau i *reira*, o oe hoi tau Atua, o Iehova.

19 E faafariuhia a'era vau, ua tatarahapa ihora vau; e ia haapiihia vau ra, ua papai ihora vau i tau humaha. Haama a'era vau, e mahehea a'era, no te mea tei nia ia'u te faaino i tau apiraa ra. 20 O tau tamaiti here anei Epheraima? e tamaiti hinaoro-rahi-hia anei oia? e ua parau ana'e au ia'na, ua riro faahou atura tau mana'o i te pepurua 'tu ia'na; e teie nei, ua horuhoru tau aau ia'na; e aroha 'tu â vau ia'na, te na reira maira Iehova.

21 A faatia na i te tapao e'atia ra, ei raaui roa te faatia; a fariu na i to aau i te e'a e haerehia ra; na te e'a ta oe i haere ra, na reira te ho'i; e te paretienia ra e Iseraela, a ho'i i te mau oire no oe ra. 22 Mai te aha te maoro o tena na faapiti, e tera ra tamahine taiva? te rave nei hoi Iehova i te tahi mea api i te ao nei, e horo te taata puai i te vahine.

23 Te na ô maira Iehova sabaota ra, te Atua o Iseraela, E parau faahou ratou i teie nei parau i te fenua o Iuda, e i to'na ra mau oire, ia ruri ê au i to ratou titiraa ra, Ia ora na oe ia Iehova, e tera ra parahiras *no te feia* parau-tia ra, e tera ra mou'a *no Tei Mo'a* roa ra.

24 O Iuda te parahii i reira, e i roto i te mau oire atoa i reira; te feia faaapu e te feia atoa i tiai i te nânâ puatoro ra. 25 Ua faaanaanaea hoi au i te varua poihi ra, e ua haamaha hoi au i te mau varua i oto ra. 26 Ua ara a'era au i reira, e ite atura vau; e ua aa maite a'era taua taoto no'u ra.

27 Inaha, te fatata maira te anotau, te parau maira Iehova, e faarahi itua ai au i te taata e te puai i te utu-fare o Iseraela, e to utuufare o Iuda. 28 E riro hoi mai ia'n i tiai ia ratou, ei iriti, e ei vavahi i raro, e ci huri-tumu, e ci faaore, o ci haapohe; e tiai atoa vau ia ratou, ei patu faahou, e ci tanu faahou, te na reira maira Ie-

hova. 29 Ia tae i te reira anotau, e ore ratou e parau faahou e, Ua amu te mau metua i te vine avaava, e ua mania te niho o te tamarii; 30 e pohe rā te taata atoa i ta'na ihora hara; te taata atoa i amu i taua vine avaava ra, to'na iho te niho e mania ra.

31 Te parau maira Iehova, Inaha, te fatata maira te anotau, e faaau ai au i te utuafare o Iseraela, e te utuafare o Iuda, i te tahi faufaa api; 32 eiaha mai te faufaa ta'u i faaau atd i to ratou ra mau metua, i te mahana i rave atu ai au i to ratou rima, ia aratai mai au ia ratou mai te fenua ra i Aiphiti; e ua ino ihora taua faufaa na'u ra ia ratou, i haapao noa 'i au ia ratou mai te tane ra, te na reira maira Iehova. 33 Teie rā te faufaa ta'u e faaau atu i te utuafare o Iseraela; te na ô maira Iehova. Ia oti a'e te reira anotau, e tuu vau i tau ture i roto ia ratou, e papai au i te reira i-roto i to ratou au; e e riro vau ei Atua no ratou, e ei taata hoi ratou no'u. 34 E ore hoi ratou e haapii faahou, o te taata o to'na iho taata-tupu, o te taata o to'na iho taeae, i te na ôraa 'tu e, Ia ite hoi outou ia Iehova; e ite paoata hoi ratou ia'u, o tei haehaa e o tei rahi, te parau maira Iehova; e faa-ore hoi au i ta ratou hara, e ore au e mana'o faahou i to ratou ino.

35 Te na ô maira Iehova, o tei haapao i te mahana ei maramarama no te ao, e te haerea o te marama e te mau fetia ei maramarama no te po; o tei hamanino mai i te miti ia haruru to'na are ra; o Iehova sabaota to'na i'oa; 36 I mou tele nei mau peu e sifa ra i mua ia'u nei, te na reira maira Iehova, ei reira atoa e mou ai te huaa'i o Iseraela e ore atura e parahia ei fenua i mua ia'u nei e a muri noa 'tu. 37 Te na ô maira Iehova, Ia tia te ra'i i nia ra ia faito, e i'itea te tumu o te fenua nei ia imi, ei reira vau e faarue ai i te huaa'i atoa o Iseraela, no te mau mea atoa ta ratou i rave ra, te parau maira Iehova.

38 Te na ô maira Iehova, Inaha, te fatata maira te tau, e patu-faahou-hia 'i no Iehova te oire nei, mai te pare o Hanameela, e i te opani i te poro aua ra; 39 e tatala-hia te leni faito ra, i te taitaiforaraa na nia i te aivi ra o Gareba, e haatathia Goata. 40 E taua peho taata pohe atoa ra e te rehu ahi, e te mau aua atoa e tae noa 'tu i te pape ra i Kiderona, e tae noa 'tu i te poro aua i te uputa puahorofenua i te pae i te hitia o te rā ra; e mo'a ia no Iehova, e ore e taihitumuhia, e ore hoi e huri-faahou-hia i raro e a muri noa 'tu.

O Ieremia i te tapearaha e te arti ra o Zedekia.

32 TE parau i tae mai ia Ieremia no ô ia Iehova ra, i-te matahiti hoé ahuru o te arii ra o Zedekia, e arii no Iuda; i te ahuru ra e ma vau o te matahiti o Nebukanesa ra.

2 Te haasti hua ra te nuu o te arii o Babulonia ia Ierusalemia i reira, te tapeahia ra te peropheta ra o Ieremis i roto i te aumoa o te tapearaa ra, no te utuafare ra o te arii o Iuda. 3 Ua tapeahia hoi oia e te arii o Iuda, e Zedekia, na ô atura, Eaha hoi oe i tohu ai, e i na ô mai ai e, Te na ô maira Iehova, Inaha, teie au a tuu atu i teie nei oire i roto i te rima o te arii o Babulonia, e pau hoi teie nei oire ia'na? 4 E ore hoi te arii o Iuda ra o Zedekia e ora i te rima o te Kaladaio, e tuu-mau-hia rā oia i te rima o te arii o Babulonia, e parau atu oia ia'na to'na vaha i to'na vaha, e na to'na mata e hi'o atu i to'na 'tu mata. 5 E na'na e hopoi ia Zedekia i Babulonia, e ei reira oia vai ai e ia tiihia 'tu e au ra, te parau maira Iehova. Tama'i noā outou i te Kaladaio, e ore ā to outou hinaaro e tupu.

6 Ua na ô maira Ieremia, i tae maira te parau a Iehova ia'u nei, na ô maira, 7 Inaha, Hanameela a Saluma, te taeae o to metua na, te haere maira ia oe ra, e riro hoi i te parau mai e, E hoo oe i te aua na'u i Anatota, i te ture hoi i te hoo-faahou-raa ra, e au ia ia oe ia hoo ra. 8 Ua haere maira Hanameela, e tamaiti na te taeae o to'u ra metua, ia'u nei, ta Iehova hoi i parau maira, i te aumoa o te fare tapearaa ra, e ua na ô maira ia'u, E hoo oe i te aua na'u i Anatota, i te fenua o Beniamina; taua tufaa ra hoi, e te hoo atoa nei au ia ia oe ia hoo; e hoo oe na oe iho. Ite a'era vau e, na Iehova ia parau. 9 Hoo atura vau i taua fenua ra i Anatota ia Hanameela, i te tamaiti a te taeae a tau metua ra, e ua tuu atura vau i te moni, hoé ahuru ma hitu i te sekela ario. 10 Papihia ihora te parau na'u e ua pihia ihora, e faataa ihora vau i te ite ei ite, e ua faito ihora vau i te moni i roto i te faito. 11 Ua rave ihora vau i te parau hoo ra, i tei pihia ra ma te au i te ture ra e te haapaoraa, e tei ore i pihia. 12 Ua tuu atura vau i taua parau hoo ra ia Baruka, a Nefia, a Maaseia, i te aro o Hanameela, i te tamaiti a te taeae o tau metua ra, e i mua atoa hoi i te aro o te fetia i te ra, tei papihia i roto i te parau hoo ra, e i mua atoa hoi i te aro o te mau ati Iuda atoa ra, tei parahi i roto i te aumoa o te tapearaa ra. 13 E ua a'o atura vau ia Baruka i mua i to ratou aro, na ô atura, 14 Te na ô maira Iehova sabaota ra, §

Atua o Iseraela, A rave na i na parau i papahia nei, i teie nei parau hoo, tei piahia e tei ore i piahia, a tuu ai i roto i te hoé farii repo, ia vaiiho taiata e ia rahi noa 'tu te mahana. 15 Te na ô maira hoi Iehova sabaota ra, te Atua o Iseraela, E noaa faahou mai â te fare, e te aua, e te ô vine, i teie nei â fenua.

16 Pure atura vau ia Iehova, i muri a'e i te parau hoo i te tuuraahia e au ia Baruka a Neria ra, e ua na ô atua, 17 E te Fatu e, e Iehova! inaha, na oe te ra'i nei i hamani, e te fenua, i te mana rahi no e ra, e to rima i faatorohia ra; aita roa e mea e ore i te oti ia oe; 18 o tei aroha noa i te taata e tausani noa 'tu, e o tei tahoo i te hara a te metua ra i nia i te tamarii tei na muri mai i te fanau ra; o Tei Rahi, o te Atua Puai, o Iehova sabaota ra, to'na i'oa: 19 o tei rahi ia parau ra, e te rave rau ra, o tei araara noa te mata i nia i te mau haerea atoa o te taata nei, ia faaau oia i te utua na te taata atoa ia au maite i tana haerea, ia au i te hopea o ta'na ra parau: 20 o tei faaite i te tapao e te ravea taa ê i te fenua ra i Aiphiti, e tae roa a'enei i teie nei mahana, e ia Iseraela atoa nei, e te taata atoa ra; e ua noaa ia oe te i'oa mai tei teie nei mahana: 21 e ua aratai mai oe i to mau taata ia Iseraela mai te fenua maira mai Aiphiti, ma te tapao, e te ravea taa ê, e ma te rima puai, e te rima faatorohia ra, e ma te riarahia rahi; 22 e ua horoa i teie nei fenua no ratou, ta oe i tãpũ atu i to ratou mau metua e e horoa no ratou, e fenua tahe pape noa te ũ e te meli. 23 E ua tomo ratou i taua fenua nei, e ua parahihia e ratou; aita rã ratou i faaroo i to re'o, aore hoi i haapao i ta oe ture; e te mau mea atoa ta oe i faaue ia ratou e rave, aore ia ratou i rave; i tuu mai ai oe i teie nei mau ino ia iri i nia ia ratou. 24 Inaha, ua tae ta ratou ravea i te oire e rave, e ua tuuhia te oire i te rima o te Kaladaio e aro maira, no te 'o'e, e no te poia, e no te ma'i; e ta oe hoi i parau ra ua tupu ia, e, inaha, te ite ra hoi oe. 25 Ua parau maira oe ia'u e, e te Fatu, e Iehova; E hoo oe i te aua i te moni, e faataa hoi i te ite ei ite; e inaha, ua horoahia te oire i te rima o te Kaladaio.

26 I reira te parau a Iehova i te taeraa mai ia Ieremia ra, na ô maira, 27 Inaha, o vau o Iehova, te Atua no te taata atoa nei; te vai atura anei te mea e ore e tia ia'u ia rave ra? 28 E teie nei, te na ô maira Iehova, Inaha, e horoa vau i teie nei oire i te rima o te Kaladaio, e te rima o te arii o Babulonia, o Nebukanesa ra, e pau teie nei oire ia'na. 29 E na te Kaladaio e aro mai i teie nei oire e tomo, e tutui hoi i

teie nei oire i te auahi, e ia ama 'tu, e te mau fare atoa, tei tutuihia e ratou te mea no'ano'a na Baala i nia ihora. e ua ninii hoi i te tusia inu na te mau atua êê, ia ooo atu vau ra. 30 Rave noa na hoi te tamarii a Iseraela, e te tamarii a Iuda, te mea ino ana'e ra i mua ia'u nei, mai to ratou apiraa mai â; o te faaooo ana'e ra ta te tamarii a Iseraela i rave i to ratou rima ia'u nei, te parau maira Iehova. 31 Tau riri e te ooo ana'e ra ta teie nei oire i faatupu iho nei, mai te mahana mai â i faatia 'i ratou i taua oire nei, e tae noa a'enei i teie nei mahana, ia faataa-ê-hia i tau mata nei, 32 I te mau parau iino atoa hoi a te tamarii a Iseraela, e te tamarii a Iuda, ta ratou i rave ei faaooo mai ia'u, ratou e to ratou mau arii, e te pũpũ arii atoa ra, e te feia tahu'a, e te mau peropheta ra, e te taata atoa o Iuda, e to Ierusalem. 33 Ua fariu mai hoi ratou i to ratou tua ia'u nei, aore te aro; e ia'u hoi i haapii ia ratou ma te tia vave i te poipoi e te haapiiraa 'tu, aore roa te hoé i faaroo mai a farii mai ai i te a'o ra. 34 E ua faatia mai ratou i te mea faufau i roto i te fare i mairihia i to'u nei i'oa, ia viivii atu. 35 E ua faatia ratou i te mau vahii teitei i ô Baala, i te peho o te tamaiti a Hinoma, ei faataeraa 'tu i ta ratou mau tamaroa e ta ratou mau tamahine ia Moloha, tei faaore-roa-hia e au, no te mea tia ore ia'u nei; rave ihora ratou i te reira parau faufau ia harahia Iuda.

36 I teie nei rã, te na ô maira te Atua o Iseraela, o Iehova, i teie nei oire, ta outou e parau na e, Ua tuuhia 'tu i te rima o te arii o Babulonia, i te 'o'e, e te poia, e te ma'i; 37 Inaha, e haaputu mai au ia ratou mai te mau fenua atoa mai i tiahihia 'tu ai ratou e au i taua riri no'u ra, i te ooo rahi no'u ra, e taus tairoiro no'u ra; e aatai faahou mai au ia ratou i teie nei vahii, e haaparahi au ia ratou i ô nei ma te ora. 38 Ei taata hoi ratou no'u, e ei Atua vau no ratou. 39 E horoa 'tu vau i te aau hoé, e te parau hoé na ratou, ia mātā'u tamau mai ratou ia'u, ia maitai ratou, e ta ratou mau tamarii a muri a'e. 40 E fafau vau i te faufaa mure ore ia ratou, e ore hoi au e ruri ê i to ratou ra huaai, ia hamani maitai rã vau ia ratou; e tuu hoi au i te mātā'u ia'u i roto i to ratou aau, e ore hoi ratou e faarue mai ia'u ra. 41 E ocaa vau i nia ia ratou i te hamani-maitai-raa 'tu ia ratou, e tanu mau vau ia ratou i ô nei, ma tau aau atoa, e ma tau varua atoa. 42 Te na ô maira hoi Iehova, Mai ia'u i hopoi mai i teie nei ino rahi i nia i teie nei mau taata, e hopoi atoa mai hoi au i te mau maitai atoa ta'u i parau ia ratou ra. 43 e hoohia te mau

ana i teie nei fenua, ta outou e parau na e. Ua ano, nita e taata, aita hoi e puua; ua tuuhia 'tu i te rima o te Kaladaio. 4 E aua ana'e ta te taata nei e hoo i te moni, e te parau atoa i te papairahia, e te piaraa, e te faataaraa i te ite ei ite, i te fenua o Beniamina, e i pihai atoa iho Ierusalem, e te mau oire o Iuda, e te mau oire i te fenua aivi, e te mau oire atoa i te vahī papu, e te mau oire i te pae i apatoa; e ruri ē hoi au i to ratou tītiraa, te na reira maira Iehova.

Te faaite nei te Atua i te tīti, e faaho'i-maitai-hia mai d.

33 TAE faahou maira te parau a Iehova ia Ieremia, o te piti ia o te taeraa mai, te tapea-noa-hia ra oia i roto i te aumoa o te tapearaa ra, na ō maira,

2 Te na ō maira Iehova, o tei faatupu i te reira ra, o Iehova o tei rave i te reira ia haamaubhia ra; o Iehova to'na i'oa; 3 E tiaoro mai ia'u, e na'u e parau atu ia oe, e e parau rahi ta'u e faaite atu ia oe, e te mea moe aore i itea e oe ra. 4 Te na ō maira hoi te Atua o Iseraēla, o Iehova, i te mau fare o teie nei oire, e te mau fare o te arii o Iuda, tei parari i te mau ravea tama'i e te 'o'e, 5 O te feia i tii mai e aro ia ratou, o te Kaladaio, e na ratou e faa'i i te reira i te pera o te taata nei; i tei tāirihia e au i tau riri nei e te tairoiro no'u nei, e no ratou atoa te ino i purou ai au i tau mātā i teie nei oire. 6 E inaha, te hopoi mai nei au i te maitai, e te ora, e na'u ratou e faaora, e faaite hua'itu vau i te hau rahi no ratou e te parau mau. 7 E na'u e ruri ē i to Iuda tītiraa e te tītiraa o Iseraēla; e patu faahou vau ia ratou mai tei mutaa ihora. 8 E tamā vau ia ratou i to ratou mau ino atoa ra i hara 'i ratou ia'u nei; e faaore hoi au i te ratou atoa ra mau hara i hara 'i ratou ia'u nei; i haapi'o noa 'i ratou i ta ratou parau ia'u nei. 9 E riro te reira ei i'oa caoa ia'u nei, e te haamaitai, e te hanahana i te fenua atoa nei e ati noa "e, ia ite ratou i te maitai ta'u e rave no ratou ra; e riro ratou i te mātā'u e te rurutaina i tau mau maitai ra, e te tao'a rahi atoa ta'u e imi no ratou ra. 10 Te na ō maira Iehova, Eī teie nei ā vahī, ta outou e parau na e, Ua ano, aore e taata e aore hoi e puua; i te mau oire o Iuda nei, e te mau aroā i Ierusalem, tei vai taata ore noa ra e aore roa, aore roa hoi e taata ia parahi, e aore hoi e puua; 11 e itea ia te re'o caoa e te re'o faaarearea, te re'o o te tane faaipopo api e te re'o o te vahine faaipopo api, te re'o o te feia i parau e, E haamaitai ia Iehova sabaota ra, e maitai hoi to Iehova, e tia hoi to'na

aroha i te vai-maita-raa; e to te feia i hopoi mai i te tusia licannaitai i te fare o Iehova; e faaho'i mai hoi au i te tīti o teie nei fenua mai tei mutaa ihora, te parau maira Iehova. 12 Te na ō maira Iehova sabaota ra, E riro faahou i teie nei vahī i tei ano nei, e aore e taata, o aore hoi e puua, e te mau oire atoa nei, e parahiraa ia no te feia tiai mamoe, e te auaraa nānā ra. 13 E te mau oire no te fenua aivi, e te mau oire no te vahī papu, e te mau oire no te pae i apatoa, e te fenua o Beniamina, e te mau vahī i pihai iho i Ierusalem, e te mau oire atoa i Iuda ra, e na reira te mau nānā i te haere, e te haapaoraa a te taata i taio ia ratou ra, te parau maira Iehova.

14 Te na ō maira Iehova, Inaha, te fatata maira te tau e faatupu ai au i taua mea maitai ra ta'u i faaite i te utuafare o Iseraēla, e te utuafare o Iuda. 15 I taua mau mahana ra, e te reira anota'u e faatupu ai au, no te huai o Davida, i te ohi parau-tia ra, e na'na e faatupu i te parau au e te parau-tia i te fenua nei. 16 Ia tae i te reira tau e ora 'i Iuda, o parahi mai hoi Ierusalem ma te ora; *teie hoi te 'o'a e mairihia no'na, o IHEOVA TA RATOU PARAU-TIA RA.*

17 Te na ō maira hoi Iehova, Eita roa Davida e ere i te huai ei parahi i nia i te terono i te utuafare o Iseraēla; 18 e ore hoi e ere i te taata tahu'a ati Levi, i te hopoira'a i te tusia taauahi i mua ia'u nei, e te tutuiraa i te tahi pae i te tusia amu; e te hopoi tamau-maita-raa i te tusia ra.

19 Te parau a Iehova i tae mai ia Ieremia ra, na ō maira,

20 Te na ō maira Iehova, Ia tia ia outou ia faaore mai i ta'u nei faufaa i te ao nei, e ta'u nei faufaa i te rui nei, e eiala noa 'tu ei ao e te rui i muri a'e; 21 ei reira ta'u faufaa i tau tavini nei ia Davida e ore atoa 'i, e ere ai hoi oia i te tamaiti i te parahiraa i nia i to'na terono ei arii; e ore ai hoi te tahu'a ati Levi i te tavinira'a i mua ia'u nei. 22 Mai to nia i te ra'i e ore e hope ia taio ra, e mai te one tahata'i e ore e tia ia faito ra; mai te reira to'u faarahi i te huai o tau tavini ra o Davida, e te mau ati Levi e tavini mai ia'u nei.

23 Ua tae maira hoi te parau a Iehova ia Ieremia, na ō maira, 24 Aita oe i haapao i ta teie nei mau taata e parau nei, Na fetii e piti i maitihia e Iehova ra, ratou tei faarehia e ana? e ua vahavaha ratou i to'u ra mau taata, mai te mea e ore ratou e riro faahou ei nunan i mua ia ratou ra.

25 Te na ō maira Iehova, Ua ore ana'e ta'u nei faufaa i te ao e te rui nei, e ua faarehia e au te mau peu o te ra'i e te te fenua; 26 ei reira vau e

faarue ai i te huaai o Iakoba, e to te tavini no'u ra, to Davida, e eita 'tura vau e rave i to'na huaai ei tavana i reira, i nia i te huaai o Aberahama, e to Isaaka, e to Iakoba: e ruri-6-hia e au to ratou tifiraa, e arohahia ratou e au ra.

Te faaita nei Ieremia ia Zedekia, e riro oia a te oire atoa ra.

34 TE parau i tae mai ia Ieremia no 6 ia Iehova ra, a tama'i mai ai te arii o Babulonia ra o Nebukanesa, e te nuu atoa na'na, e te mau basileia atoa o te ao nei i raro a'e ia'na ra, e te taata atoa ra hoi, ia Ierusalem, e te mau oire atoa no reira ra, i te parauraa mai e,

2 Te na 6 maira te Atua o Iseraela ra o Iehova, A haere, a parau atu ia Zedekia, te arii o Iuda, e na 6 atu oe ia'na ra, Te na 6 maira Iehova, Inaha, e tuu vau i teie nei oire i te rima o te arii o Babulonia, e na'na e tahu i te auahi.

3 E ore oe e ora i to'na rima, e riro mau oe, e tuuhia oe i tana rima; e hi'o hoi to mata i te mata o te arii o Babulonia, e na'na e parau mai to'na vaha i to oe ra vaha, e reva hoi oe i Babulonia.

4 E faaroo mai na ra, e te arii o Iuda, e Zedekia, i te parau na Iehova, teie ta Iehova parau ia oe, E ore oe e pohe i te 'o'e. 5 E pohe hau noa oe: e te ama i te auahi mai tei to mau metua ra, te mau arii i mutaa ihora hou iho nei oe, na reira ratou i te tutui i te auahi ia oe ra; a oto ai ia oe ra, ma te parau e, E te fatu e i na parau hoi au i tata parau nei, te na reira maira Iehova. 6 Ua parau atura te peropheta ra o Ieremia i te arii o Iuda ra ia Zedekia, i teie atoa nei mau parau i Ierusalem, 7 Te aro maira te nuu o te arii o Babulonia ra ia Ierusalem, e te mau oire toea atoa i Iuda ra, ia Lakisa, e ia Azeka; o na toea ia o te mau oire i Iuda ra, e oire auahia.

8 Te parau i tae mai ia Ieremia no 6 mai ia Iehova ra, i muri a'e i te faufaa-raahia e te arii ra, e Zedekia, te faufaa i te man taata atoa i Ierusalem, ia tuu-noa-hia 'tu ratou; 9 ia tuu noa 'tu te taata atoa i to'na tavini tane, e to'na tavini vahine, ia haere noa na, i te ati Hebera tane e te ati Hebera vahine ra, eiaha e faahopohia 'tu te reira i tana taese ati Iuda ra.

10 Ua faaroo ana'e maira te hui arii, e te taata atoa, o tei fafau i taua faufaa ra, e tuu ana'e te taata atoa i tana tavini tane e tana tavini vahine ia haere noa na, e eita 'tura e faahopo faahou atu i to ohija ia ratou, ua faaroo ratou, e na tuu atura ia ratou. 11 Ua ho'i faahou ra ratou i, muri a'e, e ua rave faahou i taua mau tavini tane, e te mau tavini vahine, i tei tuuhia e ratou ra; e

ua faahopo atura ia ratou ia tavini noa mai a ei tavini tane e ei tavini vahine.

12 O te taeraa mai ia o te parau a Iehova ia Ieremia ra, no 6 mai ia Iehova ra, na 6 maira; 13 Te na 6 maira to Atua o Iseraela, o Iehova, E faufaa ta'u i fafau i to outou ra mau metua, i te mahana i aratai mai ai au ia ratou mai te fenua maira mai Aiphiti, mai te fare taviniraa ra, na 6 atura, 14 Ua hope ana'e na matahiti e hitu ra, a tuu ai outou i te taata atoa i to'na iho taese ati Hebera ra, te hoohia 'tu ia oe ra, a ono a'era o'na matahiti i te taviniraa ia oe ra, e tuu noa 'tu oe ia'na i reira ia haere noa na: aita ra to outou mau metua i faaroo mai ia'u, aore i fariu mai i to ratou tari'a. 15 E ia outou hoi i fariu iho nei i teie nei, e ua rave outou i te mea tia ia'u ra i to'u nei hi'oraa, i te faaiteraa 'tu i te taata-tupu atoa ra e tuu, e ua fafau outou i te faufaa i mua ia'u i te fare i mairihia i to'u nei i'oa; 16 ua ho'i ihora outou e ua haaviivii i taua i'oa no'u ra, ua rave faahou te taata atoa i to'na tavini tane e to'na tavini vahine, tei tuu-noa-hia e outou ia rave noa i to ratou ra hinaaro; e ua faahopo outou ia ratou ei tavini tane e ei tavini vahine no outou na. 17 E teie nei, te na 6 maira Iehova, Aita outou i faaroo mai ia'u ra, i te faaiteraa 'tu i te tuu noa te taata atoa i to'na taese, e to'na ra tanta-tupu; inaha, te faaita nei au i te tuu noa ia outou i te 'o'e ra, te parau maira Iehova, e te ma'i ra, e te poia ra; e horoa 'tu vau ia outou ia roohia i te ahaalo i te mau basileia i te ao atoa nei. 18 E tuu atu vau i te man taata i hara i te faufaa na'u ra, tei ore i haapao i to parau a taua faufaa ra, ta ratou i faatupu i mua i to'u nei aro, a tapahi ai i te kafa ra, e ua haere na ropu i te tahi pae o te tahi pae: 19 te mau arii no Iuda, e te mau arii no Ierusalem, e te mau eunuka, e te mau talu'a, e te taata atoa o te fenua ra, tei haere i ropu i na apaapa kafa ra; 20 e tuu atu vau ia ratou i te rima o to ratou enemi, i te rima o te feia i titau mai ia ratou ia pohe; e riro hoi to ratou mau pera ei maa na te mau manu o te reva nei: e na te mau taehae o te fenua nei. 21 E te arii no Iuda o Zedekia, e te pupu arii atoa i o'na ra, e horoahia e au i te rima o to ratou mau enemi, i te rima o te feia i titau mai ia ratou ia pohe, i te rima o te nuu o te arii o Babulonia, tei reva 'tu i nia mai ia outou atu nei. 22 Inaha, na'u e faane, te parau maira Iehova, o faaho i mai au ia ratou i teie nei oire: o na ratou e aro mai, e pau hoi ia ratou, e ama hoi ia ratou i te auahi; e faano atoa hoi au i te mau oire o Iuda e aro: roa e taata.

Te faahapa nei Ieremia i te ati Iuda faaroo ore, no te faaroo o te ati Rekabi.

35 TE parau i tae mai ia Ieremia no ô ia Iehova ra, i te anouta o Iehoiakima a Iosia ra, e arii no Iuda, na ô maira,

2 Haere i te fare o te ati Rekabi, parau atu ai ia ratou, e aratai mai hoi ia ratou i roto i te fare o Iehova, i roto i te hoê piha ra, a hopoi atu ai i te uaina na ratou ia inu. 3 Ua aratai maira vau ia Iaazania, a Ieremia, a Habazinia ra, e tana mau taee atoa, e te mau tamarii atoa na'na, e te utua-fare ati Rekabi atoa ra; 4 i aratai mai au ia ratou i roto i te fare o Iehova, e i roto i te piha o te mau tamarii a Hanana a Igedalia, e taata no te Atua, i pihai iho i te piha o te hui arii ra, i nia "e i te piha o Maaseia a Saluma tiai uputa ra: 5 ua tuu atura vau i te a'ua i i te uaina i mua i te aro o te mau tamarii ati Rekabi, e te a'ua rii atoa ra; e ua parau atura vau ia ratou, A inu i te uaina. 6 Ua parau maira ratou, E ore matou e inu i te uaina: o Ionadaba a Rekabi, to matou metua ra, tei a'o mai ia matou, na ô maira, Eiaha outou e inu i te uaina, outou e ta outou mau tamarii e a muri noa 'tu: 7 Eiaha outou e patu i te fare, eiaha e tanu i te huero, eiaha hoi ei ô vine ta outou; ei roto râ outou i te tiahapa parahi ai e hope noa 'tu to outou pue mahana, ia maoro to outou parahiraia i te fenua ta outou i parahi taata êê noa na. 8 Ua faaroo hoi matou i te re'o o Ionadaba a Rekabi, to matou metua ra, e te mau parau atoa ta'na i poroi mai ia matou, e nitâ matou i inu i te uaina i to matou pue mahana i mairi a'enei, o matou, e ta matou mau vahine, e ta matou mau tamarii tamaroa, e ta matou mau tamahine; 9 aore hoi matou i patu i te fare ei parahiraia no matou; aore hoi a matou e ô vine, e te aua, aore hoi e huero raau; 10 parahi noa na matou i roto i te tiahapa, e ua faaroo, e ua rave i te mau mea atoa ta to matou metua, ta Ionadaba, i faaue mai ia matou. 11 Ia tae maira te arii o Babulonia ra o Nebukanesa, e rave i teie nei fenua, ua na ô a'era matou, Haere mai tatou e tomo i roto i Ierusalemia i te nuu hoi a te Ka'idaio, e te nuu atoa o Arama; e ei Ierusalemia tatou e parahi ai.

12 Ua tae maira te parau a Iehova ia Ieremia ra i reira, na ô maira, 13 Te na ô maira Iehova sabaota ra, te Atua no Iseraela; E haere, e parau atu i te mau taata no Iuda, e to Ierusalemia atoa ra, E ore anei outou e farii i te a'o a faaroo mai ai i ta'u nei parau? te na reira maira Iehova. 14 Te parau a Ionadaba a Rekabi, ta'na i poroi i te

mau tamarii na'na ra e eiaha e inu i te uaina ra, ua haapaohia ia; aita hoi ratou i inu i te uaina e tae roa a'enei i teie nei mahana, ua faaroo ratou i te a'o a to ratou metua ra; o vau atoa hoi tei parau atu ia outou, ma te tia vave i te poipoi róa e te parauraa 'tu, aita râ outou i faaroo mai ia'u. 15 Ua tono atu hoi au i te mau tavini atoa no'u ra i te mau peropheta ia outou na, i te tia-vave-raa i te poipoi e te tonoraa 'tu, i te na ôraa 'tu e, E farii mai na outou, outou atoa i ta'na ra parau ino, e haamaitai na i ta outou e rave ra, eiaha e pee i te mau atua êê ra, i te haamoiraa ia ratou; e parahi ai i te fenua i horoahia e au no outou, e no to outou mau metua ra; aita râ outou i farii mai i to outou tari'a, aita hoi i faaroo mai ia'u. 16 No te mea, te mau tamarii a Ionadaba a Rekabi, ua haapao i te parau a to ratou metua, ta'na i a'o mai ia ratou ra, e aita teie nei feia i faaroo mai ia 'u nei; 17 te na ô maira Iehova sabaota ra, te Atua o Iseraela; Inaha, teie au a hopoi mai i te mau ino atoa i nia ia Iuda, e i nia i to Ierusalemia atoa ra, i ta'u i parau ia ratou ra; no te mea, ua parau vau ia ratou, e aore ratou i faaroo mai; ua tiaoro atu vau ia ratou, e aore ratou i parau mai.

18 Ua na ô atura Ieremia i te utua-fare o te ati Rekabi ra; Te na ô maira Iehova sabaota ra, te Atua o Iseraela; No te mea ua faaroo outou i te a'o a to outou metua ra a Ionadaba, e ua haapao i te mau poroi atoa na'na ra, e ua rave i te mau mea atoa ta'na i faaite mai ia outou: 19 e teie nei, te na ô maira Iehova sabaota ra, te Atua o Iseraela, Eita roa e ere i te taata i te felii o Ionadaba a Rekabi i te tiaraa i mua ia'u e a muri noa 'tu.

Te faaue nei Ieremia ia Baruka e papai i te tohu na'na ra

36 E TAE a'era i te maha o te matahiti o Iehoiakima a Iosia, arii no Iuda ra, i tae mai ai teie nei parau ia Ieremia no ô ia Iehova ra, na ô maira,

2 A rave na oe i te tahi buka otaro ra, a papai ai i te mau parau atoa ta'u i parau atu ia oe ra ia Iseraela i nia iho, e te parau atoa ia Iuda, e te mau fenua atoa, mai te mahana mai â i parau atu ai au ia oe ra, mai te anouta mai a Iosia ra, e tae noa maira i teie nei mahana. 3 Peneia'e o te haapao mai te utua-fare o Iuda i te mau ino i opuahia e au e tuu i nia ia ratou ra, e o te ho'i mai ratou, te taata atoa i ta'na ra parau ino, ia faaore atu vau i ta ratou hara e to ratou ino. 4 Ua parau atura Ieremia ia Baruka a Neria ra; ua papai ihora Baruka no te vaha o Ieremia i te mau

parau atoa a Iehova i parau mai ia'na ra, i nia i taua buka otaro ra. 5 Ua parau atura Ieremia ia Baruka, na ô atura, Ua mau vau, e ore au e tia ia haere i roto i te fare o Iehova: 6 o oe râ te haere, a taio ai i te otaro ta oe i papai no roto i to'u nei vaha, i te mau parau a Iehova i te aro o te mau taata i roto i te fare o Iehova, i te mahana haapaeraa mas ra; e i mua atoa i te aro o to Iuda atoa ra, tei haere mai mai roto mai i to ratou mau oire, e taio atoa 'tu oe ia ratou. 7 Peneia'e ratou o te ti-papa hua i raro ma te pure i te aro o Iehova, e o te fariu mai hoi te taata atoa i ta'na ra parau ino: e riri rahi hoi e te tahoo rahi ta Iehova e parau nei i teie nei feia. 8 Ua na reira hoi Baruka a Neria ra, i ta te peropheta ra ta Ieremia i faaue mai ia'na ra, i te taioras i roto i te buka i te mau parau a Iehova, i roto i te fare o Iehova ra. 9 Tae a'era hoi i te matahiti pae o Iehoiakima a Iosia, e arii no Iuda, e te iva hol o te marama, i faaite haere ai to Ierusalemata atoa, e te mau taata atoa no roto i te mau oire o Iuda i te haapaeraa mas, i mua ia Iehova, i Ierusalemata. 10 Ua taio ihora Baruka i roto i taua buka ra i te parau a Ieremia, i roto i te fare o Iehova, i te piha o Gemaria a Saphana, papai parau ra, i roto i te aumoa i nia ra, i te tomoraa i te uputa api i te fare o Iehova, e te taata atoa i te faarooas mai.

11 Te faaroo ra Mikaia, a Gemaria, o Saphana, i te mau parau atoa a Iehova i roto i taua buka ra, 12 haere atura oia i raro i te fare o te arii ra, e i roto i te piha o te papai parau ra; e, inaha i te reira ana'e te hui arii i te parahira, o Elisama papai parau ra, e o Delaia a Semaia ra, e o Elanatanata a Akabora, e o Gemaria a Saphana, e o Zedekia a Hanania, e te pûpû arii atoa ra. 13 Ua faaite atura Mikaia ia ratou i te mau parau atoa ta'na i faaroo ra a taio ai Baruka i taua buka ra, i te aro o te mau taata ra. 14 Ua tono a'era te mau arii ia Iehudi, a Netania, a Selemia, a Kusi, ia Baruka, e parau atu e, Te otaro ta oe i taio i te aro o te taata ra, a rave ia i to rima, a haere mai. Ua rave ihora Baruka a Neria i taua otaro ra i tana rima, e ua haere maira ia ratou ra: 15 ua parau atura ratou ia'na, A parahi na i raro, a taio mai ai ia faaroo atu matou. Ua taio ihora Baruka, e te faaroo maira ratou. 16 E hope a'era taua parau ra i te faaroohia e ratou ra, ua hi'o noa ihora ratou ia ratou iho ma te maere; e ua parau atura ia Baruka, E riro matou i te faaite i te arii i teie nei mau parau. 17 Ua ui maira ratou ia Baruka, na ô maira, A faaite mai na oe ia matou; i nahca oe i te papairaa i teie nei mau

parau no roto i to'na vaha? 18 Ua parau atura Baruka ia ratou, To'na iho vaha tei parau mai i teie atoa nei mau parau, e ua na muri noa vau ia'na i te papai i roto i te buka. 19 Ua paran maira taua pûpû arii ra ia Baruka, A haere a tapuni, orua o Ieremia, e eiaha roa e faaite i te taata i to orua pupuniraa.

20 Haere atura ratou i roto i te arii ra, i roto i te aumoa; vaiiho ihora râ i taua otaro ra i roto i te piha o Elisama papai parau ra; e ua faaite atura i taua mau parau atoa ra i te aro o te arii ra. 21 Ua tono a'era te arii ia Iehudi e tii i taua otaro ra; ua rave ihora oia i roto i te piha o Elisama papai parau ra; e ua taio ihora Iehudi i te tari'a o te arii ra, e i te tari'a atoa o te hui arii i te tia-atoa-raa i pihai iho i te arii ra. 22 Te parahi noa ra te arii i te piha no te tau toetoe ra, i te iva o te marama, e te auahi i nia i te tahuraa i mua ia'na i te ama-noa-raa. 23 E hope a'era na api parau e toru e e maha i te taioraahia e Iehudi, ua ooti ihora oia i te tipi a te papai parau ra, e ua titiri i nia i te auahi e vai noa mai i te tahuraa ra, e hope roa a'era taua otaro ra i te ama i te auahi e vai noa i te tahuraa ra. 24 Aita râ taua arii ra, e te mau tavini atoa no'na ra, tei faaroo i taua mau parau atoa ra, i mâta'u, aore hoi i hahae i to ratou ahu. 25 Taparu noa 'tu hoi Elanatanata, e Delaia, e Gemaria, i te arii ra, e eiaha e tuia taua otaro ra i te auahi, aore roa oia i faaroo ia ratou. 26 Ua faaue atura te arii ia Ierameela, i te tamaiti a te arii ra, e ia Seraia a Azertela, e ia Selemia a Abedeela, e tii e rave ia Baruka papai parau ra, e te peropheta ra ia Ieremia: ua hunahia râ raua e Iehova. 27 Ua tae maira te parau a Iehova ia Ieremia, i muri a'e i te otaro i te tutuiraahia e te arii, e te mau parau i papaihia e Baruka no roto i te vaha o Ieremia, na ô maira, 28 A rave â oe i te tahi otaro â, a papai ai i nia iho i te mau parau atoa i papaihia i mutaa iho i tei mutaa ihora otaro, i tei tutuניה e te arii o Iuda, e Iehoiakima ra. 29 E parau atu hoi oe i te arii o Iuda, ia Iehoiakima, Te na ô maira Iehova, Ua tuia e oe taua otaro nei, e ua parau mai hoi oe, Eaha oe i papai ai i nia iho, e i na ô ai hoi, Te haere maira te arii o Babulonia e e pau roa teie nei fenua ia'na, e e mou ia'na te taata o teie nei fenua e te puas atoa hoi? 30 E teie nei, te na ô maira Iehova i te arii o Iuda ia Iehoiakima, Aore roa o'na e hoê iti a'e e parahi i nia i te terono o Davida; e faarue-hia to'na pera ia vai noa na i te mahana i te ao, e te toetoe i te po. 31 E tahoo atu vau ta'na, e to'na atoa ra huai, e to'na atoa ra mau tavini,

i ta ratou hara; e hopoi mai hoi au i nia ia ratou, e i nia atoa i to Ierusalem, e te taata atoa no Iuda, i te mau ino atoa ta'u i parau ia ratou ra, aita râ ratou i faaroo mai.

32 Ua rave ihora Ieremia i te tahi otaro ê, e ua tuu atura ia Baruka a Neria, papai parau ra; na papai ihora oia i nia iho no roto i te vaha o Ieremia, i te mau parau atoa o te buka ta te arii o Iuda ta Iehoiakima i tutui i te anahi râ; e apiti-atua-hia mai â hoi te parau i reira, mai te reira te huru e rave rahi.

I faaruehia te aro, no te mea, te falata maira aro aiphiti ra.

37 MONOHIA a'era te hau o Konia a Iehoiakima i te arii ra ia Zedekia a Iosia ra, te faaaririihia e te arii o Babulonia, e Nebukanesa, ei arii no te fenua ra no Iuda. 2 Aita râ oia, e tana mau tavini atoa, e te taata atoa o te fenua i haapao i te parau a Iehova, ta'na i parau i te vaha o te peropheta ra o Ieremia. 3 Ua tonu a'era te arii ra o Zedekia ia Iehukala a Selemia, e ia Zephania a Maaseia tahu'a ra, i te peropheta ra ia Ieremia, na ô atura, A pure na i to tatou Atua ra ia Iehova ia tatou nei. 4 Te haere noa maira Ieremia i roto e te tomo noa ra i rapae i taua mau taata ra, aita hoi oia i tapeahia e ratou i roto i te tapearaa. 5 Ua tere mai hoi te nuu a Pharao mai Aiphiti mai, i te a'era râ te Kaladaio i haapuni ia Ierusalem, faarue maira ia Ierusalem, haere atura.

6 O te taeraa mai ia o te parau a Iehova i te peropheta ra ia Ieremia, na ô maira, 7 Te na ô maira te Atua o Israela ra, o Iehova; E na ô atu outou i te arii o Iuda, tei tonu mai ia outou ia'u nei, e imi ia'u ra; Inaha, taua nuu no Pharao ra, tei haere mai e tauturu ia outou ra, e hoi noa ia i to ratou ra fenua, i Aiphiti. 8 E ho'i faahou mai hoi te Kaladaio e aro i teie nei oire, e pau ia ia ratou, e na ratou e tutui i te auahi. 9 Te parau maira Iehova, Eiaha outou e vare, i te na ôraa e, Ua faarue te Kaladaio ia tatou e ua haere ê; e ore hoi ratou e tae. 10 Ahiri â i pau roa te nuu atoa o te Kaladaio ia outou, i te aroraa mai ia outou ra, toe ihora te feia putaputa ana'e i roto i te puhapa ra, e tia mai â taua feia ra i nia e tutui â i teie nei oire i te auahi.

11 E reva ana'e atura te nuu o te Kaladaio mai mua mai i Ierusalem i te maita'u i te nuu o Pharao, 12 haere atura Ieremia mai Ierusalem 'tu, i haere atura i te fenua o Beniamina, i te ta'o'a no'na i roto i taua mau taata ra. 13 E tae atura oia i te uputa i ô Beniamina ra, tei reira te hoê raatira no te feia faahou, o Iriia te i'oa, na Selemia

a Hanania; ua haru ihora oia ia Ieremia peropheta, e ua na ô atura, Te haere ra oe i ô te Kaladaio. 14 Ua parau maira Ieremia, E haavare tena, e ore au e tae i ô te Kaladaio. Aore a'era râ oia i faaroo ia'na. Ua rave ihora Iriia ia Ieremia e ua aratai atura i te hui arii ra. 15 Te riri ra te hui arii ia Ieremia; e ua tairi ihora ia'na, e ua tapea 'tura ia'na i roto i te fare o Ionatana papai parau ra; o tei faarirohia ia e ratou ei tapea ra.

16 E tae atura Ieremia i roto i te tapearaa ra, e i roto i te mau piba riri ra, e rave rahi a'era to Ieremia pue mahana i reira; 17 ua tonu atura te arii ra o Zedekia e ua aratai maira ia'na; ua ui huna noa 'tura te arii ia'na i roto i to'na ra utuafare, na ô atura, E parau anei tena no ô mai ia Iehova ra? ua na ô maira Ieremia, E parau ia; ua parau mai hoi oia, e tuuhia 'tu oe i roto i te rima o te arii no Babulonia. 18 Ua parau atura Ieremia i te arii ra ia Zedekia, Eaha ta'u nei hara ia oe ra, e to mau tavini ra, e teie nei atoa mau taata, i huri noa 'i outou ia'u i roto i te tapearaa? 19 Teihea ihora ta outou mau peropheta tei tohu ia outou na, i te na ôraa 'tu e, E ore te arii o Babulonia e tae mai e rave mai ia outou, e teie nei fenua? 20 E faaroo mai na râ, o ta'u teie parau ia oe, e tau fatu, e te arii; ia iehia mai ta'u e ani atu ia oe na, eiaha oe e faaho'i ia'u i roto i te fare o Ionatana papai parau ra, eiaha vau ia pohe noa i reira. 21 Ua faaue atura te arii ra o Zedekia, ua tuu atura ratou ia Ieremia i roto i te aumoa o te tapearaa ra, e ia horoa mai ratou i te pane hoê na'na, no te mahana hoê, no roto i te aroâ o te tunu maa ra, e ia hope roa te mau pane o te oire i te pau. Parahi ihora Ieremia i roto i te aumoa o te tapearaa ra.

I haavarehia Ieremia i tapeahia 'i i roto i te tapearaa ra.

38 UA faaroo Sephatia a Matana, e Gedalia a Pasura, e Iukala a Selemia, e Pasura a Malekia, i te mau parau ta Ieremia i mataro i te parau i te taata atoa ra, i te na ôraa e, Te parau maira Iehova, 2 O tei toe i roto i teie nei oire, e pohe ia i te 'o'e, e te poia, e te ma'i; o tei haere ra i ô te Kaladaio ra, e ora ia; e riro hoi to'na ora ei tao'a no'na, e ora ia oia. 3 Te na ô maira Iehova, E riro mau teie nei oire i te rima o te nuu a te arii o Babulonia, e pau ia ia'na. 4 Ua na ô atura te pûpû arii atoa ra i taua arii ra, ia pohe atu teie nei taata e tia 'i, ta matou ia parau ia oe, no te mea no'na i paruparu ai te rima o te feia tama'i e toe i roto i teie nei oire, e te rima atoa o te taata atoa nei, oia i na reira i te parauraa mai:

aore teie nei taata i imi i te maitai no teie nei feia, o te ino rā. 5 Ua parau maira taua arii ra o Zedekia, Inahia, tei to outou rima; aita hoi a te arii parau ia etaeata outou. 6 Ua rave ihora ratou ia Ieremia, e ua huri atura ia'na i roto i te apoo i ō te tamaiti a te arii ra i ō Malekia, i te aumoa o te tapearaa ra; i taurahia Ieremia e ratou i te tuuraa i raro ra: e aore e pape i roto i taua apoo ra, o te vari ana'e rā, mairi ihora Ieremia i raro i taua vari ra.

7 Ite a'era te ati Kusa ra o Ebedameleka, e eunuka i roto i te fare o taua arii ra, e ua huri ratou ia Ieremia i raro i te apoo; te parahi noa ra te arii i te uputa o Beniamina ra; 8 ua haere ihora Ebedameleka i rapae au i taua fare o te arii ra, e ua parau atura i te arii, na ō atura, 9 E tau fatu, e te arii, hamani ino to teie nei feia i te peropheta nei ia Ieremia, tei hurihia e ratou i roto i te apoo: e pohe roa hoi oia i reira i te poia, aita 'tura o te oire nei e maa. 10 Ua faaue atura te arii ia Ebedameleka ati Kusa ra, na ō atura, E aratai atoa oe i te taata ia toru a'o ahuru, a rave ai i taua peropheta ra ia Ieremia e iriti mai i rapae, a pohe oia. 11 Ua rave atura Ebedameleka i taua mau taata ra, haere atura i roto i te fare o te arii ra, i raro a'e i te piha tao'a ra, ua rave ihora i te ahuru rii motumotu e te hu'ahu'a, e ua tataura ihora i te tuuraa i raro ia Ieremia i roto i te apoo ra. 12 Ua parau atura Ebedameleka ati Kusa ra ia Ieremia, A tuu na i tere ra mau ahuru rii motumotu hu'ahu'a i raro a'e i te ee ra, i raro a'e i te taura ra. Ua na reira 'tura Ieremia. 13 Ua rave ihora ratou ia Ieremia ua huti a'era i nia i taua taura ra, iriti a'era ia'na i nia mai roto mai i taua apoo ra: parahi noa ihora Ieremia i roto i te aumoa i taua tapearaa ra.

14 Ua tono a'era to arii ra o Zedekia i te vea, e ua aratai maira i te peropheta ra ia Ieremia ia'na ihora, i roto i te toru o te tomoraa, i roto i te fare o Iehova. Ua parau maira te arii ia Ieremia ra, Teie au a ui ia oe i ta'u nei uiraa; eiala oe e huna ia'u. 15 Ua parau atura Ieremia ia Zedekia, Ia faate atu vau ia oe ra, e ore anei oe e taparahi mai ia'u? e ia a'o atu vau ia oe ra, e ore oe e faaroo mai ia'u. 16 Ua tipu huna noa ihora te arii ra o Zedekia ia Ieremia, na ō atura, Te ora ra Iehova tei hamani ia taua nei, e oro au e taparahi ia oe, e ore hoi au e tuu atu ia oe i te rima o teie nei mau taata, tei titau mai ia oe ia pohe. 17 Ua parau atura Ieremia ia Zedekia, Te na ō maira te Atua saboota ra, o Iehova, te Atua o Iseraela, ia tia ia oe i te haere atu i te mau arii i ō te arii o Babulonia, e ora oe

i reira, e ore hoi teie nei oire e ama i te auahi i reira; e ora hoi oe, e to fetii atoa ra: 18 Ia ore rā ia tia ia oe ia haere atu i te mau arii i ō te arii o Babulonia, o tuuhia teie nei oire i reira i te rima o te Kaladaio, e na ratou e tutui i te auahi: e ore atoa hoi oe iho e ora i te ratou rima. 19 Ua parau maira te arii ra o Zedekia ia Ieremia, Te mātā'u nei au i te mau ati Iuda i amaha e ua reva 'tura i ō te Kaladaio, o te tuuhia vau e ratou i te ratou ra rima, e o te vahavahahia vau e ratou. 20 Ua parau atura Ieremia, E ore ratou e tuu ia oe. E faaroo mai na oe i te re'o o Iehova ta'u e parau atu ia oe nei, ia maitai hoi oe ra, e ia ora to varua. 21 Ia ore rā ia tia ia oe ia haere, teie ta Iehova parau i faate mai ia'u nei: 22 A hi'o na i te mau vahine i toe i roto i te fare o te arii o Iuda, e aratai-atohia mai ia i te mau arii i ō te arii o Babulonia, e na ō mai hoi taua mau vahine ra, Na to mōtu hōa here ra oe i patiatia, e ua tupu ta ratou parau ia oe, ua tuu ratou i to o'vae i raro i te vari ra e ua mau, e ua pahee tia a'enei ratou i muri. 23 E aratai mai hoi ratou i to mau vahine, e to mau tamarii i te Kaladaio; e ore atoa oe iho e ora i te ratou rima, e noaa rā oe i te rima o te arii o Babulonia, e no oe e ama 'i teie nei oire i te auahi.

24 Ua parau maira Zedekia ia Ieremia ra, Eiala roa teie nei parau e faaitēhia i te taata atoa nei, e e ore hoi oe e pohe. 25 Ia ite rā te mau arii nei, e i paraparau noa na vau ia oe, e ia haere mai ratou ia oe ra, e ia parau mai e, E faate mai ia matou i ta oe parau i te arii ra, eiala e humahia, e ore hoi oe e pohe ia matou nei; e ta te arii hoi i parau mai ia oe ra: ei reira oe e parau atu ai ia ratou. 26 I tuu auraro noa 'tura vau i ta'u hinaaro i te aro o te arii ra, e eiala oia e faaho'ia'u i te fare o Ionatana, e ia pohe noa 'tu vau i reira. 27 Ua haere ana'e maira te mau arii ia Ieremia ra, e ua ui maira ia'na; e ua parau atura oia, i ta te arii i parau mai ia'na ra. Aita a'era ratou i parau faahou mai, aore hoi ta vau paraparau i itea. 28 Parahi noa 'tura Ieremia i roto i te aumoa i taua tapearaa ra, e tae noa 'tura i te mahana i pau ai Ierusalem, e i reira hoi oia i taua gūraa o Ierusalem ra.

Ierusalem e pau, Zedekia haamatapōhika, e hopōhika i Babulonia.

39 TAE a'era i te iva o te matahiti o te arii o Iuda ra o Zedekia, e te ahuru o te marama, i tae mai ai te arii o Babulonia ra o Nebnkaneasa, e te nun atoa na'na i Ierusalem, e ua haatū maira. 2 E tae a'era i te Zedekia ra matahiti hoē ahuru ma hoē, i te maha rao

te marama, e te iva hoi o te mahana, i parari ai taua oire ra. 3 Ua tomo ihora te mau arii atoa i ō te arii o Babulonia ra i roto, e ua parahi ana'e ihora i te uputa i ropu ra; o Neregala-sarezera, o Samagara-nebo, o Saresekima, eunuka rahi, o Neregala-sarezera, e Rabi-magi, e te feia atoa i toe i te pūpū arii i ō te arii o Babulonia ra.

4 E itea a'era te arii o Iuda ra o Zedekia, e te mau taata tama'i atoa ra ia ratou, fati ana'e ihora, haere ana'e atura i rapae au mai i taua oire ra i te po, na te ō a te arii ra, na te uputa i ropu i na patu ra: haere atura na te pae i te vahi papu ra. 5 Ua auau atura te nuu o te Kaladaio, e roohia tura Zedekia i te vahi atea i Ieriko ra; ua rave atura ratou ia'na, e ua aratai maira i te arii o Babulonia ia Nebukanesa i Ribela, i te fenua o Hamata ra: e ua tuu atura oia i te parau ia'na. 6 Ua taparahi ihora te arii o Babulonia i na tamarii a Zedekia i Ribela, i mua mau i to'na aro, e ua taparahi atoa ihora te arii o Babulonia i te hui arii atoa o Iuda ra. 7 E ua ohiti a'era oia i na mata o Zedekia, e ua tapea ihora oia ia'na i te tapea vea, e hopoi i Babulonia ra.

8 Ua tutuhia ihora te fare o te arii, e te mau fare o te taata atoa e te Kaladaio i te auahi, e ua haaparari ihora i te mau patu i Ierusalem. 9 E te toea o te taata tei toe i roto i te oire, e te feia i amaha e haere tia tura ia'na ra, e te feia atoa i toe i taua mau taata ra, hopoihia tura e te raatira o te feia faehau ra e Nebuzara-dana i Babulonia. 10 O te taata rii haehaa ra, aita a ratou e tao'a ra, ua faatoehia ia e te raatira o te feia faehau e Nebuzara-dana i nia i te fenua ra i Iuda, e ua horoa mai hoi i te ō vine, e te aua ana'e na ratou, i taua mahana ra.

11 Ua poroi maira te arii o Babulonia ra o Nebukanesa i te raatira o te feia faehau ra ia Nabuzara-dana, ia Ieremia, na ō maira. 12 A rave oe, a hamani maitai atu ia'na, eiaha roa e hamani ino atu; o ta'na rā e parau mai ia oe ra, e na reira tu oe ia'na. 13 Ua tono a'era Nebuzara-dana te raatira o te feia faehau, e o Nebusabana, eunuka rahi, e o Neregala-sarezera, o Rabi-magi, e te pūpū arii atoa i ō te arii o Babulonia i te tono-atoa-ra; 14 e ua rave maira ia Ieremia mai roto mai i te aumoa i te tapearaa ra, e ua tuu atura ia'na ia Gedalia a Ahikama, a Saphana, ia aratai ia'na i te utuafare; parahi noa ihora oia i roto i te mau taata atoa ra.

15 Tae maira hoi te parau a Iehova ia Ieremia, i to'na tapearaahia i roto i te aumoa i te tapearaa ra, na ō maira, 16 Haere, a parau atu ia Ebeda-meleka,

ati Kusa, a na ō atu, Te na ō maira Iehova sabaota ra, te Atua o Iserael, Inaha, teie au a faatupu i ta'u parau i nia i teie nei oire ia ino, eiaha ia maitai; e faatupuhia hoi taua parau ra i mua i to aro ia tae i to'na mahana. 17 E faaorahia rā oe e au ia tae i ta'na mahana ra, te na reira maira Iehova; e ore hoi oe e horoahia tu i te rima o te feia ta oe e maita'u ra. 18 E faaorahia mau-hia oe e au, e ore oe e hi'a i te 'oe; e riro rā to oe ora ei tao'a, no te mea ua tiaturi oe ia'u nei, te na reira maira Iehova.

I tuuhia Ieremia e te raatira ra e Nebuzara-dana.

40 TE parau i tae mai ia Ieremia ra no ō mai ia Iehova ra, ia oti oia i te tuuhia e te raatira o te feia faehau e Nebuzara-dana i Rama ra; i tapea-atoahia hoi oia i te fifi i roto i taua mau titi atoa ra i Ierusalem e Iuda, o tei hopoihia i Babulonia ra.

2 Ua rave ihora te raatira o te mau faehau ia Ieremia, e ua na ō atura ia'na. Na to Atua ra na Iehova i faaite hui mai i teie nei ino i teie nei vahi. 3 E ua tii mai hoi Iehova e ua rave i ta'na i faaite maira; no te mea ua rave outou i te hara ia Iehova ra, e aore i faaroo i tana re'o; i roohia mai ai outou i teie. 4 E tena na, ua tuuhia oe e au i te mau fifi i nia i to rima na. E ia tia ia oe ra ia haere atoa tūa i Babulonia, a haere mai; e na'u e hamani maitai atu ia oe ra; e mea ino ia oe ia haere atoa tūa i Babulonia, eiaha; inaha, te vai noa ra te fenua atoa i mua ia oe ra; o tei au ia oe ra, e tei tia ia oe ra ia haere, a haere i reira; 5 e aita ra oia i reva ra, ua parau atura oia, A parahi maori ia Gedalia a Ahikama a Saphana, tei faarirohia e te arii o Babulonia ei tavana i nia i te mau oire i Iuda nei, a parahi atu ai i o'na ra i roto i te mau taata atoa nei: e aore ra, o ta oe ra vahi i hinaaro i te haere ra, a haere. Ua tuu maira te raatira o te feia faehau ra i te mea na'na, e te tahi tao'a na'na, e ua tuu noa tura. 6 Haere atura Ieremia ia Gedalia a Ahikama, i Mizepa, parahi ihora i o'na ra, i roto i te taata atoa i vaiiho-hia i nia i te fenua ra.

7 Ite a'era te mau raatira o te nuu i parahi i taua vahi atea ra, ratou, e to ratou atoa ra mau taata, e ua faarifo-hia Gedalia e te arii o Babulonia ei tavana no te fenua, e ua tuuhia te mau tane, e te mau vahine, e te tamarii, te tahi pae taata rii no taua fenua ra, tei ore i hopoi-atoa-hia i Babulonia: 8 ua haere maira ratou i Mizepa ia Gedalia ra, o Isemaela a Netania ra, e o Iohanana, e o Ionatana, na tamarii a Karea ra, e o Seraia a Tanahumeta e na tamarii a

Ephai i Netopha, e o Iezania a *Hosata*, ati Maaka, o ratou e to ratou mau taata. 9 Ua tãpũ atura Gedalia, a Ahikama, a Saphana, ia ratou, e to ratou atoa ra mau taata, na ð atura, Eiaha outou e mãta'u ia auraro i te Kaladaio; e parahi noa i te fenua nei ma te auraro i te arii o Babulonia, e maitai ia outou i reira. 10 Area vau nei, ei Mizepa vau parahi ai, ei tavini no to Kaladaio, ia haere mai i õ tatou nei; area outou e haaputu mai outou i te uaina, e te maa auhune ra, e te hinu olive, a tuu ai i roto i te vaiaraa ra; parahi noa 'i i roto i to outou mau oire, i parahihia e outou ra. 11 Ite a'era te mau ati Iuda i Moabi, e i roto i te mau tamarii o Amona, e Edoma hoi, e tei parahi i te mau fenua ra, e ua horoahia e te arii o Babulonia te tahi toea no Iuda, e ua faariro oia ia Gedalia, a Ahikama, a Saphana, ei tavana i nia ia ratou; 12 ua ho'i ana'e maira te mau ati Iuda mai te mau vahi atoa mai i tiahihia 'tu ai ratou ra, e ua haere maira i te fenua ra i Iuda, ia Gedalia i Mizepa ra; e ua haaputu ihora i te uaina e te mau maa auhune atoa ra e rave rahi. 13 Ua haere maira Iohanana a Karea, e te mau raatira atoa no te nuu i parahi i te vahi atea ra, ia Gedalia i Mizepa ra; 14 e ua parau atura ratou ia'na, Te ite maitai ra anei oe, e ua tono mai te arii o te mau tamarii a Amona a Baalisa ia Isemaela a Netania e rave ia oe ia pohe? Aita a'era rã Gedalia a Ahikama i faarou atu. 15 Ua parau atura Iohanana a Karea ia Gedalia, i Mizepa, ohumu atura, na ð atura, E tuu a'e na oe ia'u, e tii au e tairi ia Isemaela a Netania ra, e aore roa e taata e ite. Eaha ta'na hara ia taparahi mai ia oe, e purara ð atura Iuda atoa, te feia i haaputupu mai ia oe ra, e te toea o Iuda ia pau atoa i te pohe? 16 Ua parau maira Gedalia a Ahikama ia Iohanana a Karea ra, Eiaha roa ia na reirahia; e riro rã ta oe parau ia Isemaela i te haavare.

Isemaela i te taparahi-huna-raa ia Gedalia, e te mau taata atoa.

41 E TAE a'era i te hitu o te mara-rama, i haere mai ai Isemaela, a Netania, a Elisama, no te fetii arii ra, e te feia rarahi toroa i õ te arii ra, tino ahuru tau taata, e oia atoa ra, ia Gedalia a Ahikama, i Mizepa, e ua anu ihora ratou i te maa i Mizepa. 2 Ua tia maira Isemaela a Netania ra, o na taata atoa tino ahuru i pee mai ia'na ra, ua tairi ihora ia Gedalia, a Ahikama, a Saphana, i te 'o'e, e polse roa a'era, tei faatavanahia o te arii o Babulonia i nia iho i taua fenna ra. 3 E te mau ati Iuda atoa i o'na ra, i ð Gedalia

ra i Mizepa, e te Kaladaio atoa i reira ra, te feia tama'i ra, o tei tairi-atoa-hia ia e Isemaela. 4 E tae a'era i te rui piti, i taua taparahira na'na ia Gedalia ra, e aore e taata i ite ra, 5 te haere maira te ho'e pae taata mai Sekema mai, e mai Silo mai, e mai Samaria mai, e maha taua taua pue taata ra, ma te taa vahua ra, e ma te ahu haea, e ma te ootihia ratou iho, ma te tusia e te mea no'ano'a i to ratou rima, i hopoi mai i te fare o Iehova. 6 Ua haere ihora Isemaela a Netania ra mai Mizepa atu e farerei ia ratou, haere noa 'tura na te e'atia ma te oto; e farerei atura oia ia ratou, ua parau atura, Mai haere tatou ia Gedalia a Ahikama ra. 7 E tae atura ratou i rotopu i taua oire ra, ua rave ihora Isemaela a Netania ra ia ratou ua taparahi, e ua huri i roto i te apoo, oia e te mau taata i pee ia'na ra. 8 Na taata rã tino ahuru, no roto ia ratou, tei parau mai ia Isemaela, Eiaha matou e taparahihia, e tao'a ta matou ua hunahia i roto i te mau aua ra, te sitona, e te kerite, e te hinu olive, e te meli. Ore a'era oia i rave, aore i taparahi ia ratou i roto i to ratou mau taeae ra. 9 Taua apoo ra ta Isemaela i huri i te mau taata pohe ta'na i taparahi e Gedalia atoa ra, o tei hamanihia ia e te arii ra e Aza, i te mãfa'u i te arii o Iseraela ia Baasa ra, o te faahia ia e Isemaela a Netania i taua mau taata pohe ra. 10 Titi atura te toea atoa o te taata i Mizepa ia Isemaela, te mau tamahine a te arii ra, e te mau taata atoa i toe i Mizepa, o tei pũpũhia 'tu o te raatira o te feia faehau e Nebuzaradana ia Gedalia a Ahikama ei tia; o Isemaela a Netania, tei aratai titi ia ratou, e reva 'tura i te ati Amona ra.

11 Ite a'era rã Iohanana a Karea, o te mau raatira o te nuu atoa i reira ra, i te mau ino i ravehia e Isemaela a Netania ra. 12 ua aratai atura i te mau taata atoa, haere atura e aro ia Isemaela a Netania ra, e roohia 'tura oia i te pape rahi i Gibeona ra. 13 Ite a'era taua mau taata atoa i pee ia Isemaela ra ia Iohanana a Karea, e te mau raatira atoa o te nuu i te peeraa mai ia'na, oaoa a'era ratou. 14 Ua fariu ana'e atura te mau taata atoa ta Isemaela i aratai titi mai mai Mizepa atu, ho'i atura ia Iohanana a Karea ra. 15 Ora 'tura rã Isemaela a Netania i te rima o Ionatana, e na taata atoa hoi toovau, haere ana'e atura i te ati Amona. 16 Ua rave a'era Iohanana a Karea, e te mau raatira atoa o te nuu i parahi mai i o'na ra, i te toea atoa i te taata, i noa mai ia'na ia Isemaela a Netania, i Mizepa, i muri a'e i te taparahira ia Gedalia a Ahikama, i te feia puai no te tama'i ra, o te vahine, e te tamarii, e

te mau eunuka, ta'na i faaho'i mai mai Gibeona mai; 17 haere ana'e atura ratou, parahi atura i Geruta-kimihama, i pihai iho i Bete-lehema, ia faaineine ratou e haere i Aiphiti, 18 ia ore ia noaa i te Kaladaio; te mātā'u ra hoi ratou i te Kaladaio, no te mea ua taparahi Isemaela a Netania ia Gedalia a Ahikama, tei faarirohia e te arii o Babulonia ei tavana no te fenua ra.

Iohanana i te parauraa ia Ieremia e ai i te Atua ia ratou.

42 UA haafatata maira te mau raatira atoa o te nuu ra, e o Iohanana a Karea, e o Iezania a Hosania, e te taata atoa, o tei iti e o tei rahi, 2 i te peropheta ra ia Ieremia, na ō maira, E faaita mai oe i to matou hihaaro, e pure oe i to Atua ra ia Iehova, i te toea taata nei, (ua iti hoi matou e toe nei, rahi noa 'i matou ra, te ite hua nei hoi to mata:.) 3 ia faaite mai to Atua ra o Iehova i te e'a ia haere matou, e te mea e au ia matou ia rave ra. 4 Ua parau atura te peropheta ra o Ieremia ia ratou, Ua faaroo hoi au, e inaha, na'u e pure i to outou Atua ra ia Iehova, ta outou i parau mai na, e o ta Iehova e parau mai ia'u ra, o ta'u ia e faaite atu ia outou, e ore roa ia mea e vaihohia e au. 5 Ua parau atura ratou ia Ieremia, E i te mau Iehova e te haavare ore ia ratou nei, e o ta to Atua ra ta Iehova ia tonu mai ia oe e faaite ia matou nei, ia ore matou ia na reira. 6 I te maitai e te ino atoa, e faaroo ā matou i te re'o o to matou Atua ra ia Iehova, ta matou e tonu atu ia oe ia'na ra; ia maitai hoi matou, ia faaroo i te re'o o to matou Atua ra o Iehova.

7 E hope a'era na rui hoā ahuru ra, ua tae maira te parau a Iehova ia Ieremia ra. 8 Ua parau atura oia ia Iohanana a Karea ra, e te mau raatira atoa o te nuu i o'na ra, e te taata atoa hoi, o tei iti e o tei rahi, 9 e ua parau atura ia ratou, Te parau maira to Atua o Iseraela, o Iehova, i ta outou i tonu ia'u nei ei faaite i to outou hihaaro i mua i tana aro: 10 I tia ia outou i te parahi i teie nei fenua, e patuhia outou e au i nin, e ore e tun i raro; e tanuhia outou e au, e ore e taihitumu; tatarahapa vāu i te ino ta'u i rave iho ia outou nei. 11 Eiaha e mātā'u i te arii o Babulonia, ta outou e mātā'u na; te ua ō maira Iehova, eiaha oia e mātā'u-hia 'tu; ei pihai iho hoi au ia outou ei faaora, e ia ora outou i tana rima. 12 E aroha 'tu hoi au ia outou, e na'na iho e aroha mai ia outou, e na'ua e haapupu mai ia outou i to outou ihora fenua.

13 Ia parau rā outou e, E ore matou

e parahi i teie nei fenua, e aore e faaroo i te re'o o to outou Atua ra, o Iehova, 14 ia na ō rā outou, Eiaha, e haere matou i te fenua ra i Aiphiti, ia ore matou ia ite i te tama'i, ia ore hoi ia faaroo i te oto o te pu ra, ia ore hoi ia pohe i te poia; ei reira matou e parahi ai: 15 e i teie nei, a faaroo mai, e te toea o Iuda e, i te parau a Iehova; te na ō maira Iehova sabaota ra, te Atua o Iseraela, ia mārō ā outou e fariu ā i to outou mata e haere i Aiphiti, e haere ā i reira parahi ai, 16 e riro ia outou i te rochia 'tu e taua 'o'e ra ta outou e mātā'u ra, i te fenua ra i Aiphiti, e taua poia ra, ta outou e mātā'u ra te pee hua i pihai iho ia outou e Aiphiti roa; e ei reira outou e pohe ai. 17 E riro hoi i te hope te taata atoa, o tei fariu i to ratou mata e haere i Aiphiti parahi ai, i te pohe i te 'o'e, e te poia, e te ma'i rahi; e ore roa te hoā e toe, e ore roa e ora i te ino ta'u e hopoi i nia iho ia ratou. 18 Te na ō maira hoi Iehova sabaota ra, te Atua o Iseraela, Mai tau riri, e tau tairoiro i niniihia i nia iho i to Ierusalem, e nini-atoa-hia tau riri i nia ia outou, ia tae outou i Aiphiti; e riro hoi outou ei faufauraa, e ei maerera, e ei tuhiraa, e ei faainora, e ore roa outou e ite faahou i teie nei vahī.

19 I te parau a Iehova ia outou, e te toea o Iuda, Eiaha outou e tae i Aiphiti; e ite mau ia outou e ua faaita hua 'tu hoi au ia outou i teie nei mahana. 20 Ua haavare outou i to outou iho varua: na outou hoi i tonu ia'u i to outou Atua ra ia Iehova, e ua na ō mai, E pure oe i to matou Atua ra ia Iehova ia matou, e ta to matou Atua ra, ta Iehova e parau maira, o ta oe ia e faaite mai ia matou, e o ta matou ia e rave. 21 E ua faaite atu hoi au ia outou i teie nei mahana, aita rā outou i faaroo i te re'o o to outou Atua ra, o Iehova, e te mau parau atoa hoi ta'na i faaue mai ia'u e faaite ia outou. 22 E teie nei, e ite mau outou e, e pohe outou i te 'o'e, e te poia, e te ma'i rahi, i tona na vahī, ta outou e hinaaro na ei parahiira.

Iohanana i te faaroo-ore-raa i te parau a Ieremia ra.

43 E HOPE a'era ta Ieremia parauraa i te taata atoa ra, i te mau parau atoa a to ratou Atua, a Iehova, i tonohia mai ai oia e to ratou Atua ra, e Iehova, i teie atoa nei mau parau: 2 ua parau maira Azaria a Hosai, e o Iohanana a Karea, e te feia teoteo atou ra, i te parauraa ia Ieremia ra. E haavare ta oe ra; aore to matou Atua ra, o Iehova, i tonu mai iu oe ia parau mai e, Eiaha outou e tne i Aiphiti, u parahi ai i reira: 3 o Baruka rā a Neria ra,

te patiatia ia ia oe ia matou nei, ia riro matou i te rima o te Kaladaio, ia taparahihia matou, e ia hopoi-titi-hia matou i Babulonia. 4 Aore a'era Iohanana a Kareia ra, e te mau raatira atoa o te nuu ra, e te taata atoa ra, i faaroo i te re'o o Iehova, ia parahi noa i te fenua ra o Iuda. 5 Ua rave a'era rā Iohanana a Kar . ra, e te mau raatira atoa o te nuu ra, i te toea o Iuda, o tei ho'i mai mai te mau fenua atoa i tiahihia 'tu ai ratou ra, ia parahi i te fenua ra i Iuda; 6 i te mau tane, e te mau vahine, e te mau tamarii, e te mau tamahine a te arii ra, e te mau taata atoa i vaihohia e te raatira o te mau faahau ra e Nebuzaradana, ia Gedalia, a Ahikama, a Saphana, e te peropheta ra o Ieremia, e ia Baruka a Neria ra; 7 o tei haere ana'e ia i te fenua ra i Aiphiti; aore hoi ratou i faaroo i te re'o o Iehova: e tae atura ratou i Tapanehesa.

8 Ua tae maira te parau a Iehova ia Ieremia i Tapanehesa, na ô maira, 9 A rave oe i na ofai rahii i to rima na, a huna 'i i roto i te araea ra, i te tahuraa araea i te tomoras i te utuafare o Pharaa, i Tapanehesa, i te aro o to tahi pae taata o Iuda ra; 10 a parau atu ai oe ia ratou, Te na ô maira Iehova sabaota ra, te Atua o Israeela; Inaha, e tono vau i te vea e aratai mai i tau tavini i te arii o Babulonia ra ia Nebukanesa, e haamau vau i to'na terono i nia i eie nei pae ofai i hunahia e au nei, e na'na e hohora i te vauvau na nia ihora. 11 E haere mai hoi oia e tairi i te fenua nei i Aiphiti, i to te pohe ra, ia pohe ia, e to te titi ra, ia titi ia, e to te 'o'e ra, ia tairihia i te 'o'e. 12 E tutui hoi au i te auahi i roto i te fare o te mau atua o Aiphiti; e na'na ratou e tutui i te auahi, e e hopoi-titi-hia e ana; e ahu hoi oia i taua fenua ra ia Aiphiti, mai te tiai mamoe e ahu i to'na ra ahu; a haere atu ai oia mai reira 'tu ma te hau. 13 E na'na e vavahi i te mau tii i roto i te fare mahana ra, i te fenua ra i Aiphiti; e te mau atua i Aiphiti ra, na'na ia e tutui i te auahi.

Te faaiti nei Ieremia i te pohe o te atī Iuda ra.

44 TE parau i tae mai ia Ieremia, no te mau ati Iuda atoa i parahi i te fenua ra i Aiphiti, tei parahi i Migadola, e i Tapanehesa, e i Nopha, e te fenua ra i Patarota, na ô maira,

2 Te na ô maira Iehova sabaota ra, te Atua o Israeela, Ua hi'o outou i te mau ino i hopoihia mai e au i nia ia Ierusalem, e te mau oire atoa i Iuda ra; inaha hoi ratou, ua riro ei fenua pau i teie nei mahana, e aore roa e taata o roto ra, 3 no ta ratou hara i ravehia ei faaroo mai ia'u ra, i te ha-

ereraa e tutui i te mea no'ano'a ei haamoriraa i te mau atua ês aore i itea ratou ra; o ratou, o outou, e to outou mau metua ra. 4 Ua tono atoa 'tu hoi au i tau mau tavini atoa ia outou ra, i te mau peropheta ra, i te tia-vave-raa i te poi-poi roa ra e te tonoraa 'tu, i te na ôraa 'tu e, Eiaha na outou e rave i teie nei mea faufau rahi na'u nei. 5 Aore rā ratou i faaroo mai, aore i fariu mai i to ratou tari'a, aore i faarue i ta ratou parau ino, e eiaha e tutui i te mea no'ano'a i te mau atua ês ra. 6 I niniihia 'tu ai taua tahoo e taua riri no'u ra, e ua ama te mau oire i Iuda ra, e te mau aroā i Ierusalem; e ua pau roa ratou e ua ano, mai tei teie nei ā mahana. 7 E teie nei, te na ô maira te Atua sabaota ra, o Iehova, te Atua o Israeela; Eaha outou i hamani ino roa ai i to outou mau varua, i te ooti-ē-raa 'tu i te tane e te vahine, i te tamaiti iti e te aiū, i roto ia Iuda nei, e aore vetahi i faatoehia; 8 i te faaoceraa mai ia'u i tei ravehia e to outou rima, i te tutuira i te mea no'ano'a no te mau atua ês i te fenua ra i Aiphiti, ta outou e haere e parahi ra; ia faataa-ē-hia outou, e ia riro outou ei tuhiraa, e ei faainoraa i te mau fenua atoa nei? 9 Ua moe anoi ia outou te ino o to outou mau metua ra, e te ino o te mau arii o Iuda, e te ino o ta ratou mau vahine atoa ra, e to outou iho hoi ino, e te ino atoa o ta outou mau vahine, i ravehia e ratou i te fenua nei i Iuda, e i roto i te mau aroā i Ierusalem ra? 10 Aore ā ratou i tatarahapa, e tae noa a'enei i teie nei mahana, aore hoi ratou i māta'u, aore hoi i haapao i ta'u nei ture, e ta'u nei mau haapaoraa, i tuihia 'tu e au i mua ia outou, e i mua atoa i to outou mau metua ra.

11 E teie nei, te na ô maira Iehova sabaota ra, te Atua o Israeela, Inaha, ua fariu vau i tau mata ia outou ia ino, e ia taa ô atu Iuda atoa ra. 12 E rave hoi au i te toea o Iuda, i tei fariu i to ratou mata e haere i te fenua ra i Aiphiti, e parahi i reira, e hope roa ratou i te pohe i taua fenua ra i Aiphiti; e hi'a ratou i te 'o'e, e pau hoi ratou i te pohe i te poia, o tei iti e tae noa 'tu i tei rahi; e pohe roa ratou i te 'o'e e te poia; e riro hoi ratou ei faufauga, e ei maereraa, e ei tuhiraa, e ei faainoraa. 13 E na'u e rave i tei parahi i te fenua ra i Aiphiti, mai ta'u i rave ia Ierusalem, i te 'o'e, e te poia, e te ma'i pohe ra: 14 e ore roa hoi to roto i taua toea o Iuda ra e ora, e ore e toe, o tei haere mai e parahi i te fenua ra i Aiphiti, e a ho'i af i te fenua ra i Iuda, ta to ratou sau i mana'o e, e ho'i i reira parahi ai; o te maa toea iti ana'e ra o tei ora ra te ho'i i reira.

15 Ua parau maira te mau tane, o tei ite e ua tutui ta ratou mau vahine i te mea no'ano'a i te mau atua e'e ra, e te mau vahine atoa i tia mai i pihai ihora, e feia rahi, o te mau taata atoa i parahi i te fenua ra i Aiphiti, i Patarota ra, ia Ieremia, na ô maira. 16 Area te parau ta oe i parau mai ia matou i te i'oa o Iehova ra, e ore matou e faaroo atu ia oe ra. 17 E rave râ matou i tei parauhia e to matou vaha, i te tutuiraa i te mea no'ano'a i te arii vahine o te ra'i ra, e te niniiraa i te tusia inu na'na; mai ta matou â hoi i rave, matou e to matou mau metua, e to matou mau arii, e te pupû arii atoa ra, i te mau oire o Iuda, e te mau aroâ i Ierusalemara, a rahi ai ta matou maa, e te maitai hoi to matou, e aore e ite i te ati. 18 Mai te faaoreraa maira o taua tutuiraa mea no'ano'a na te arii vahine o te ra'i ra, e ia ore hoi te niniiraa i te tusia inu na'na ra, o to matou ia ereraa i te mau mea atoa nei, e ua pau matou i te tairihia i te 'o'e, e ua pohe hoi i te poia. 19 E ia matou hoi i tutui i te mea no'ano'a no te arii vahine o te ra'i ra, e te niniiraa hoi i te tusia inu na'na, o matou ana'e ra anei tei rave i te pane na'na, eiaha ta matou mau tane atoa, i te haamoriraa ia'na, e te niniiraa i te tusia inu na'na?

20 Ua parau atura Ieremia i te taata atoa ra, i te mau tane, e te mau vahine, e te taata atoa i parau mai ia'na ra; na ô atura. 21 I te mea no'ano'a ta outou i tutui i te mau oire i Iudâ ra, e te mau aroâ i Ierusalemara, outou e to outou mau metua, e to outou mau arii, e to outou fetii arii atoa ra, e te mau taata atoa no te fenua ra, aore ia i mana'ohia e Iehova, e i hi'ohia mai e ana? 22 Aita a'era i tia ia Iehova ia faaoromai i to outou ino, e te ino rahi faufau ta outou i rave ra; i riro ai to outou fenua ei fenua pau, e ei maereraa, e ei tuhira, e aore roa e taata mai tei teie nei â mahana. 23 No te mea ua tutui outou i te mea no'ano'a, e no te mea ua hara outou ia Iehova, e aore i faaroo i te re'o o Iehova, e aore i haapao i ta'na ra ture, e ta'na ra haapaora, e ta'na ra parau i faaite mai; i roohia mai ai outou i teie nei pohe, mai tei teie nei mahana.

24 Ua parau atura Ieremia i te taata atoa, e te mau vahine atoa. E faaroo mai outou i te parau a Iehova, e to Iuda atoa e parahi i Aiphiti ra: 25 ua parau maira Iehova sabaoia ra, te Atua o Iseraela, na ô maira, Area outou e ta outou mau vahine atoa, no outou ia vaha ta outou i parau ra, e na to outou iho rima i rave ra, a na ô mai ai ra e, E rave matou i ta matou i euhe ra, tei euhehia e matou ra, e tutui i te mea no'ano'a no te arii vahine o te ra'i ra, e

e niniî â i ta matou tusia inu na'na; o riro outou i te rave i ta outou i euhe ra, e faatupu ia outou i ta outou i euhe ra. 26 E teie nei, e faaroo mai outou i te parau a Iehova, e to Iuda atoa e parahi i te fenua ra i Aiphiti, Inaha, ua tâpû vau i to'u nei i'oa rahi, te na reira maira Iehova, e ore roa to'u nei i'oa e parau-faahou-hia e te vaha o te hoê taata no Iuda, i te na ôraa ra e, Te ora ra te Fatu ra, o Iehova, e ati noa "e te fenua atoa nei i Aiphiti. 27 Inaha, e tiai au ia ratou ia ino, eiaha ia maitai; e pau hoi ratou, te taata atoa no Iuda i parahi i Aiphiti ra, i te 'o'e, e te poia, e hope roa a'era ratou. 28 E te feia i ora i te 'o'e ra, o tei ho'i mai mai te fenua maira mai Aiphiti, i te fenua ra i Iuda, e feia iti ia ia taio ra; e ite hoi te toea taata atoa o Iuda o tei haere i te fenua ra i Aiphiti e parahi i reira, i te parau e tupu ra, e o ta'u ra, e o ta ratou.

29 E o teie ta outou tapao, te na reira maira Iehova, e o vau teie e rave ia outou i teie nei vahi, ia ite hoi outou e tupu mau tau parau ia outou nei, ia ino outou ra: 30 te parau maira Iehova, Inaha, e tuu vau i te arii o Aiphiti ra ia Pharao-hophara, i roto i te rima o to'na ra mau enemi, e i roto i te rima o te feia i titau mai ia'na ia pohe ra; mai ia'u hoi i tuu i te arii o Iuda ra ia Zedekia, i roto i te rima o te arii o Babulonia, o Nebukanesa, i to'na ra enemi, i tei titau ia'na ia pohe ra.

Te mîta'u ra Baruka, ua haamahanahana ra Ieremia ia'na.

45 TE parau a te peropheta ra a Ieremia i parau atu ia Baruka a Neria, ia oti a'e teie nei parau i te papahia e ana i roto i te hoê buka no roto i te vaha o Ieremia, i te maha o te matahiti o Iehoiakima a Iosia, arii no Iuda, na ô maira, 2 ua na ô mai te Atua o Iseraela o Iehova ia oe, e Baruka; 3 I parau na hoi oe e, Atae hoi au nei e! ua apiti atoa mai Iehova i te mihi i taua oto no'u nei; ua rohirohi au i to'u autâ-noa-raa, e aita' o'u e faaearaa.

4 E na ô atu oe ia'na, ua na ô maira Iehova; Inaha, o ta'u i patu ra, o ta'u ia e vavahi i raro; e o ta'u i tanu ra, o ta'u ia e iriti, oia te fenua atoa nei: 5 te imi râ oe i te maitai rahi na oe iho? eiaha e imihia; inaha hoi, te hopoi mai nei au i te ino i nia i te taata atoa ra, te parau maira Iehova, e horoa 'tu râ vau i te ora no oe ei tao'a, i te mau vahi atoa ta oe e haere na.

Te faaite nei Ieremia i te pau o te nuu o Pharao i Eupharate.

46 TE parau a Iehova i tae mai i te peropheta ra ia Ieremia, no te mau fenua ra; 2 no Aiphiti ra; no te

nuu a te arii o Aiphiti ra a Pharaoneko, i te pae pape ra i Eupharate i Karekemisa ra, ta te arii o Babulonia ta Nebukanesa i tairi ra, i te matahiti maha o Iehovahakama a Iosia, e arii o Iuda ra.

3 A faaue na i te ahu tama'i e te paruru, a faaineine i te aro. 4 A faaunauna i te mau puahorofenua; e pajuma outou, e te feia puahorofenua ra, a tia noa 'tu ai ma to outou taupeo atoa ra; a faaanaana i te mahae, a ahua na i te ahu tama'i. 5 Eaha te mea, i te hi'oras 'tu vau, ua mäta'u ana'e ratou? ua ho'i i muri, e te feia puai ua tairihia ia i raro? ua mau e ratou, aore i hi'o i muri, ua haapunihia e te mäta'u, te parau maira Iehova: 6 eiaha tei oioi ra e horo e; eiaha tei puai e imi i te ora; tei te pae i apatoerau ra, i te hiti o te Eupharate, ua turori ratou e ua hi'a. 7 O vai teie e faateitei mai te pape ra, o tei horo u'ana noa mai te pape tahe? 8 O Aiphiti tei faateitei mai te pape ra, e mai te pape tahe ra ta'na pape i te horo u'ana; ua na o ia, E faateitei au, e ia ninahia te fenua ia'u, e rave haamou vau i te oire, e to'na atoa ra mau taata. 9 A paiuma e te mau puahorofenua e, ia u'ana outou i te rave, e te mau pereoo, e tuu atu i te aito ra; o Kusa e o Phuta o tei rave i te paruru ra, e te ati Luda e fana ta'na mauhaa e rave ra. 10 O te mahana rä teie no te Fatu, e mahana tahooraa na Iehova sabaota ra, ei tahooraa 'tu i ta'na ra mau enemi; e pau hoi ratou i te 'o'e, e fiu ia, e e taero roa i to ratou toto; e tuasia hoi ta te Fatu ra, ta Iehova sabaota ra, i te fenua i te pae i apatoerau, i te pae pape i Eupharate ra. 11 A haere i nia i Gileada, a rave ai i te raau, e te tamahine paretenia i Aiphiti ra: e haaputuraa raau faufaa ore ta oe na, aita o oe e ora. 12 Ua ite te mau fenua i to oe vahavaharaa, e ua i te fenua i to oe re'o: ua turori hoi te aito i te aito e ua mairi apipiti raua.

13 Te parau a Iehova i parau mai i te peropheta ra ia Ieremia, no te haerea mai o te arii o Babulonia ra o Nebukanesa, e tairi i te fenua ra ia Aiphiti. 14 E faaite outou i Aiphiti, e faaite hua i Migadola, e faaite hua atoa i Nopha e Tapanehesa; e parau atu outou, Taatahi etaeta na ia itoito oe na, e pau hoi te taata atoa i te 'o'e e ati noa "e oe nei. 15 Eaha te mea i hi'a i to taata puai ra? aore a'ora oia i mau, no te mea na Iehova oia i hopara i raro; 16 o rave rahi ta'na i faaturori, e ua hi'a te tahi i nia iho i te tahi; i parau ai ratou, A tia, mai haere tatou i to tatou ra, i to tatou fenua i fanau mai ai ra, i te 'o'e hoi o te hamani ino nei. 17 Ua pii atura ratou i reira, O te arii o

Aiphiti ra, o Pharao, ua psu, ua mairi ia'na te tau i haapaohia ra. 18 Te ora nei au, te na o maira te Arii, no'na te i'oa ra o Iehova sabaota ra, oia mau, mai ia Tabora i roto i te mau mou'a ra, e mai ia Karemela i tahatai, e haere mai oia. 19 A faaineine na i ta oe ra mau tauhaa e haere i te titiraa ra, e te tamahine i parahi i Aiphiti ra; e riro hoi Nopha i te ano, e pau, e aore roa e taatahia. 20 Mai te puatoro ufä api e te nehenehe Aiphiti: te haere maira rä te pohe mai te pae i apatoerau ra. 21 E au tana ra mau taata tarahuhia i roto ia'na ra, i te puatoro rii pae poria ra; ua fariu e rä te reira atoa ra, ua mau paatoa ra, aore roa i mau mai; no te mea ua tae i to ratou mahana e pohe ai ra; e te taima i roohia mai ai ratou ra. 22 E riro te ahehe o to'na re'o mai to te ophi; e haere mai hoi ratou ma te nuu, e e roohia 'tu oia e ratou ma te opahi, mai te feia täpü raau ra. 23 E täpü ratou i te ururau na'na, te parau maira Iehova, eita rä e hope ia imi; e rahi hoi te reira i to te arabe te ore e hope ia taio ra. 24 Ua haama te tamahine a Aiphiti; ua horohia 'tu i te rima o te taata i te pae i apatoerau ra. 25 Ua parau maira Iehova sabaota ra, te Atua o Iseraela, Inaha, e rave au ia Amona i No ra, e ia Pharao, e ia Aiphiti, e to'na atoa ra mau atua, e te mau arii; oia hoi Pharao, e te feia atoa i tiaturi ia'na: 26 e tuu atu vau ia ratou i te rima o te feia i titau mai ia ratou ia pohe; i te rima o te arii o Babulonia o Nebukanesa, e te rima o to'na ra mau tavini; e taatahia rä te reira a muri a'e, mai tei tahito atoa ra, te na reira maira Iehova

27 Eiaha rä oe e mäta'u, e tau tavini, e Iakoba e, eiaha atoa oe e täfä, e Iseraela e; inaha, e aratai mai hoi au ia oe mai te vahi maoro ma, ma te ora, e to oe ra huai mai te fenua mai i titi ai ratou; e ho'i mai hoi Iakoba a faaea maite ai, e parahi hoi oia ma te ora, e ore hoi te ho'e e haamäta'u mai. 28 Eiaha oe e mäta'u, e tau tavini, e Iakoba, te parau maira Iehova, ei pihai atoa iho hoi au ia oe; rave faa hope noä vau i te mau fenua atoa i ta'u i tiahi atu ia oe ra; e ore rä vau e rave faa hope ia oe, e rave au ia oe ma te haapao maite, e ore e faaano roa 'tu ia oe.

Te pau-roa-raa o te mau Philiseti ra.

47 TE parau a Iehova i tae mai i te peropheta ra ia Ieremia i te Philiseti, aore ä Gaza i pau ia Pharao ra.

2 Te na o maira Iehova, Inaha, e pape te tupu maira i te pae i apatoerau ra, e riro ei pape rahi u'ana, e ninahia te fenua e te mau mea atoa i nia ihora, te oire, e te feia atoa i parahi i reira; e

to lua hoi te taata atoa, e te mau taata atoa o te fenua nei, e auê ia. 3 I te paapaaina o te avae o ta'na puaa-horofenua puai ra, i te haruru o te mau pereoo ra, e te tauu o te porotaa ra, aore te feia metua i hi'o mai i muri i te tamarii ra; riro atura to ratou rima ei mea faufaa ore i te maita'u. 4 No te mahana e fatata mai nei e pau roa 'i to te Philiseti; ia tãpũ-ê-hia te mau tauturu i toa, i Turia e Sidona; e pau hoi te Philiseti ia Iehova, te toea o te fenua ra o Kaphatori. 5 Te fatata mairã te pahure i nia ia Gaza; haamamũhia hoi Asekelona, e te toea o to ratou peho ra e; ahea oe e faaea 'i i te otioi ia oe ihora? 6 E te 'o'e a Iehova e, ahea ra oe e faaea maite ai? a ho'i i roto i to vehi; e faaea na, eiaha e hauti. 7 Eaha e tia 'i ia faaea e eiaha e hauti, i tei poroimia e Iehova ra ia Asekelona, e te pae tahatai ra? ua haapaohia ia e ana i reira.

To faauturaa ia Moabi, no to ratou teoteo ra.

48 NO Moabi te na ô maira Iehova sabaota ra, te Atua o Iseraela; Atae hoi Nebo e! ua pau; ua maheaha Kiriataima ua riro; ua haama Misegaba ua maita'u hoi. 2 E ore Moabi e haamaitai-faahou-hia; ua imi hoi ratou i te ino no'na i Hesebona, ua na ô e, Haere mai tatou e faaere atu ia'na eiaha ia parauhia e e nunaa. E o oe atoa, e Mademena, e haamamũhia ia; e tipapahia oe e te 'o'e ra. 3 E pii tei itea mai i Horonaima; te pau e te pohe rahi. 4 Ua pau roa Moabi; te itea ra te re'o o te tamarii no'na. 5 I te paumaraa i Luhita e pauma 'i ratou ma te oto tamau ra; i te poura i Horonaima, te ite ra te enemi i te auê pau. 6 A mauve outou, ia ora hoi outou, riro noa 'tu ai ofrou mai te raau pohe i te medebara ra.

7 No te mea te tiaturi ra oe i to oe maitai i noaa, e ta oe ra ohipa, e pau oe. E riro hoi Kemosa ei titi, e te mau tahn'a na'na, e te mau arii atoa i o'na ra. 8 E tae mai te haru i te mau oire atoa ra, e ore roa te hoê oire e ora; e mou te peho, e pau te vahi papu, ta Iehova ô hoi i parau maira. 9 Ho-atu i te pererau ia Moabi, ia mauê atu oia ra; e ia ano atu to'na ra mau oire, e eiaha rua ei taata to roto ra. 10 Ia katarahia tei rave i te ohipa a Iehova ma te itoito ore; ia katarahia tei faaere i tana 'o'e i te toto.

11 I parahi noa na Moabi mai te apiraa mai ã, ua mataro oia i te parahi noa, aore hoi i faato-ê-hia i tera farii, i tera farii, aore hoi i riro ei titi; i mau ai to'na huru i roto ia'na, e aita ta'na haapora i faahuru-ê-hia. 12 Te na ô

maira rã Iehova, Inaha, te fatata maira te mahana, e tonoo atu ai au i te feia faatahe e faato ê atu ia'na, e ia pau roa tana mau farii, e ia parari tana mau hua. 13 E haama hoi Moabi ia Kemosa, mai te utuafare o Iseraela i haama i to ratou tiaturiraa ia Betela.

14 Eaha hoi outou e tia 'i ia parau e, Te puai nei matou, e taata etaeta i te tama'i? 15 Ua haruhia Moabi e ua faarne i to'na mau oire, e te mau taata api i maitihia na'na ra, ua reva i raro i te taparahima, te parau maira te arii, o Iehova sabaota ra to'na i'oa. 16 E fatata maira te ati o Moabi, e te oi oi maira to'na pohe. 17 A oto ia'na, e te feia atoa e haatai mai ia'na nei; e o outou hoi o tei ite i to'na i'oa, a na ô e, Te sepeta etaeta e, te raau nehenehe i fati e? 18 A pou mai na i raro, i to oe na teoteo, a parahi i nia i te repo mārō, e tera ra tamahine i parahi i Dibona; te pauma 'tura te haru ia Moabi e rave ia oe, e na'na e rave i to mau haapuraa etaeta na. 19 Tia noa i te pae e'atia, a hi'o ai, e tei parahi i Aroera; e o tei mauve ra, a ui atu, e te vahine i ora maira, a na ô atu ai, Ua ahahia? 20 Ua maheaha Moabi, no te mea ua parari oia i raro; e auve outou, a pii hua; e faate hua outou i Aranona, e ua pau roa Moabi. 21 Ua tuuhia mai te parau au i te fenua papu atoa ra, ia Holona, e ia Iahaza, e ia Mephaata; 22 e ia Dibona, e ia Nebo, e ia Bete-dibilataima; 23 e ia Kiriataima, e ia Bete-gamula; e ia Bete-meona; 24 e ia Kiriota, e ia Bozara, e i nia atoa i te mau oire i te fenua ra i Moabi, tei te atea ê, e tei fatata mai. 25 Ua ooti-ê-hia te tara o Moabi, e ua ofatihia tana rima, te parau maira Iehova.

26 Faataero hua 'tu outou ia'na, no te mea, ua faarahi oia ia'na iho i te aro o Iehova; e taviri hoi Moabi i to'na ruairaa; e e riro atoa oia ei tãhitohitoraa. 27 Aore anei hoi Iseraela i riro ei tãhitohitoraa na oe? rochia 'tu anei oia tei roto i te mau eia, i tãhitohito atu ai to vaha ia'na? 28 A faarne i te mau oire, ei roto i te mato parahi ai, e te mau taata no Moabi, e ia riro mai te uairao tei ofaa i te hiti o te apoo ra.

29 Ua ite matou i te faateitei o Moabi; teoteo rahi roa to'na; to'na faarahi, e te ahaaha, e te teitei o te aau. 30 Te na ô maira Iehova Ua ite au i te u'ana o to'na riri; e ore rã e tia ia'na ia faatupu i to'na mana'o i te haavare. 31 E tefe nei, e oto vau ia Moabi; e oto pii hua vau ia Moabi atoa ra, e mihi au i te mau taata i Kirahesere. 32 E oto vau ia oe i te oto ia Iazera, e te vine i Sibema, ua toro to mau avei i te tahi pae miti ra; ua tae roa te reira i te miti i Iazera; ua rochia ta oe maa, e te vine

auhune, i te pau. 33 Ua hopoi-ti-hia te oaoa e te arearea i te aua hotu rahi, i te fenua o Moabi; e te uaina no te nenei-raa ra na faaorehia e au; ua ore te *ta-tuahi* ua taataahi ma te umere; e te umere e ereatura i te umere. 34 *Te itea* ra te re'o mai Hesebona e Eleale; ua tae roa to ratou re'o i Iahaza; mai Zoara e Horonaima, mai te puatoro ufa matahiti toru ra; e te pape i Nimirima, e pau ia. 35 Te na o maira Iehova, E faaore au i Moabi, i tei haere i te vahi tuitei ra, e tei tutui i te mea no'ano'a no to'na ra mau atua. 36 E teie nei, e o to tau auu ia Moabi mai te vivo ra, e o to tau auu mai te vivo ra i te mau taata no Kira-harese; no te mea, o te tao'a rii i noaa ra ua pau. 37 Aore hoi e upoo toe i te paotihia, aore umiumi toe i te hahuhia; aore rima toe i te otiothia i te oto, e aore taata toe i te ahu i te ahu oto. 38 Tei nia i te mau tapo'i fare o Moabi, e i roto i te mau aroa atoa ra, o te oto ana'e ra ia; ua vavahi au ia Moabi mai te a'ua aore i hinaarohia ra, te parau maira Iehova. 39 Au e te parari no'na i raro e i ta ratou ia i pii maira; te fariu o Moabi i te tua ma te haama e! e riro hoi Moabi ei tahitohitoraa, e ei mata'uraa na te taata atoa e ati noa 'e oia ra. 40 Ua na o maira hoi Iehova, Inaha, e mau te ho'e mai te aeto ra, a hohora 'i i to'na pererai i nia ia Moabi; 41 ua pau te mau oire, ua hitimaue te mau pare; e riro hoi te feia aito i Moabi i taua mahana ra, mai te auu o te vahine ia roohia i te fanau ra. 42 E pau hoi Moabi, e ore e paraulia e nunna, no te mea ua fanteitei oia ia'na iho ia Iehova ra. 43 Te mata'u, e te apoo, e te marei, tei nia ia ia oe, e to Moabi e, te parau maira Iehova. 44 O tei horo i te mata'u ra, e mairi ia i te apoo, e o tei ora i to apoo ra, e fifi ia i te marei; roohia 'tu oia e au, oia hoi Moabi, i te matahiti tahoo atu ia'na, te parau maira Iehova. 45 Tia noa maira tei horo ra i roto i te maru o Hesebona no te puai; puroro noa maira ra te auahi mai roto mai i Hesebona, e te pura auahi mai roto mai i Sihona, e ua pau te hiti o Moabi, e te korona o te feia hanti ra. 46 Atae hoi oe, o Moabi! e ati to oe, e te mau taata o Kemosa e i ua hopoi-titi-hia e ratou to mau tanurii; ua reva atoa hoi to mau tamahine ei titi. 47 E ruri e ra vau i te titiraa o Moabi, ia tae i to mau mahana hopu ra, to na roira maira Iehova. O te hopu ia o te parau ia Moabi.

To Amoua paurua, e te faaho'raahia mai.

49 NO te ati Amoua, to na o maira Iehova, Aita a Iseraela e tamarii? aita a'na e taata a'na? Eaha ihora hoi Milekoma i parahi ai i te fenua o Gada?

e to'na ra mau taata i parahi ai i te reira mau oire? 2 E teie nei, te na o maira Iehova, te fatata maira te mahana e itea 'i ia'u i Raba, i o te ati Amoua, te pii tama'i, e riro hoi oia ei puea pau, e pau hoi ta'na mau tamahine i te auahi; e riro mai hoi to ratou parahira ia Iseraela, tei riro to'na ia ratou ra, te na reira maira Iehova. 3 A au e, e Hesebona, ua pau hoi Ai; a pii hua, e te mau tamahine i Raba; a ahu outou i te ahu oto a oto ai, a horo haere noa 'i na roto i te mau aua; e riro hoi Milekoma ei titi, e te feia tahu'a e te mau arii atoa i o'na ra. 4 Eaha hoi oe i teoteo ai i te peho ra? hotu noa iho to oe peho, e tera ra tamahine taiva, e teoteo i ta'na ra tao'a e o lei parau e, O vai te tae mai ia'u nei? 5 Inaha, e hopoi mai au i te mata'u i nia ia oe, te parau maira te Fatu, o Iehova sabaota ra, i te feia atoa e haatai mai ia oe ra; te fati ana'e outou atoa i te reira, e aore roa e taata e faaho'i i tei fati ra. 6 Muri a'era i te reira, e ruri e au i te titiraa i te tamarii o Amoua ra, te parau maira Iehova.

7 No Edoma, te na o maira Iehova sabaota ra, aita 'tura e paari i Temani? Ua ore te paran i te feia haapao ra? Ua peo e atura to ratou paari? 8 A mau, a fariu, ei te vahi hohonu parahi ai, e te mau taata o Dedana e; o te ati o Esau tei tuuhia e au i nia ia'na, oia te tahooraa mai ia'na. 9 I te mau te feia pofai vine ia oe ra, e ore ratou e iaotae i te toe? e eia te haere mai i te pu ra, e haru ratou e ia ma'ha te hinaaro. 10 Ua vaihu-non-hia Esau e au, ua hebeuhia e au to'na ra mau tapuniraa, e e ore oia e moe ia tapuni; ua hope to'na huua i te pau, e to'na ra mau taene, e to'na ra mau taata-tupu, e ua ore oia. 11 A vaihu i to mau otare, ia faorahia ratou e au, e to mau vahine ivi, ia tiaturi ratou in'u. 12 Te na o maira Iehova, Inaha, te feia e ore e au ia inu ra, ua inu mau ia i taua a'na nei; e faaore-roa-hia anei ta oe utua? eita oe e cre i te utua, e inu mau ai oe na. 13 Te na o maira Iehova, Ua tipu vau ia'u iho, e riro Bozara ei nuacerua, e ei faanoraa, ei pau hoi, e ei tuliraa, e riro to'na atoa mau oire ei vahi faarue-tamanu-hia. 14 Ite a'enei au i te roo no oia Iehova ra, e ua tonohia te ho'e vau i te mau fenua, o na o atu, Haaputuputu mai outou, tii mai e rave ia'na; a tia i nia e haere o aro. 15 Inaha, ua iti oe ia'u i te mau fenua nei, e te vahavahalia i rotopn i te taata nei. 16 Ua vare oe i te teoteo o to auu e o oe i mata'uhia, e tei parahi i roto i te ta'oa mato ra, e tei ia oe te teitei o te aivi ra; haamau noa oe i to ofaaraa i nia e mai to te aeto ra, e tuuhia oe e au i raro i reira, te parau maira Iehova.

17 E riro hoi Edoma ei maereraa, e te mau taata atoa ia haero ra, e maere ana'e ia ia'na; e tãhitohito hoi ia'na i to'na ra mau pohe. 18 Mai tei te taihitumuraa ia Sodoma e ia Gomora, e te mau oire atoa i reira, te parau maira Iehova, aore roa e taata e parahi i reira, e ore hoi ta te taata nei tamaiti e tiahapa i reira. 19 Inaha, mai te liona i te haono o Ioridana, ia haere mai oia i taua parahiraa etaeta ra; e faaho'i rã oia e au ma te oioi, faarue maira i te reira ra. O vai hoi taua taata matihia ra ia haapao atu vau i nia i te reira? o vai tei au ia'u nei, e na vai e faaite mai ia'u? o vai hoi taua tiai ra e mau ia tia i mua ia'u nei? 20 E teie nei, e faaroo mai outou i te parau na Iehova i opuahia e ana ia Edoma; e ta'na parau i opuahia e ana i te mau taata o Temani: O tei iti roa i roto i taua nãã ra te arato ia ratou; e pau hoi ratou ma to ratou parahiraa atoa. 21 Te auene nei te fenua i te haruru o to ratou hi'oraa; ua auë, e ua tae roa te haruru i te miti uteute ra. 22 Inaha, e pee oia i nia e mau mai te aeto ra, e hohora oia i to'na pererau na nia ia Bozara; e ia tae i taua mahana ra, e riro te aau o te feia etaeta i Edoma, mai te aau o te vahine ia roohia i te fanau ra.

23 No Damaseko. Ua maheahea Hamata raua atoa o Araphada, no te mea ua ite ratou i te roo ino ra; ua tarapape ratou i te mätã'u mai tei te tai, e ore roa e faaea ra. 24 Ua paruparu Damaseko; ua fariu oia e horo ra, ua roohia oia e te mätã'u; ua roohia oia e te ati ra, e te mau iui mai to te vahine ia roohia e te fanau ra. 25 Inaha, aore i toe te oire tuiroo ra, te oire i te oaoa no'u ra! 26 E teie nei, e hi'a to'na mau taata apï i roto i to'na iho mau arõã, e to'na atoa ra mau taata tama'i, e tãpũ-ê-hia ia ia tae i taua mahana ra, te parau maira Iehova sabaota ra. 27 E tutui au i te auahi i te patu i Damaseko ra, e ama hoi e ia pau te mau fare arii o Benehada.

28 No Kedara, e no te mau basilcia i Hazora, tei tairihia e te arii o Babulonia ra e Nebukanesa, te na ô maira Iehova, A tia outou, e haere i nia i Kedara, e ia pau roa te mau taata o Kedema. 29 E ravehia e ratou te mau tiahapa e te mau nãã na ratou, ta ratou mau paruru, e te mau tauhaa atoa ra; e rave hoi ratou i ta ratou mau kamela na ratou iho, e pihiã 'tu hoi ratou, e mätã'u teie e ati noa 'e. 30 A mau e ia atea ê atu; ei te vahi hohonu e te moemoe parahi ai, e te nãu taata o Hazora e, te parau maira Iehova; i opua noa na te arii o Babulonia o Nebukanesa e rave ia outou, e ua taa maite ta'na i opua i outou. 31 A tia i nia, e haere, e rave i

te fenua mana'ona'o ore, i tei parahi ma te mätã'u ore, te parau maira Iehova: aita hoi o ratou e opani, aore hoi e te'a; te faataa ê ra to ratou parahiraa. 32 E pau ta ratou mau kamela i te haru, e riro hoi ta ratou mau tao'a e rave rahi no te pau, e haapurara ê atu vau ia ratou i na pu mata'i atoa ra, i te feia e paoti poto i te rouru ra; mai te mau vahi atoa mai to ratou ati ia hopoi mai au ra, te parau maira Iehova. 33 E riro Hazora ei parahiraa no te teni, ia ano e a muri noa 'tu; aore roa e taata e parahi i reira, e ore hoi te hoë tamaiti o te taata nei e purutia i reira.

34 Te parau a Iehova i tae mai i te peropheta ra ia Ieremia, ia Elama, i te matamehai o te hau o te arii o Iuda ra o Zedekia, na ô maira,

35 Te na ô maira Iehova sabaota ra, Inaha, e ofati au i te fana o Elama, o te rahi ia o to ratou puai. 36 E hopoi mai au i na mata'i e maha i nia ia Elama, no na hopea e maha o te ra'i ra; e haapurara vau ia ratou i taua mau mata'i atoa ra: e aore roa e fenua e ore i te taea e to Elama i faaruehia ra. 37 E haamätã'u hoi au ia Elama i te aro o to ratou enemi, i te aro o te feia i titau mai ia ratou ia pohe ra; e hopoi mai au i te ino i nia ia ratou, e te u'ana o to'u nei riri, te parau maira Iehova; e faaue au i te 'o'e e tipapa ia ratou, e ia hope roa te ratou i te pohe ia'u. 38 E faatia vau i tau terono i Elama, e haamou vau i te arii e te fetii arii atoa i reira, te parau maira Iehova. 39 Ia tae rã i te mau mahana hopea ra, e riro au i te ruri ê i te titiraa o Elama, te parau maira Iehova sabaota ra.

O Babulonia i te faantuaraahia, ei tãhoorua 'tu.

50 TE parau i parauhia e Iehova ia Babulonia, e te fenua ra o te Kaladaio, i te vaha o te peropheta ra, o Ieremia.

2 E faaite outou i te mau fenua, e faaite hua; e hopoi i te tapao i nia ra, e faaite hua, eiaha e lunahia; e parau outou e, Ua pau Babulonia, na maheahea Bela, ua parari Merodaka, e to'na mau idolo ua maheahea ia, e ua haapararihia te mau mea faufau no'na ra. 3 Teie mai nei te hoë fenua mai te pae i apatoerou mai, e ano to'na fenua ia na, e aore roa e taata e parahi i reira; ua mau e te taata, e te puua atoa, ua reva.

4 Te parau maira Iehova, Ia tae i te reira mau mahana, e te reira tau, e tae mai ai te tamarii a Iseracla, ratou e te tamarii a Iuda atoa, e haere noa ratou ma te oto ia haere ra, i te imiraa i to ratou Atua ra ia Iehova. 5 E ni ratou i te c'a ia haere i Ziona, ma te fariu to

ratou mata i reira, e te na óraa c. Haere mai, tato e ati atu ia Iehova, i te tahi faufaa mure ore na tatou, te ore roa e moe. 6 E namoe moe taua mau taata no'u ra, na b ratou mau tiai i aratai é ia ratou i nia i te mou'a; i te fariu-é-raa 'tu i tera mou'a, i tera aivi, ua reva é ratou e ua moeto ratou faaaraa. 7 Tei itea 'tu e ratou ra, ua rave ia ratou; e ua na ó noa ihora to ratou mau enemi. Aita a tatou e hara, no te mea ua hara ratou ia Iehova, te vaira a o te parautia, ia Iehova hoi, te tiaturiraa a to ratou mau metua ra.

8 E haere é outou mai roto atu i Babulonia, e haere é i te fenua o te Kaladaio, e ia riro mai te puasniho oni i mua i te nānā ra. 9 Inaha hoi, e amuiraa fenua rarahi no te pae i apatoerāu, ta'u e faatia e ua aratai mai ei rave ia Babulonia; e pati maite hoi ratou ia rave ia'na, e pau hoi oia ia ratou, e riro to ratou mau ohe mai to te aito paari ra; e ore e hoi faufaa ore noa mai. 10 E riro hoi te Kaladaio ei tao'a pau, e maururu te feia atoa e haru ra, te parau maira Iehova. 11 E ua caoa ana'e outou, e ua arue ana'e, e te feia i taparahi i tau kelero; e ua poria ana'e outou mai te puatoro ufa e taataahi ra, e ua uā mai te puatoro pa'e ra; 12 e maheahea to outou metua vahine, e haama rahi hoi tei fanau ia outou; inaha, ei hopea mai oia no te mau fenua ra, ei fenua pau ra, ei fenua pāpāmārō, ei medebara. 13 E ore ia e mau i te riri o Iehova, e riro rā i te ano roa: te feia atoa e haere na pihai iho ia Babulonia e riro i te maere, e tāhito hito hoi i te rahi o to'na ati. 14 Haati maite ia Babulonia e ati noa "e, e tei mataro i te haafefe i te fana ra; a te'a, eiaha e faaherehere i te ohe, no te mea ua hara oia ia Iehova ra. 15 A umere, o te feia haaati ra ia'na; ua aurora oia, ua mairi to'na patu i raro, ua hurihia to'na aua i raro; no te mea, e tahoorna na Iehova, tahoo maite atu outou ia'na; e mai ta'na hoi i rave maira, e na reira atoa outou ia'na. 16 E faaore i te ueue huero i Babulonia, o tei rave i te ooti ia tae i te tau auhune ra; no te 'o'e o te feia taparahi e fariu ai ratou atoa i to'na ihora mau taata, e horo hoi ratou atoa i to'na ihora fenua.

17 E mamoe haapurara-é-hia Iseraela, mai ta te liona i haapurara é ra; ua pau na hoi oia i te arii o Asura ra, e o teie tei rave i te hopea nei, ua paoo maite ia e ua tae i te ivi ra, oia te arii o Babulonia ra, o Nebukanesa. 18 E teie nei, te na ó maira te Atua o Iseraela, o Iehova sabaota ra; Inaha, e rave au i te arii o Babulonia e to'na atoa ra fenua, mai ta'u hoi i rave i te arii o Asura ra; 19 e faaho'i maira vau ia Iseraela i

to'na ihora aua, ei nia oia i Karemela amu ni e ei Basama; e ei nia i te mou'a ra i Epheraima, e ei Gileada e paia 'i oia. 20 Ia tae i te reira mau mahana, e i te reira taime, te parau maira Iehova, i imihia 'i te pi'o o Iseraela, e aita ra, e te hara o Iuda, e aita: e faaore hoi au i ta ratou hara i tei vaiihohia e au ra.

21 A haere i nia, a rave i te fenua ra o Merataima, e rave i te reira, e e rave atoa i te mau taata no Pekoda; e haapau, e taihitumu na muri iho ia ratou, te parau maira Iehova, a rave ai i ta'u i faaue atu ia oe ra. 22 E haruru tama'i tei te fenua nei, mai te pau rahi ra. 23 Aué te hamara o te no atoa nei i te tāpi-é-hia e te parari roa e! aué o Babulonia i riro ei maereraa na te mau fenua atoa ra e! 24 Ua tuu hoi au i te marei ia oe, e noaa ihora oe, e Babulonia, i te vareraa ra; ua itea oe, e ua riro atoa oe, no te mea ua mārō oe ia Iehova ra. 25 Ua maheu ia Iehova te vaira maubaa tama'i na'na ra, e ua rave mai i te mauhaa no to'na ra tairoiro; o te ohipa hoi teie na te Fatu, na Iehova sabaota ra, i te fenua o te Kaladaio ra. 26 E tii mai outou to te fenua roa mai e rave ia'na, iriti outou i to'na mau fare vaira maa; e taataahi noa ia'na mai te puea ra e ia pau roa oia ra, eiaha roa ta'na ei toe. 27 Tiapai i te mau puatoro oni na'na; e tuu atu ia i raro ia tiapaihia; atae hoi ratou! ua tae hoi i to ratou mahana, i te taime e tihia mai ai ratou. 28 Te re'o o te feia i mau e ua ora, mai te fenua mai i Babulonia ra, ia faaite i te riri o to tatou Atua, o Iehova, i Ziona, te tahoo i to'na ra hiero. 29 Haaputu mai i te feia te'a i Babulonia, tei mataro i te haafefe i te fana ra; a patia na i te puhapa ia'na e ati noa "e, eiaha roa to'na ia ora 'tu; tahoo maite atu i ta'na ohipa; e mai ta'na atoa i rave ra, e na reira atoa ia'na; no te mea e rave teoteo ta'na i rave ia Iehova ra, i Tei Mo'a i Iseraela nei. 30 E teie nei, e hi'a to'na ra mau taata api i te mau aroā no'na ra; e te feia aito atoa no'na ra, e tāpū-é-hia ia, ia tae i taua mahana ra, te parau maira Iehova. 31 Inaha, aore au i ó na, e tera ra oire teoteo e, te na reira maira te Fatu, o Iehova sabaota ra; ua tae hoi i to oe ra mahana, te taime e ravehia 'tu ai oe ra. 32 E turori hoi tei teoteo ra, e hi'a, e aore roa e faatia ia'na; e tutui au i te auahi i roto i to'na ra mau oire, e pau hoi ia'na i te auahi e ati noa "e.

33 Te na ó maira Iehova sabaota ra, I neia-hua-hia te tamarii a Iseraela e te tamarii a Iuda atoa ra; o tei rave ia ratou ei titi ra ua tapea roa ia, e aore roa i tuua. 34 E puai to tei faaora ia ratou ra, o Iehova sabaota ra to'na i'oa:

na'na e faatia hua mai ia ratou e ia hau noa 'tu te fenua nei, e ia rurutaina to Babulonia. 35 E'i 'o'e to nia iho i te Kaladaio, te parau maira Iehova, ei nia atoa i te taata atoa o Babulonia; ei nia i to'na atoa ra pūpū arii, ei nia atoa i to'na ra mau taata paari. 36 E'i 'o'e to nia i to'na ra mau taata haavare, e na te reira e faatia noa; ei 'o'e to nia i te feia puai, e na ratou e mātā'u noa. 37 E'i 'o'e to nia i te mau puahorofenua, e i nia atoa i te mau pereoo, ei nia atoa i te feia anoi noa i roto ia'na ra, e riro ia ratou mai te vahine ra; ei 'o'e to nia i te mau tao'a ra, e pau ia te reira i te haru. 38 E riro i te pau ta'na pape, e pāpāmārō ia ratou; no te mea e fenua tii-otioti-hia ra, e te faaabaaha ra ratou i te idolo. 39 E teie nei, e parahi te mau mea taehae o te aihere e te mau taehae o te aru ra i reira, e te tamahine o te lone e parahi atoa ia i roto ra, e ore roa e riro faahou ei oire, e ore e parahibia i tera ui, i tera ui. 40 Mai ta te Atua i taihitumu ia Sodoma e ia Gomora, e te mau oire atoa i reira ra, te na ō maira Iehova, aore roa e taata e parahi i reira, e te tamaiti a te taata e ore roa e purutia noa 'tu i reira. 41 Inaha, e taata no apatoerau mai, e fenua rahi, e te mau arii no te mau fenua roa i te araaraa-atoa-raa mai; 42 te tapea etaeta ra i te fana e te mahae; e aito rahi ratou, e ore e aroha mai; e haruru to ratou re'o mai te miti ra, ei nia i te puahorofenua ratou parahi ai, ma te nanai maite, mai te taata tama'i ra, ei rave ia oe ra, e te tamahine o Babulonia ra. 43 Ite a'era to arii o Babulonia i te roo ia ratou, e paruparu ihora tana rima; ua roohia oia i te horuhoru, e te mauui mai to te vahine in tāti i te fanau ra. 44 Inaha, mai te liona i te haono o Ioridana, ia haere mai oia i te parahiraa etaeta ra; e faaho'ihia rā ratou e au ma te oioi, faarue maira i te reira ra. O vai hoi taua taata maithia ra ia haapao atu van i nia i te reira? o vai tei au ia'u nei? e na vai e faaita mai ia'u? o vai hoi taua tiai ra e mau tia i i mua ia'u nei? 45 E teie nei, e faaroo mai ounon i te parau a Iehova, i opuahia e ana ia Babulonia; e te parau i imihia e ana i te mau taata i Kaladaio ra: na tei iti roa i foto i tau nāni ra e arato ia ratou; e haapau hoi oia i to ratou parahiraa e ratou atoa hoi. 46 I taua re'o ra, Ua pau Babulonia, ua auene te fenua; o ua faaroohia te re'o i te mau fenua ra.

Te riri rahi a te Atua ia Babulonia, ei tahoo ia Iseraela.

51 TE na ō maira Iehova, Inaha, e faatupu vau i te hoē mata'i pohe ia Babulonia e te folia atoa i parahi i roto

ia'na ra, i tei tia e mārō mai ā'u ra; 2 e tono vau i te feia puhipulū i Babulonia, e na ratou oia e puhipulū, e aita 'tura o roto i tana fenua; e rave hoi ratou ia'na e sti noa 'e, ia tae i te mahana e ati ai oia ra. 3 E kaufefe te te'a i ta'na fana i te taata te'a ra, e i tei tia i nia i roto i to'na ra ahū tama'i; eiaha e faaherehere i te mau taata api no'na ra; e rave haapau ros outou i te nuu atoa no'na ra. 4 Na reira tei pohe i te mairi i te fenua o te Kaladaio, tei patia-haapūpū-roa-hia i te mau aroā no'na ra. 5 Aore hoi Iseraela i faaruehia, e Iuda atoa, e to'na ra Atua, e Iehova sabaota ra; ua il rā to ratou fenua i te hara i tei Mo'a i Iseraela nei. 6 E mau ō atu outou i Babulonia, ia ora hoi te taata atoa ia'na iho, ia ore outou ia tāpū-ō-hia i taua ino no'na ra; ua tae hoi i te taima tahooraa na Iehova; e na'na e hopoi atu i te utua na'na. 7 E a'ua auro Babulonia i te rima o Iehova, ei faataeroraa 'tu i te fenua atoa ra; e ua inu te mau fenua ra i ta'na ra usina; i riro ai te mau taata ra i te neneva. 8 Ua hi'a taua noa iho nei Babulonia e ua pohe roa; a auē outou ia'na, a rave i te mau i te mauui no'na; peneia'e oia o te ora. 9 Ua hinsaro matou i te faa-ora ia Babulonia, aita rā oia i ora; e vaiho atu ia'na, mai haere tatou atoa i to'na ihora fenua; ua tae roa hoi ta'na utua i nia i te mau ra'i ra, e ua hopohia i nia ē i te reva ra. 10 Ua tuuhia mai e Iehova ta tatou parau-tia i te atea ra; haere mai tatou, tatou e faaita i Ziona nei, i te ohipa a to tatou Atua, e Iehova. 11 A faaanaana i te mau ohe, a rave i te mau paruru; ua faaaraahia e Iehova te aau o te mau arii ati Medai ra; o ta'na hoi i opua ia Babulonia nei, e haapolie roa ia; e tahooraa ia na Iehova, e tahoo i to'na ra hiero. 12 E'i te pae aua o Babulonia faatia 'i i te tapao, ei tiairaa itoito, e tuu i te faehau, e faatas na i te feia tauto; mai ta Iehova hoi i opua ra, ua na reira oia i ta'na i parau ra i te mau taata no Babulonia. 13 E tei parahi i te hiti o te mau pape e rave rahi, e tei rahi roa ta oe ra tao'a, ua tae i to oe ra hopea, e te faito o ta oe haru tao'a. 14 Ua tāpū Iehova sabaota ra ia'na iho, E faai au ia oe i te tanta mai te he, e faatupu hoi ratou i te unere ia oe. 15 Ua hamani oia i te fenua i to'na ra uana, ua haamau oia i te fenua atoa nei i to'na ra paari, e ua holomoni oia i te ra'i i te aravihi no'na. 16 Ua faau'ana ana'e i to'na re'o, te rahi ra te pape i nia i te ra'i ra, e te huapee nei oia i te mahu mai te hopea mai o te fonua ra; te faatupu noi oia i te uira e te ūa, e to tuu maira i te mata'i no roto i to'na ra mau fare vairaa ra. 17 Ua riro te taata atoa

nei ei maamaa i to'na ite, e ua faahaamahia te feia atoa e faatō ra i te hoho'a otitohia ra; ua riro hoi to'na hoho'a faatōhia ra ei haavare, aore hoi e aho o roto ia ratou. 18 E mea faufaa ore ratou, e ohipa hapa rahi ra; ia tae i te tau e roohia 'tu ai ratou ra, e hope ia i te mou. 19 E ore te tufaa o Iakoba e au i te reira; o te hamani ia i te mau mea atoa nei: e o *Iseraela* te faito o ta'na ra tufaa; o Iehova sabaota ra to'na i'oa. 20 Te opahi tama'i ra e te mauhaa tama'i oe no'u; e pau te mau fenua ia'u, ia oe ra; e ano te mau basileia ia'u, ia oe ra; 21 e pohe ia'u te puahorofenua e tei parahi i nia iho, ia oe ra; e parari ia'u te pereoo e te taata i faahoro ra, ia oe ra; 22 e pohe te tane e te vahine atoa ia'u, ia oe ra; e pohe ia'u te taata paari e te tamaiti, ia oe ra; e pohe ia'u te taata api e te vahine api, ia oe ra; 23 e pohe ia'u te tiai e ta'na nānā, ia oe ra; e pohe ia'u te taata arote e te zugo puua na'na, ia oe ra; e pohe ia'u te mau raatira e te mau tavana, ia oe ra; 24 e tahoo atu vau ia Babulonia, e te mau taata atoa i Kaladafo, i to ratou mau ino atoa i rave i Ziona, i mua i to outou mata, te parau maira Iehova. 25 Inaha, aore au i ō na, e tera ra mou'a taparahi taata e, o tei taparahi i te fenua atoa ra, te parau maira Iehova; e faatoro vau i tau rima na nia ia oe ra, e faataa 'tu vau ia oe i raro i te vahi mato ra, e faairi vau ia oe ei mou'a ama ra; 26 e ore hoi te hoē ofai poro ra e noaa ia ratou i ō na ia oe na, e te hoē ofai no te niu ra; e vai ano roa rā oe a muri noa 'tu, te parau maira Iehova. 27 E faatia outou i te tahi tapao i te fenua nei, e faaoto na i te tahi pu i te mau fenua na, e faaineine i te mau fenua e rave ia'na, e haaputu-putu i te mau basileia e rave ia'na, o Ararata, e o Mini, e o Asekeneza; e faataa na i te tahi raatira ei rave ia'na, a tuu mai na i te mau puahorofenua mai te he huruhuru ra. 28 A faaineine i te mau fenua na e rave ia'na, e te mau arii ati Medai atoa, e to ratou mau raatira, e to ratou mau tavana, e te fenua atoa no'na ra. 29 E riro hoi te fenua nei i te rurutaina e te mau iui; o ta Iehova hoi i opua ia Babulonia nei, e parau mau ia, e e faaano i taua fenua ra ia Babulonia, e eiaha roa to reira ei taata. 30 Ua ore te feia puai o Babulonia ua aro, tei roto ana'e i te pare, ua ore to ratou puai; ua riro ratou mai te vahine ra; ua ama to'na mau fare, e ua ofatihia te mau te'a. 31 E horo te tahi hopoi parau e faareii atura i te tahi hopoi parau, e te tahi vea e faareii atura i te tahi vea, e faaite i te arii o Babulonia, e ua pau te tahi pae o to'na oire, 32 e ua roohia-noa-hia te mau

tomoran, e ua ama to mau aeho i te tomahi, e ua roohia te feia tama'i i te horuhoru. 33 Te na ō maira hoi Iehova sabaota ra, te Atua o Iseraela ra, E au te tamahine ra o Babulonia i te vahi papairaa; ua tae hoi i te tau, e papaihia 'i oia e ana, ia roaroa itā a'e e roohia mai hoi oia e te tau auhune ra.

34 Na te arii o Babulonia, na Nebukanesa, i amu ia'u e ua pau roa vau; ua riro vau ia'na mai te farli aore o roto ra; ua horomii oia ia'u mai te teni ra, ua faai oia i tana opu i te maa maitatai na'u nei, e ua faarue ia'u. 35 Te rave ino i tau tino nei, ei nia ia Babulonia, e na reira mai to Ziona ia parau ra; e tau toto nei, ei nia ia i te Kaladafo, e na reira mai to Ierusalemia ia parau ra. 36 E teie nei, te na ō maira Iehova, Inaha, teie au a parau i ta oe parau, teie a tahoo i te riri i iri mai i nia ia oe ra; e faatahe ō atu vau i te vai na'na, e tamarō vau i ta'na pape pihaa. 37 E riro Babulonia ei puea, ei parahiraa no te teni; e ei maerera, e ei tāhithitoraa, e aore roa ē taatahia. 38 E uuru paatoa ratou mai te liona; e mai te mau fanau'a liona i te faaaraa ia ratou iho. 39 Ia mahannahana ratou e faatupu ai au i ta ratou orea, e faataero vau ia ratou, ia oia ratou, e ia vaea i te taoto eiaha roa ia mure, eiaha roa ia ara faahou mai, te parau maira Iehova. 40 E aratai au ia ratou mai te pinia mamoe i te taparahiraa ra; mai te mamoe oni e te puaniho oni atoa ra. 41 Eaha te mea i pau ai Senekal e i hitimaue ai tei haamaitahia e te fenua atoa nei! e o Babulonia hoi tei maerehia e te fenua atoa ra! 42 Ua tae mai te miti i nia ia Babulonia, ua ninahia oia i te rahi o to'na are: 43 ua riro to'na mau oire i te ano, e fenua pāpāmārō, e e medebara; aore roa e taata e parahi i reira, e ore roa ta te taata nei tamaiti e na reira i te haere. 44 E tahoo atu vau ia Bela i Babulonia, e haapuai mai au na to'na vahi i tei horomihia e ana; e ore hoi te mau fenua e tairūru faahou mai ia'na ra; e te patu atoa o Babulonia ua mairi ia. 45 Haere outou i rapae au mai ia'na, e au mau taata e: ia ora hoi te taata atoa ia'na iho, i te riri u'ana o Iehova ra. 46 E eiaha to outou aaui ia tiai eiaha ia māta'u i te roo i itea i te fenua nei, e itea mai ā te roo i tera matahiti, i tera matahiti; e te rave u'ana i nia i te fenua nei, te tahi tavana i te tahi tavana. 47 E teie nei, inaha, te fatata maira te mahana, e tahoo atu ai au i te mau idolo i Babulonia, e roohia to'na fenua atoa i te maheahea, e hi'a haere noa hoi to'na mau taata taparahihia i roto ia'na ra. 48 E i reira te mau ra'i, e te fenua atoa,

e to roto atoa ia ratou ra, e himene ai ia Babulonia; na te pae i apatoerau mai hoi te rave ia'na e haru, te parau maira te *Atua sabaota ra*, o Iehova. 49 Mai ia Babulonia i mairi ai tei pohe i Iseraela nei, oia atoa tei Babulonia to te fenua atoa nei i te mairiraa. 50 O outou, o tei ora i te 'o'e ra, a haere, eiaha e parahi noa; e haamana'o ia Iehova i te atea é ra, e haamana'o ia Ierusalem *na te popou*. 51 Ua haama matou, i te faarooraa i te faaino ra; ua moe to matou mata i te haama, no te mea ua tomohia mai e te taata é te vahii mo'a ra, te hiero o Iehova. 52 E teie nei, inaha, te parau maira Iehova. te fatata maira te tau, e rave atu ai au i tana mau idolo; e autá noa to'na mau taata i te paruparu e ati noa "e to'na ra fenua. 53 Taetae noá te mau ra'i ia Babulonia, faaetaeta noá i to'na pare e teitei noa "e, na'u e tuu mai i te rave ia'na, te parau maira Iehova. 54 E aué tei itea mai, mai Babulonia mai, e te pau rahi, mai te fenua mai o te Kaladaio: 55 te haapau nei Iehova ia Babulonia, e te faaore nei i te haruru rahi ia'na ra, haruru noa 'i ta ratou are mai te miti puai ra, e pinai noa maira to ratou ahehe: 56 ua tae mai hoi te haru ia'na, ia Babulonia, e to'na mau taata puai, e pau ia i te riro, e hope roa ta ratou mau fana i te ofatihia; e Atua tahoo hoi Iehova, e na'na e tahoo maite. 57 E faataero atu vau i to'na mau arii, e te feia paari, e to'na ra mau raatira, e te mau tavana, e te feia puai; e taoto hoi ratou i te tahi titoraa mure ore, e ore e ara faahou mai, te parau maira te Arii, o Iehova sabaota ra to'na i'oa. 58 Te na ô maira Iehova sabaota ra; te patu aano i Babulonia ra, e pau ia i te taihitumuhia, e to'na mau uputa teitei e pau ia i te ama i te auahi; ohipa faufaa ore tura ta te feia i rave, rohi-rohiraa faufaa ore to te mau fenua no te auahi.

59 Te parau a te peropheta ra, a Ieremia, i parau atu ia Seraia, a Neria, a Maaseia, ia'na i haere i te arii o Iuda ra ia Zedekia, i Babulonia ra, i te maha o te matahiti o to'na ra hau; o te taata rahi hoi ia no Menuha, Seraia.

60 Ua papai ihora Ieremia i roto i te hoé huka, i te mau ino atoa e hopohia mai i nia ia Babulonia, teie atoa nei mau parau i papahia nei no Babulonia. 61 Ua parau atura Ieremia ia Seraia, Ia tae oe i Babulonia ra, ei reira oe e hi'o ai, ei reira hoi e taio ai i teie nei mau parau: 62 o riro hoi oe i te parau e, E Iehova, ua parau na hoi oe i teie nei vahii, e tãpú é atu, e eiaha roa ei taata i reira, eiaha ei taata e te puaa atoa; ia ano roa rá te reira vahii e a muri noa 'tu. 63 E hope a'era taua parau ra i te

taohia e oe ra, ei reira oe e taamu ai i te hoé ofai i nia iho, a taora 'tu ai i ropu i te *pape ra* o Eupharate: 64 a parau ai e, Na reira to Babulonia mairi, e e ore e tia faahou mai, no te ino ta'u e hopoi i nia ia oe ra; e e rohirohi hoi ratou. O te hopea hoi teie o te parau a Ieremia.

Te orure hau a Zedekia, e Ierusalem i te paura.

52 TEI te matahiti taua ma hoé Zedekia i arii ai oia, hoé ahuru hoé tiahapa o'na matahiti i te ariiraa i Ierusalem: o Hamutala te i'oa o tana metua vahine, e tamahine no Ieremia ra, no Libena. 2 Rave atura oia i te parau ino i te aro o Iehova, mai ta Iehoiakima i rave ra. 3 I na reirahia no te riri o Iehova ia Iuda e ia Ierusalem, e ia tuua-é-roa-hia ratou e ana. Orure ihora hoi Zedekia i te hau o te arii o Babulonia.

4 E tae a'era i te iva o te matahiti o te hau no'na, e te ahuru o te marama, e te ahuru hoi o te mahana i taua marama ra, i tere mai ai te arii o Babulonia, o Nebukanesa, oia e te nuu atoa, e rave ia Ierusalem, e ua patia ihora i te puhapa i reira, e ua patu ihora i te pare i reira e ati noa "e. 5 Arohia ihora taua oire ra e tae a'era i te matahiti hoé ahuru ma hoé i te hau o Zedekia ra. 6 I te maha o te marama, e te iva o te mahana i taua marama ra, te rahi ra te o'e i taua oire ra i reira, e aore roa e maa ta te taata o te fenua ra. 7 Parari ihora te oire: reva ana'e atura te mau taata tama'i, faarue maira i taua oire ra i te po, i na te uputa i ropu i na patu ra, i te ô a te arii ra; tei mua mai te Kaladaio i taua oire ra e ati noa "e; haere ana'e atura ratou na te vahii papu ra.

8 Ua auau maira rá te nuu o te Kaladaio i te arii, e noaa ihora Zedekia i te mau vahii papu i Ieriko ra; purara é atura to'na mau taata ia'na. 9 Ua rave ihora ratou i te arii, e ua aratai maira i Ribela i te arii o Babulonia ra, i te fenua o Hamata: e ua tuu maira oia i te parau ia'na. 10 Ua tairi ihora te arii o Babulonia i na tamarii a Zedekia ra i mua mau i to'na mata; e ua tairi ihora hoi i te mau arii o Iuda i Ribela ra. 11 Ua ohiti a'era oia i na mata o Zedekia ra, e ua tapea ihora ia'na i te tapea veo ra; e ua hopoi atura te arii o Babulonia ia'na i Babulonia, e ua tuu atura ia'na i roto i te tapeara e tae noa 'tura i te mahana i pohe ai ra.

12 E tae a'era i te pae o te marama, e te ahuru o te mahana i taua marama ra, i te matahiti hoé ahuru ma iva i te hau o te arii o Babulonia ra, o Nebukanesa, te haere maira te raatira o te

mau faehau ra, o Nebuzara-dana, o tei tia i mua i te aro o te arii o Babulonia, i Ierusalem, 13 na'na i tutui i te fare o Iehova, e te fare o te arii, e te mau fare atoa i Ierusalem, te mau fare rarahi ra, tei tuia e ana i te auahi: 14 e te nuu atoa o te Kaladaio i parahi i o te raatira o te feia faehau, o tei vavahi ia i te patu atoa i Ierusalem e ati noa "e. 15 E te tahi pae i te mau taata rii ra, e te tahi pae taata i faatohia i roto i te oire, e te feia taiva tei reva i o te arii o Babulonia, te toea o taua feia rahi ra, o tei hopoi-titi-hia ia e te raatira o te feia faehau e Nebuzara-dana ra. 16 O te tahi pae taata rii ra i taua fenua ra, o tei vaihohia ia e te raatira o te feia faehau ra e Nebuzara-dana, ei tope vine, e ei faaapu. 17 E te mau pou veo i roto i te fare o Iehova, e te mau vairaa, e te farii-vai rahi veo i roto i te fare o Iehova, o tei vavahia ia e te Kaladaio, e ua hopoi i te veo i Babulonia. 18 E te mau pani, e te mau taipu, e te mau paoti, e te mau a'ua, e te mau punu, e te mau farii veo atoa ra, e tei ravea e ratou i te raveraa ra, o tei hopoi-é-hia ia. 19 E te mau a'ua, e te mau farii auahi, e te mau a'ua poopoo, e te mau pani, e te mau vairaa-mori, e te mau punu, e te mau a'ua, te mau mea auro ra, o taua auro ra, o te mau mea ario, o taua ario ra, o ta te raatira o te feia faehau i hopoi é. 20 Na pou e piti ra, e te farii-vai rahi hoê, e na puatoro veo hoê ahuru e ma piti i raro a'e i te vairaa, i hamanihia e te arii e Solomona no te fare o Iehova, te veo no taua mau mea nei aita ia e faito. 21 Na pou hoi, hoê ahuru ma vau i te kubit i te teitei te tahi pou, e te taura e ati ai taua pou ra, hoê ahuru ia e ma piti i te kubit i e maha rimarima taua hei ra i te meumeu, te poopoo ra hoi i roto. 22 E te tapo'i i nia ihora, e veo ia; te teitei o taua tapo'i ra, e pae ia kubit i; e taheihia taua tapo'i ra e taremunahia i nia iho i taua tapo'i ra e ati noa "e, e veo ana'e; e mai te reira atoa te tahi pou, e remuna atoa ia. 23 E iva ahuru e ono tiahapa taua na remuna ra, i fariu tia i na mata'i atoa ra; hoê hanere remuna i nia i taua hei ra e ati noa "e.

24 Ua rave ihora te raatira o te feia faehau ra i te tahu'a rahi ra ia Seraia, e te tahu'a tauturu ra ia Zephania, e na tia uputa ra tootoru; 25 e ua rave ihora hoi i te hoê eunuka no roto i te oire ra, o te faaitoito ia i te feia tama'i ra, e toohitu hoi pue taata no pihai iho i te arii ra, no roto à i te oire, e te papai parau rahi no te nuu ra, o tei haaputu mai i te taata o te fenua ra, e na taata atoc e ono ahuru no taua fenua ra, i itea i ropu i taua oire ra; 26 o ta te raatira o te feia faehau, ta Nebuzara-dana i rave, e ua aratai atura i te arii o Babulonia i Ribela. 27 Tairihia ihora ratou e te arii o Babulonia, e pohe roa a'era i Ribela, i te fenua o Hamata; hopoi-é-hia 'tura Iuda ei titi e mairi maira to'na iho fenua.

28 Teie na taata i hopoi-titi-hia e Nebukanesa, i te matahiti hitu ra, e toru tausani e toru taau e toru tiahapa, ati Iuda: 29 e tae a'era i te matahiti hoê ahuru e vau tiahapa o Nebukanesa ra, ua hopoi titi oia mai Ierusalem 'tu i na taata e vau hanere e toru ahuru e piti tiahapa: 30 e tae a'era i te matahiti taau ma toru o Nebukanesa, i hopoi-titi-hia 'i e te raatira o te feia faehau ra e Nebuzara-dana, na taata e hitu hanere e maha ahuru e ma pae, e ati Iuda. E taua mau taata atoa ra ia taio, e maha ia tausani e ono hoi hanere.

31 E tae a'era i te toru ahuru ma hitu o te titiraa o te arii o Iuda o Iehoiakina, i te ahuru ma piti o te marama, e te mahana taua ma pae ra, ua tuu maira te arii o Babulonia ra, o Evile-merodaka, i te matahiti i arii ai oia ra, i te arii o Iuda ia Iehoiakina, i rapae au i taua tapearaa ra; 32 e ua paraparau maitai atura oia ia'na, e ua fanteitei oia i to'na terono ia teitei a'e i te mau arii atoa i Babulonia ra. 33 E ua haapae atura i tana ahu i te tapearaa ra; e ua amu oia i te maa i mua i tana aro e hope roa a'era o'na pue mahana i te oraraa nei. 34 E haapao-tamau-hia hoi ta'na tufaa, na te arii o Babulonia i horoa; o te mahana o te tufaa, e tae noa 'tu i te mahana e pohe ai oia, e hope roa a'era o'na pue mahana i te oraraa nei.